







9 9

13-21. 6: 26.

DE  
AVCTORITATE  
GRADV AC  
TERMINIS  
**LEGATORVM**  
**A LATERE**  
TRACTATVS

Ab Adm. Reu. Patre Fratre Io. Thoma à Turri  
Sac. Theologiæ Magistro Ordinis Præ-  
dicatorum æditus.

*Imprimi curavit Rallanichini*



*Dom. Prof. Rom.*

**R O M A E,**

Typis Angeli Bernabò de Vermis. 1656.

*Superiorum permissio.*

Est Moñrij S. Eugenij Senarum.

Ad vsum D. Zenobij Senensis.





Nos Fr. Iō. Báp̃tista de Marinis Sac.  
Theol. Profefs. Ord. Præd. humilis  
Mag. Generalis & Seruus .

**H**Arum serie, nostriq; auctoritate Officij facul.  
tatem concedimus tibi Ad. Reu. Patri Mag.  
F. Ioanni Thomæ à Turri Ianuensi nostræ Prouin-  
ciæ vtriusq; Lombardiæ, vt Opusculum à te com-  
positum, cui titulus, *De Auctoritate, Gradu, ac Ter-  
minis Legatorum de latere*, iam à duobus nostri Or-  
dinis Magistris reuisum, & approbatum, publicis  
Typis mandare valeas; seruatis alijs de iure seruân-  
dis iuxta decreta Sacrosancti Concil. Trid. Consti-  
tutiones nostras, ac Ordinationes Capitulorum  
generalium. In quorum fidem &c.

Dat. Romæ in nostro Conuentu S. Mariæ super  
Mineruam, Die xj. Ianuarij. 1656.

Fr. Io. Baptista de Marinis Mag. Ord.

Reuerendis. Patri Fr. Io. Baptistæ de Marinis to-  
tius Ordinis Præd. Mag. Generali optimo,  
ac vigilantissimo.

**I** Vssu P. V. R. ego infrascriptus perlegi opusculum  
A. R. P. Magistri Fr. Io. Thomæ à Turri lanuësis, Ord-  
inis nostri ex Prouincia vtriusque Lombardiæ, cui titu-  
lus inscribitur: *De Auctoritate, Gradu, ac Terminis Lega-  
torum de latere*, in libros tresdecim mirabili ordine dige-  
stum; in eo reperi nihil, quod Christianam pietatem ce-  
dat, immo sanam, & optimam doctrinam, cum variarum  
rerum cognitione coniunctam. Ideo prælo, ac publica læ-  
cem dignum censeo fructusque eximios vtentibus allatu-  
rum confido si P. V. R. placuerit, vt typis mandari possit.

Datum. Romæ 16. Decembris 1655.

Fr. Io. Vincentius Morenus à Mutina Ordinis Præd. Mag.  
& in Sacra Indicti Congregatione Librorum Censor.

**D**E mandato Reuerendis. Patris Fr. Io. Baptistæ de  
Marinis Generalis Magistri totius Ordinis prædi-  
catorum, summa animi attentione, nec minori volupta-  
te perlegi librum *De Auctoritate, Gradu, ac Terminis Lega-  
torum à latere*, ab Adm. Reu. Pat. Magistro Fratre Ioan-  
ne Thoma à Turri, breui stylo, mira claritate, ac non  
vulgari eruditione compositum; & nihil in eo Fidei Ca-  
tholicæ, aut veræ sapientiæ dissonum, quin potius sanam  
doctrinam, satis superque proficuum inueni. Quare vt  
typis præloque mandetur in gratiam, & communem do-  
ctorum utilitatem omnino censeo. Dat. in Conuentu  
Sanctæ Sabine de Vrbe die 10. Ianuarij 1656.

Ita attestor ego Fr. Franciscus Turrianus à Nicea Sa-  
cræ Theologiæ Doctor Ord. Præd.



Imprimatur si videbitur Reuerendiss. P. Mag. Sac. Palatii Apostolici.

*M. A. Oddus Vicefg.*

---

**L**ibellum hunc, cui titulus: *De authoritate, gradu, ac terminis Legatorum à latere*, ab A. R. P. Thoma à Turri Ord. Præd. Sac. Theol. Magistro summa eruditione, ac perspicua breuitate compositum, Ego Fr. Hieronymus Nicolinus Romanus Ord. S. Augustini Cong. Lombardæ Sac. Theol. Lector I. V. D. & ad præsens Parochus S. M. de Populo Urbis, iussu Reuerendiss. P. Raymundi Capisucchi Sac. Pal. Apost. Magistri, vidi, ac diligenter consideraui, nihilque in eo inueni, quod orthodoxæ Fidei, bonis moribus, sacris Canonibus, Romanorum Pontificum Constitutionibus, ac sacrarum Congregationum declarationibus repugnet. Quare dignissimum censeo, ut ad communem omnium vtilitatem quam primum in lucem edatur.

Dat. ex Conuentu S. Mariæ de Populo Urbis, hac die 5. Februarij 1656.

*Idem Fr. Nicolius qui supra manu pp.*

---

*Imprimatur*

Fr. Raymundus Capisuccus Sac. Apost. Palatii  
Magister Ord. Præd.

# INDEX LIBRORVM

ET

PARAGRAPHORVM.

Liber primus.

**D**E Nomine, Origine, ac Institutione Legati de latere. pag. 1.  
Paragraphus 1. De Nomine Legati. pag. 1.

Paragraph. 2. Differitur, quomodo auctoritatem sortiatur Dominus Legatus de latere in prima sui institutione, etiam nolum accepta possessione Legationis. p. 5.

Paragraph. 3. Qualiter recipiendus sit Legatus de latere accedens ad provinciam. cap. 8.

Paragraph. 4. Quam ex sui institutione Legatus de latere obtineat auctoritatem. p. 10.

Liber secundus.

De auctoritate Legati de latere in certa genera personarum. p. 14.

Paragraphus 1. Quam habeat Legatus de latere auctoritatem in Delegatos. p. ibid.

Paragraph. 2. Quam auctoritatem habeat Legatus de latere in Episcopos. p. 16.

Paragraph. 3. De auctoritate Legati de latere in exemptos. p. 23.

Paragraph. 4. De auctoritate Legati de latere in Moniales. 26.

Vbi. Queritur. An Legatus de latere possit consecrare Virgines. pag. 28.

Paragraph. 5. De auctoritate Legati de latere in locis exemptis. 31.

Paragraph. 6. De auctoritate Legati de latere in temporales. p. 33.

Paragraph. 7. De auctoritate Legati de latere, quoad collationem graduum. pag. 34.

Liber tertius.

De Auctoritate D. Legati de latere in Iudicialibus, & prononientibus ex eis. p. 36.

Paragraph. 1. De auctoritate Legati in procedendo. ibid.

Paragraph. 2. De modo observando à Legato in procedendo in Iudicijs. p. 38.

Paragraph. 3. De auctoritate Legati in auocandis causis. pag. 40.

Paragraph. 4. De auctoritate Legati circa appellationes. p. 42.

In quo queritur. An ad Legatum possit appellari, omisiss medijs.

Liber quartus.

De auctoritate D. Legati de latere in ordine ad Leges. p. 45.

Paragraphus primus. De auctoritate Legati in congregandis Concilijs. p. ibid.

Paragraphus 2. De auctoritate Legati in concedendis statutis. p. 46.

Vbi. Queritur. An possit Legatus

ius concedere statuta contra ius sica.  
commune.

p.70.

p.47.

Vbi. Queritur. An Prælati

Paragaphus tertius. De aucto-  
ritate Legati in interpretandis  
legibus.

inrants non alienare possit à Lega-  
to dispensari.

ibid.

p.48.

Queritur secundo. An Lega-

Paragaphus quartus. De vir-  
tute litterarum D. Legati de la-  
tere.

tum cum tali dispensans duplici  
actu hoc facere teneatur.

p.71.

p.50.

Queritur tertio. An Legatus  
possit alienare bona Ecclesiæ sibi  
commendata.

ibid.

Liber quintus.

Paragaphus unicus. De au-  
thoritate Legati de latere, quoad  
concessionem Indulgentiarum.

Queritur quarto. Quænam de-  
beant dici terræ.

ibid.

Liber sextus.

De Auctoritate Legati, quoad  
ius dispensandi.

Queritur quinto. An non exi-  
stente utilitate Ecclesiæ in alie-  
natione, debeat retrahari cau-  
tè.

p.54.

tractus.

p.74.

Paragaphus primus. De fa-  
cultate Legati de latere, quoad di-  
spensationes in communi.

Paragaphus secundus. De aucto-  
ritate Legati circa ultimas volun-  
tates.

ibid.

p.76.

Paragaphus secundus. De au-  
thoritate Legati in dispensando  
circa pluralitatem beneficiorum.

Liber octauus.  
De auctoritate Leg. de latere di-  
spensandi in irregularitatibus.

p.77.

Paragaphus tertius. De aucto-  
ritate Leg. in dispensando cum il-  
legitimis.

Paragaph. 1. De auctoritate  
Legati circa dispensationem irre-  
gularitatum ex delicto.

p.58.

ibid.

Paragaphus quartus. De au-  
thoritate Leg. in dispensando circa  
Matrimonia.

Paragaph. 2. De auctoritate Le-  
gati in dispensando cum bigamis  
& corpore vitiat.

p.62.

p.79.

Paragaphus quintus. De au-  
thoritate Leg. dispensandi in vo-  
tis.

Liber nonus.  
De auctoritate Leg. circa censu-  
ras Ecclesiasticas.

p.64.

p.81.

Paragaphus sextus. De aucto-  
ritate Legati in iuramentis.

Paragaph. 1. De auctoritate Leg.  
circa censuras in communi.

p.65.

ibid.

Paragaphus 7. De auctoritate  
Legati dispensandi cum simonia-  
cis.

Paragaph. 2. De auctoritate  
Leg. circa excommunicationem ex  
percussione Clerici.

p.66.

p.83.

Paragaphus octauus. De au-  
thoritate Leg. circa etatem.

Paragaph. 3. De auctoritate Leg.  
absolucendi à nonnullis censuris  
& in certis casibus.

p.68.

p.84.

Liber septimus.

Paragaphus unicus. De aucto-  
ritate Legati in concedendis facul-  
tatibus alienandi bona Ecclesia-

Vbi. Queritur. An Leg. possit  
absolvere, & reconciliare hæreti-  
cum occultum.

p.85.

Queritur 2. An Legatus pos-  
sit

Paragraph. 2. De expiratione,  
& terminatione Legationis. 116.  
sit absolvere a censuris Bullæ Cœ-  
næ Domini. p. 87.

Quæritur 3. An possit absolvere  
à censura ob Monachiam. 90

Quæritur 4. An viliteratum  
absolueri à censuris Canonis si  
quis suadente, possit absolvere per-  
cutientes DD. Cardinales. p. 90.

Quæritur 5. An possit absolvere  
extrahentes frumenta, bladas, ani-  
malia, &c. extra statum Ecclesiasti-  
cum. p. 91.

Quæritur 6. An possit absolvere  
Confessarios absolventes à censuris  
contentis in Bulla Cœnæ, p. 89.

Quæritur 7. An possit concede-  
re facultatem asportandi frumenta  
ex locis immediatè subiectis Ec-  
clesiæ ad loca mediatè subiecta. 91.

Paragraph. 4. De auctoritate Leg-  
ati circa interdictum. p. 94.

Vbi Quæritur. An Legatus  
possit reconciliare Ecclesiam pollu-  
tam ob effusionem sanguinis. p. 95.

Paragraph. 5. De auctoritate  
Leg. circa suspensiones. p. 96.

Liber decimus.

De auctoritate Leg. circa colla-

tionem beneficiorum. pa. 100.

Paragraphus 1. De potestate in  
conferendis beneficijs. p. ibid.

Paragraph. 2. De auctoritate Le-  
gati quoad commendas. p. 103.

Paragraph. 3. De auctoritate  
Legati circa pensiones. p. 104.

Liber undecimus.

De auctoritate Legati circa re-  
servationes. p. 106.

Paragraph. 1. De auctoritate Le-  
gati in reservandis beneficijs. ibid.

Paragraph. 2. De beneficijs re-  
servatis Papæ. p. 107.

Liber duodecimus.

De auctoritate Legati in Conci-  
lijs Generalibus. Paragraph. vni-  
cus. p. 108.

In quo quæritur. An Conciliū  
nomine Papæ congregatum à Le-  
gatis, & directum, possit errare in  
fide. p. 111.

Liber tertiusdecimus.

De terminis potestatis Leg. &  
Legationis. p. 113.

Paragraph. 1. De terminis po-  
testatis Legati. p. 113.

Paragraph. 2. De expiratione &  
terminatione Legatum. p. 116.

# LIBER PRIMVS.

De Nomine, Origine, ac Institutione  
Legati de Latere.

## PARAGRAPHVS I.

*De Nomine Legati.*



OMEN Legati passiva significatione à verbo legare ( quod est in legationem mittere, Oratorem constituere proprio, vel publico nomine acturum negocia) fuisse desumptum, Antiquiores, qui scripserint, testantur, & Plato in Amph. Salustius in Iugurt. Plautus in Casm. Cicero Atti. lib. 8. 9. Phil. & 2. de Orat. ubi inquit; Athenienses ad Senatum Legatos de rebus suis maximis misisse. Et Quintilianus lib. 18. cap. 1. missam ad Achillem legationem commemorat. Veruntamen aduertendum omnino est, quod priscis ætatibus Legationes nobilibus Personis ornamentis, atque honoris causa demandari solebant; & huiusmodi legationes liberæ dicebantur, de quibus apud Bubæum hæc leguntur: *Legationes liberæ olim ornamentis tantum causa ab Senatu impetrabantur, quemadmodum Honorarij Magistratus à Principibus, honestamenti causa conceduntur, tituloque tenus obeuntur, & geruntur*. Has autem ij Senatores impetrabant, quibus negocia futura erant in prouincijs, vt qui hæreditates persequi, aut legata, aut nomina exigere volebant in prouincijs, Legatorum personis acceptis, commendabiliores controuersias haberent, atque fauorabiliores; hoc

A

tamen

tamen Legationis genus, utpote exteris nationibus ex-  
sum, lege duodecim tabularum fuit explosum.

Hodie Legationis nomine, munus, & officium a  
Principe, vel Ciuitate demandatum ad publica tractan-  
da negocia, communiter intelligitur; vnde Isidorus  
Hispalensis Episcopus Sanctissimus, & eruditione infi-  
gnis lib. 2. de Differentijs num. 45. inquit: *Legatus electus  
est ad officium à Ciuitate, & est sacro sanctus.* Ad Lega-  
tionem autem Ecclesiasticam, eiusque munera acceden-  
do, duo reperio Legatorum genera: alij namque ita sunt  
Nuncij, ut non sint iudices, & tales essent, qui à D. Papa  
pro mera ambasciata, vel ad aliquod nudum ministeriũ  
exercendum mitterentur, de quibus di. p. ius gentium, &  
97. di. cap. nobilissimus, & l. ult. ff. de legationibus; & hi  
improprie Legati dicuntur: Alij verò sunt Legati  
Iudices, quos D. Papa, velut Ordinarios instituit in ali-  
qua Prouincia, vel Regno, & horum tria sunt genera;  
ut no. Glo. & Panormitanus in cap. excommunicatis. de  
off. Legat. Specul. lib. 1. partic. 1. §. sequitur videre. Quidã  
sunt locales, seu nati, hoc est, sunt Legati ratione digni-  
tatis, in qua nascuntur ex priuilegio per Sedem Apосто-  
licam concesso eorum Ecclesijs; ut plures Archiepiscopi  
recensiti in cap. 1. de off. Legat. & alij, quos recentius A-  
postolicus profecutus est fauor: Alij sunt Legati missi ad  
aliquod negocium, seu etiam ad residendum apud Re-  
ges, & Principes, qui non sunt Cardinales, & proprie  
vocantur Nuncij. Alij demum appellantur Legati de  
latere missi, quia, scilicet, de latere D. Papæ mittuntur,  
cui assistunt in Curia; de quibus Glo. in d. cap. excommu-  
nicatis. de off. Leg. & isti secundum Io. And. & Panorm. in  
cap. penult. eo tit. dicuntur Domini Cardinales, qui late-  
ri D. Papæ semper assistunt ut Consiliarij in partem solli-  
citudinis, quicquid dixerit Glossa. Ideo autem Emm.

DD. Cardinales, qui lateri D.Papæ semper assistunt, & sic mittuntur, vocantur Legati de latere, quia sunt veluti partes corporis Papæ, vt in extrauag. Io.XXII. Execrabilis de præb.& cap.vbi periculum.de elect in 6. & in Clem. ne Romani.de elect.& per Cherub.schol.2. in Cōstit.Eugenij IV.licet Romani. Capellani, & alij Curiales, etiamsi à Papa ad Reges, vel prouincias mittantur, & cum magnis facultatibus, nequeunt appellari Legati de latere; quia & si degant in Curia, atque D.Papæ assistant, non tamen in secretis Consilij, & in Regimine totius vniuersalis Ecclesiæ, vt d.Extrauag. execrabilis.

No.1. Hinc sequitur, Collegium DD. Cardinalium, non posse mittere Legatum de latere; non ea solum ratione, quia par in parem non habet authoritatem, vt quidam dixerunt; ( non enim omnino curreret vbi de Vniuersitate in ordine ad vnum de Vniuersitate est sermo ) neque quia oporteat DD. Cardinales interesse electioni Romani Pōtificis, vt d.Clem ne Romani; hoc enim potius extrinsecus se habet ad propositum præsens; neque etiā ea ratione, quod DD. Cardinales Sede vacante nullam habeant determinandi, aut definiendi facultatem ultra ea, quæ ipsis concessa sunt per Romanos Pontifices, vt suo loco dicetur; sed quia apud DD. Cardinales, aut eorū Collegium, Papa defuncto, non residet Dignitas, aut authoritas Papæ, de cuius latere, & corpore dicuntur Cardinales ipsi.

Possent tamen à Collegio DD. Cardinalium alium loco Legati subrogari, sed non cum facultatibus, quæ per Romanum Pontificem Legatis concedi solent, ratione supradicta.

No.2. Potest Papa, negocijs sic exigentibus, cogere aliquem ex DD. Cardinalibus ad suscipiendum munus Legationis, etiamsi aliàs eadem functus fuerit Legatio-



ne, nisi legitimo detineatur impedimento à Sanctitate sua probando: Gloss. cap. in scripturis vestris §. 9. p. 1. quandoquidem & cogere potest quempiam ad Episcopatū suscipiendū, vt d. cap. & per D. Th. quolibeto 5. a. 2. 2.

No. 3. Et quoniam Legatio iurisdictionem concernit ad munus Legati de latere obeundum eligi possunt etiā Subdiaconi ad omnia negocia peragenda ad libitum Sanctissimi D. N. 10. q. 3. relatum.

No. 4. Si fiat mentio Legati in odiosis, appellatione Legati, seu Legatorum non veniunt, aut comprehenduntur Legati de latere, sed de eis specialis facienda est expressio ob eminentiam dignitatis, & officij, 36. di. cap. Abbatum, cap. 1. de verb. signif. in sexto, Roderic. quæst. Regular. tit. 2. q. 63. a. 5. Cherub. schol. 2. ad Constit. 17. Eugenij IV.

In fauorabilibus verò secus dicendum est. Et Speculat. lib. 1. particula 1. §. sequitur videre. aduertit, quod Legatus de latere in quatuor excedit alios Legatos; primò in absolutione excommunicatorum, extra de off. Leg. excommunicatis. Secundò, quia eo præsentē alij Legati vt minores suis insignijs non vtuntur, nec officium Legationis exercent, vt eod. tit. volentes, extra de priuileg. Antiqua 21. di. Denique tertio, in beneficiorum collatione, vt in c. officij. Quarto in procuratione, extra de censi. procurationes; vnde deducit, quod alij sunt Legati magni, vt nati, alij maiores, vt constituti, alij maximi, vt laterales. Quinimmo & Legato de latere præsentē non se intromittit de causis coram eo inchoatis. non se intromittere, quia tutor gerere prohibitus, remotus esse intelligitur, ff. de suspic. tu. l. hæc enim. Item & præbendas donationi minoris reseruatas Legatus ipse maior conferret. spec. partic. 1. de Legato. §. Hunc tractemus, & antecedenti verb. idem quoque erit. de præbendis.

PARA-



## PARAGRAPHVS II.

*Disseritur, quam auctoritatem sortiatur Dominus Legatus de latere in prima sui institutione, etiam nondum accepta possessione Legationis.*

No. 1. **L**egatus de latere coram Summo Pontifice, & in Vrbe existens nullam exercere potest iurisdictionem, aut Legationis insignia gerere, quia ubi est maior, cessat minor; nec Summus Pontifex Legatos instituit contra se; nec est eadem, aut par ratio de DD. Cardinalibus, ceterisque Prælati Romæ degentibus: hi enim purè Ministri sunt, Legati verò vicem D. Papæ obtinent.

Extra Urbem verò, & non præsentē Papā, D. Legatus uti potest insignijs. Hæc est contra Hostien. eamque tenent Cardin. in Clem. Archiep. de priuileg. Syluester Prier. verb. delegatus q. 12. & Gābara lib. 1. qui & id consuetum affirmant, & idē testatur euidētia. Ratio huius est, quia extra Urbem, & in absentia D. Papæ habet iurisdictionem saltem voluntariam, etsi non contentiosā.

No. 2. Ex dicta ratione colligitur, D. Legatum de latere extra Urbem existentem, etsi nondum adeptum prouinciam sibi demandatam posse delegare causas in prouincia, quia hoc non requirit causæ cognitionem: Verum est tamen, quod si ille, cui aliqua committitur causa, nolit eam recipere, non potest à D. Legato cogi; Gloss. in c. nouit, de off. Leg. & in cap. statutum. de rescrip. in sexto: Neque potest mandare generaliter in omnibus, ff. de off. Procons. obseruare.

No. 3. Colligitur secundo, posse Legatum existentem extra Urbem, & in itinere absoluerē excommunicatos ob percussionem clerici ipsum vndecumque accedentes,  
cap.

cap. quod translationem. de off. Leg. cap. ad eminentiam. de sent. excommunic. & Hostiensis, qui in cap. i. de offic. Leg. limitauerat, nisi iniuria esset enormis, in d. cap. ad e. minentiam tenet, quod possit absolvere, etiam pro enormi. Legati verò temporales extra prouinciam non possunt absolvere, nec exteros, nisi specialem habeant facultatem, vt eo tit. notauit Archiepisc.

No. 4. Legatus de latere extra Urbem honorandus est loco illius, cuius legatione fungitur, 92. di. præcipimus; quin. & idem honor ei est exhibendus, sicut Papæ, 93. di. cap. ult. ff. de officio præf. l. vn. in fin. Gloss. in 2. q. 4. quæ de causa. Hoc tamen non ita est intelligendum, quod tantus simpliciter sit exhibendus Legato, quantus exhiberi solet Papæ; sed sic, quod Legato exhibendus est honor sicut representanti personam Papæ; nam maior est dignitas, quam quis habet iure proprio, quam ea, quam habet ex persona alterius, vt notat Decius in c. sanè. de off. Leg. num. 7. & seqq. & idem, aut simile obseruatur in Oratoribus Regum, in Proregibus, & olim obseruabatur in Legatis, & Consulibus.

No. 5. Legato existenti in via debetur procuratio, etiā ab ijs, qui non sunt de sua legatione, Abb. in c. cum instātia de censi. & hoc intelligi debet, quando aliunde viaticum non habet, tunc enim à quibuscumque exigere potest procurationem, etiam si sint exempti, & habeant priuilegium, cuius fieri deberet expressa mentio, vt ei derogetur; sed de hoc inferius dicendum. Ratio est, quia Sedes Apostolica concedit priuilegia contra inferiores, non contra se.

No. 6. Potest quoque dispensare iuxta facultatem contentam in literis, quia est actus voluntariæ iurisdictionis, Gambar. lib. 10. num. 358. post collect. in cap. nisi Clerici, de iud. hoc autem intelligitur quoad suos sub-

subditos, id est, homines de sua prouincia.

No. 7. Non potest excommunicare, aut absoluere, aut exequialia, quæ requirunt causæ cognitionem; Pannorm. in c. nouit. de off. Leg. potest tamen absoluere, si cognouerit, se errasse in excommunicando, quia huiusmodi absolutio fit sine causæ cognitione, per Innoc. in dicto cap.

Potest item absoluere in foro animæ in omnibus, in quibus non fit præiudicium tertio, eadem ratione, scilicet, quia talia processum iudicarium non requirunt, Syluest. verb. absolutio 1. §. 2.

Hinc sequitur, quod possit excommunicare subditum in notorijs, vt c. euidentia. de accus. & ibi per Hostien.

Non tamen posset excommunicare solemniter, quia esset usurpare iurisdictionem Dioecesani, quod prohibetur Clem. eo tit. quamuis.

Quæst. sed supposito, quod extra territorium contētiōse procedat, quid sentiendum de validitate? Dico, non valere processum, nisi fiat de consensu Dioecesani, & partium, quia partes non possunt trahi extra territorium inuitæ. cap. litigantes, de off. Ordinari. in sexto.

No. 8. Nolentes recipere Legatum, & impediētes incidunt in excommunicationem extrauag. Io. XXII. Super gentes, de consuetud. quæ tamen non est reseruata, nisi fortē ob censuram Bullæ Cœnæ Domini, contra offendentes DD. Cardinales; nam hæc est reseruata soli Romano Pontifici.

No. 9. Legato nouiter missō, & existente in via, alius Legatus, qui est in prouincia non tenetur suspendere officium suæ legationis, nisi demum superueniente viso Legato. Immo & in hoc casu, quo alius existat in prouincia, non potest Legatus de nouo missus ante eiusdem prouinciæ ingressum exercere iurisdictionem. voluntariam,

riam, quia alius potest, & valebit quicquid iste egerit, donec nouerit alium Legatum aduenisse, ff. de off. proconsul. & l. si fortè.

### PARAGRAPHVS III.

*Qualiter respiciendus sit Legatus de latere  
accedens ad Prouinciam.*

No. 1. **L**egatum de latere accedentem ad sibi demãdatam prouinciam, veluti Proconsulem, recipit Clerus, & populus admonitus solemniter. Et exēpti ipsi, Episcopo iubente, tenentur exire obuiam Legato accedenti ad Urbem aliquam suæ legationis. cap. nimis praua, de excessi. prælatus. Ad idem tenentur Episcopi, & Archiepiscopi. Item Legati minores, quia est Legatus Sedis Apostolicæ, & vices gerit ipsius Papæ, vt Vicarius ipsius, qui est vniuersalis Ecclesiæ Princeps supremus.

No. 2. Legati minores, accedente D. Legato de latere dimittere debent executionem sui officij, cap. nolentes, de off. Leg. c. antiqua, de priuil. & 21. di. c. denique. Eo verò recedente, reassumunt sua munera, quia non expirauerant, sed dormiebant, 11. q. 1. peruenit, 43. di. Ecce.

No. 3. Legatus antequam potestatem exerceat debet literas exhibere. cap. nobilissimus di. 93. & 63. di. cap. distis. Hodie tamen ad id videtur non teneri aut ex dispensatione, aut ex consuetudine. Itaque D. Cardinali simpliciter asserenti, se esse Legatum viuæ vocis oraculo deputatum, de iuris rigore loquendo, non creditur: iuxta tamen communem Doctorum sententiam, ei fides adhibetur ex consuetudine. Alter. in can. 13. Bullæ in Coena Domini, Specul. & Gloss. super particula 1. lib. 1. §. officij. Hoc tamen intelligunt quoad facultates soli-

tas concedi Legatis de latere, secus in alijs, etiam si habeat priuilegium, quod sibi credatur de facultatibus, & præsertim in his, quæ bono publico aduersantur, etiam si asserat se litteras perdidisse. Syluest. verb. De legatus q. 10. post D. Cardinalem Io. de Turrecremata in cap. Nobilissimus. 97. di. dicentem, quod Legato sine litteris nunquam creditur, si aliquid velis definire, & instituere in præiudicium alterius; secus in alijs, & Federic. de senis consil. 200. dicit, quod Legatus non potest agere in præiudicium alterius.

No. 4. Litteris exhibitis, loca Ciuitatis, & præcipuè sacra visitet, vt à Deo initium sumat, & pro indigentia eis iubeat prouideri. De carceribus, & carceratis humaniter inquirat, & diutius absque necessitate detentos mandet expediri. Item de Curialium qualitate. horum enim odio, aut avaritia nocentium studetur impunitati, & innocentium procuratur perditio. Studeat apud se habere viros probos, qui causas deferant, considerans tamén nihil magis optabile populis, quàm ad Principis laures accedere, & nihil in Principe æquius, quàm auditum subditis præbere; vnde & antiquitus de iussu, Principes in portis Ciuitatis sedebant, vt non defatigarentur iudiciū quærentes, sed aduentantibus iudicium offerrent ps. 118. & Hierem. Tren. & de Ludouico S. Gallroum Rege id, inter plura laude digna commendatur, quod causis pauperum bis in hebdomada vacaret; Et Io. Elemos. Episc. exclamabat. *Qui sumus nos, qui aures Dei habere ad nutum optamus, & portas pauperibus, & populis occludimus, &c.* Curet Legatus, subditos benignitate allicere, non fastu terrere nihil enim in Principe Ecclesiastico incomptius vt nihil pietate proprium magis esse deceat. Familiam habeat ab omni avaritiæ forde alienam, nobiles, diuitesque quidem honore debito colentem, sed quæ pau-

per em non spernat, non increpet, non reiiciat, non excludat nō sit lucri sectatrix, sed de pietate sollicita, & Domini sui decore anxia. Innumera alia congerit D. Bernard. quæ ab Archiepiscopo Sanctiss. Antonino recēsentur, & celebrantur; quibus viri, qui Dei timore aguntur, summo opere applaudunt, & omni animi promptitudine ac hilaritate obsequuntur.

Ip sius muneris est, commissam sibi prouinciam tenere paratam, & eam purgare malis hominibus, & eos punire, vt ff. de off. præsi. l. 3. & l. congrius, extra de off. iudic. ord. c. p. ff. de offic. præf. Vrb. l. p. S. quies quoq; Item prouincialium causas audire. extra de offic. leg. c. p. & n. 9. 6. Decreto, sed de hoc inferius dicendū. Item inuigilare debet saluti, & ædificationi chori, & populi sibi commissi, vt ff. de off. præf. V. l. l. eodem 3,

#### PARAGRAPHVS IV.

*Quam ex sui institutione Legatus de latere obtineat  
Auctoritatem.*

No. 1: **L**egatus de latere habet iurisdictionem ordinariam, Bald. ff. de offic. Procons. No. in cap. Legatos de off. leg in sexto, quæ & id indubitanter asserit quoad ea, quæ ei competunt iure Legationis. Apparetque eum esse Ordinarium, quia ad eum vniversæ causæ criminales, & ciuiles in prouincia deferuntur. Innoc. in cap. quod translationem, de offic. leg. & Bellarm. in obseruat. ad Concilium Tridentinum sess. 6. cap. 3 de reform. l. neque obstat, quod vicesgerat Papæ, quia Papa in toto mundo habet iurisdictionem ix. q. 2. cuncta per mundum. Vel etiam dici potest, quod habet iurisdictionem ordinariam inordinario

nario modo per Abb in cap. cū non, de off. leg. Et habet imperium super omnes Iudices in prouincia post Principem, vt docet Innoc. ind. cap. quod translationem.

No. 2. In his vero, quæ Legato competunt ex speciali facultate, habet delegatam iurisdictionem, & est communis Doctorum sententia, quam approbat No. in cap. Legatos eo tit. sed & idem est in Episcopis in his quæ eis speciali commissione, vel indulto demandantur.

No. 3. Legatus de latere non potest se subijcere alicui infra Dominum Papam, excepto iudicio animæ per extrauag. de pæn. & rem. Ne pro dilatione; lo. de Turre cremata in 2. q. 11. Nos si competenter.

No. 4. Legatorum facultatem secundum temporum, & negotiorum exigentiam metiri docet Cherubim, schedol. p. ad Const. Innoc. VI. Cum onus; quod quidē intelligendum est sano modo, hoc est, cum respectu ad commissiones, & non ad excessus earum, nisi vbi Epicheia aliquid faciendum decerneret. Quid autem possit Legatus de latere, ex triplici capite colligendum est p. ex litteris suæ Legationis, De priuileg. c. porro, & non est contra 25. q. 11. seruatis; quædam tamen potest, etiā si non exprimantur cap. studuisti de off. leg. Innoc. ad d. cap. quod translationem, videlicet, aut quia prioribus connexa sunt itavt illa sine istis agi minimè possint, aut quia sunt conuenientia inferioribus; secundo alias facultates habet ex Canone, vt pluribus textibus edocemur; Tertio, ex consuetudine, quæ in litteris nimis onerosum esset exprimere, Ita ex testibus modo allegatis. In his omnibus pares quoslibet de latere Legatos crediderim, quia vt Ordinarij his potiuntur, eadem autem est facultas Ordinariorum eiusdem generis, & speciei, vt titulo de off. ordinarij. In his, quæ specialiter Papæ reseruantur, credunt aliqui non valere consuetudinem,



sed ipse oppositum sentit cum Abb. in cap. cum non non, & cap. quod translationem n.4. saltem ex concessione Romanæ Ecclesiæ, dummodo tales facultates fuerint insertę litteris institutionis secundum Ho. ib.

No. 5. In Legato de latere residet quidquid potestatis est in Patriarchis, Archiepiscopis, Episcopis, Abbatibus, &c. suæ Prouinciæ Abb. vbi supra, Gambar. lib. 2. cap. 2. n. 55. & hoc quoad vtrunque forum, interius, videlicet, & exterius. Et quamuis aliquid sit reseruaturn Sedi Apostolicæ, si materia non sit de se grauis, hoc permittitur Legato de latere, per Glo. in cap. Auctoritate. de institut. Potest Legatus ea, quæ ex speciali reservatione competunt Papæ, sunt tamen solita concedi Legatis, quoniā hæc transeunt cum generali mādato legationis. casus est in d. c. quod Translationē, solita cōcedi secundum veriore sententiam, dicuntur, quæ duobus Legatis successiue concessa reperiūtur, neq; exigitur tēpus immemorabile, quia hic non agitur de obligatione vt notat Abb. in d. c. quod translationem n. 4. Neq; necessitas concedendi releuat, quoniam semper ex causa speciali huiusmodi mandatur. In casu necessitatis vrgentis potes Legatus omnia, aut plura, dūmodo non sint ex incommunicabilibus, quæ Papæ reseruantur insignum specialis priuilegij; quia D. Papa intelligitur velle providere fidelium saluti, & commodo, & in casu necessitatis nemini deesse, & necessitas facit licitum, quod alias licitum non erat. De regul. iur. in sexto.

No. 6. Potes Legatus de latere commissiones quaslibet alijs demandare exequendas, & hoc est speciale in eis, cap. quoniam de off. Leg. §. cæterum. Nou potest tamen prouinciam legationis titulo obtentam per Locumtenetem, aut Officiales quoscunque administrare, sed personaliter eidem, aut semper, aut sere semper adesse



se constitit : Leonis X. supernæ . Neque potestatem suam extra terminos suæ legationis regulariter exercere Ita in litteris, & pluribus textibus . Potest statuere , & executionem demandare eorum, quæ ad suæ legationis officium de iure, vel consuetudine pertinent , & quæ ad honorem Sedis Apostolicæ, & ad pacificum statum suæ legationis spectant gerere, quomodolibet opportuna-

*sint; Etiam si sint maiora expressis in litteris, quæ*

*specificam, & indiuiduam mentionem requi-*

*runt, non obstantibus quibuscunque*

*constitutionibus Pontificijs, &*

*locorum, &c Ita in*

*Litteris .*



<sup>14</sup>  
LIBER SECVNDVS

De Auctoritate Legati de latere in certa  
Genera Personarum .



N vniuersalia actis, & habitis principijs, via nobis struitur ad conclusiones eliciendas; At in his, quæ praxim concernunt, ex circumstantiarum multitudine, ac varietate labor nascitur; Idcirco cum in materia exercendæ potestatis circa iudiciorum formam, personas, loca, res, &c. versetur, pro intellectu, ac capto promptiori gratum censeo fore, ut si quæ capite postremo superioris libri tacta fuerint, ut generalia, ad singula propositæ accommodentur, ac à Personis, quas Legati respicit iurisdic-tio sumatur exordium, & præcipua digna notatu hoc secundo libro absoluantur.

P A R A G R A P H V S I.

*Quam habet Legatus de latere auctoritatem  
in Delegatos.*

No. I. **H**abet Legatus de latere facultatem auocandi causas à quibuscunq. Ordinarijs, & Delegatis, quæ ex vi litterarum solent concedi, ut in principio fere earum pro D. Legato Romandiolæ, & Ferrariæ &c. apparet. Sunt tamen, qui credunt, nomine Delegatorum intelligendos esse Delegatos Ordinarios, non autem D. Papæ, quoniam respectu horum clamant omnia iura, eòs non compræhendi dictione illa, nisi fiat de eis mentio specialis, quolibet docet regula, quare  
sub-

subdunt. Non potest Legatus de causa delegata se intrittere, quia mandatum speciale derogat generali c. studuisti de off. leg. Sententiam tamen Delegati rationabiliter latam valebit Legatus confirmare, & mandare executioni d. cap. studuisti: Sed hoc quod dicitur valebit confirmare, refertur potius ad factum, quàm ad ius, quia verè nullam habet super tali sententia cognitionem, sed ad instantiam Delegati potest illam executioni mandare per Glo. ib. Ad executionem tamen dictę sententię non potest Legatus à Delegato compelli, sed supplicari debet; Nec obstat cap. Pastoralis §. quia vero, nam non loquitur de Delegato, sed de Ordinatione loci.

No. 2. Legatus non potest impedire executionem sententię latę à Delegato etiam si pronunciaffet contra formam mandati, quia hoc est Delegantis. Vnde minus bene videtur sensisse Gambarà lib. 8. n. 99. asserendo oppositum, sed nostra assertio habetur in c. Venerabili de off. Delegati, & in hoc Delegatus speciali est maior Legato per Glo. in d. c. studuisti. Posset quidem reddere Principem certiozem de excessu, immo & interim impedire, si de graui præiudicio alicuius ageretur, quod immineret, & suspicaretur rationabiliter de mente Delegantis, ob Epicheiam, secus verò non.

No. 3. Non potest Legatus compellere Delegatum negligentem, Glo. in d. cap. quia delegatus Papę in causa sibi commissã est maior omnibus citra Papam, & pro eadem, atq; in ea debet honorari, vt Papa. cap. Significasti de off. deleg. & per Abb. ib. n. p. Potest tamen cognoscere causas à Delegatis Sedis Apostolicę interpositas: Hoc habetur in supradictis litteris legationum.

No. 4. Delegatus tenetur ostendere suum mandatum Legato; quia cum deroget mandato generali eiusdem

Legati, debet iste cognoscere, quibus terminis suæ iurisdictioni opponatur. Licet mandatum speciale deroget generali, si tamen de nouo oriatur causa, aut antiqua detegatur, quæ in mandato speciali verosimiliter considerata non fuerit, quæq; si fuisset considerata, mandatum illud speciale non emanasset; tunc habens generalem commissionem posset impedire habentem specialem, per Abb. in c. studuisti. de off. leg. Si quis obtineat à D. Papa rescriptum ad Delegatum, potest præueniri à Legato tanquam Ordinario, cum acripto vsus non fuerit. Abb. eod. cap. Legatus non debet permittere, quod Delegatus habeat Officiales armatos, nisi hoc ille habeat ex speciali priuilegio, sicut in Clem. II. de hæret. indulgetur specialiter Inquisitoribus hæreticæ prauitatis, & iuxta No. in cap. per hoc de hæret. in sexto, Abb. c. studuisti de off. Deleg. n. 10. Legato adueniente, suspenduntur officia aliorum Legatorum non de latere c. Volentes de off. lcg. Hostien. in c. mandata de præsumpt. Alberic. de Ros: in dict. eod. tit. §. Legatus. .

## PARAGRAPHVS II.

*Quam auctoritatem habeat Legatus de latere in  
Episcopos -*

**Q**uoniam officium Legati in quibusdam simile est officio Delegati, & uterq; gerat vices Superioris scilicet, Domini Papæ, vt in rubr. de off. leg. Ideo locum priorem dedi Delegatis modo de Episcopis, & Ordinarijs dicturus.

No. I. Episcopi iurant reuerentiam Legatis de iur. iur. cap. Ego enim, sub his verbis, *Legatum Sedis Apostolicæ quem certum esse cognouero, in eundo, & redeundo honorifice*

*norifice tractabo, & in suis necessitatibus adiuuabo.* Episcopus Legato de latere præsente, non potest populo benedicere, nec vti Cruce, Mozzeta, vel Rocchetto discooperto; ex Decret. Sac. Congreg. Rituum in Perus. 2. Octobris 1601. Nec Patriarchæ vti pallio: No. in c. antiqua de priuileg. & in c. volentes, de off. leg. Intra propriam Ecclesiam, non præsente Legato, vel eo annuente potest populo benedicere ibi.

No. 2. Non potest Legatus ex generali legatione, etiam amplissima, transferre Episcopos, vel vnam Cathedralē alteri subijcere, vel concedere ius Primatiæ vel duos Episcopatus vnire, aut vnum diuidere; cap. Nisi specialis, de off. leg. quia hæc reseruantur Papæ, ex speciali priuilegio, quæ non transferuntur generali mandato. No. in d. c. Nisi.

No. 3. Vbi vigeret mos eligendi Episcopos, posset eorum electiones confirmare, dummodo esset in provincia, cap. Si Abbatem de electi in sexto, & No. ibi. Non potest dare Coadiutorem Episcopo, quia est de spectantibus ad Sedem Apostolicam. cap. Pastoralis, de Cler. egrot. in sex. & per Glo. ibi, Legatus excluditur. In remotis tamen, necessitate urgente, posset dare Coadiutorem, in d. cap. Pastoralis. Nec officit, quod id concedatur Capitulo tanquam Papæ Delegato, nam non excluditur Legatus, si sit præsens; Ideo enim committitur Capitulo, quia vt plurimum non est in Ciuitate persona dignior. potest Legatus de latere rationabili de causa Episcopum interdicere Glo. in cap. Periculosum, de sent. excomm. & in litteris Legationis, vt supra, dum detur Legato facultas in quoscunq; exemptos, cuiuscunq; dignitatis, status, conditionis, ordinis inobedientes, vel legum contemptores. Nec huic obstant dicta in eo cap. quia periculosum, Episcopis favorabilia, quia per illa

eximitur Episcopus tantummodo ab authoritate Archiepiscopi quoad non posse excommunicari, non autem eximitur à Legato. c. Ne Aliqui, de priuil. & c. Veniens, de verb. signif. in sexto. Rationabilis autem causa est, si Episcopus impediatur facultate n. Legati, aut impediens cooperetur, vel eos defendat, & tueatur, de off. deleg. cap. quia quæsitum, & 94. di. si quis, & 23. q. 4. Inter, & cap. Guilisarius, & 2. q. 7. si quis ab Episcopo, & Abb. in d. cap. quia quæsitum n. p. Si quæras, coram quo satisfaciet Episcopus sic excommunicatus; per quod coram Papa, vel Legato eodem per D. Io. de Tur. recremata 94. di. in cap. si quis. Non item potest interdici, si negligens fuerit, aut consilium dederit absq; opere Glo. in d. cap. Neq; Episcopum contradicentem, aut impediens de iure, vt per Glo. pro illorum de præb. & Felin. in c. causam quæ n. 42. de rescript. dummodo non impediatur de facto, sicut neq; interdici potest Aduocatos, Procuratores, aut principales, qui iure, iurisq; defensionibus ipsius decreta student impedire. Potest Episcopum interdici absq; alia monitione, quia sufficit probata culpa, vel notoria, 5. 9. 4. In loco, Syluester verb. interdictum. 3. q. 6. Per hoc non derogatur Concilio Tridentino sess. 24. cap. 5. de reform. quoniam ibi est sermo de causis grauioribus, & criminalibus contra Episcopos, quæ depositione, aut priuatione essent dignæ. Episcopus interdictus, vel suspensus à Legato ab officio Pontificali potest exercere Sacerdotale, etiã cum Pontificali, absq; irregularitate, Syluester verb. Interdictum 4. 9. 4. n. 3. secus si exerceat aliquid per se spectans ad officium Episcopale.

No. 4. Potest absoluerè à casibus reservatis Episcopo, & committere absolutionem, non simpliciter, sed in casibus occurrentibus, Naldus verb. Legatus n. 3. Non tamen

tamen potest absoluerè à censuris ab Episcopo latis per sententiam. Non potest aliquid facere in præiudicium Episcopi quoad ius quesitum. Deci. in cap. sua nobis. de conf. vtil. vel inutil.

Queritur an possit appellari ad Legatum omisso Episcopo. Gloss. in cap. omnes Episcopi 2. q. 5. tenet negatiuam, nam videtur, quod id solius sit papæ, aut Principis non recognoscens Superiorem; Verum affirmatiuam tenet Abb. in cap. cum non, de off. leg. & ratione ab eo allegata suadetur. Nam si appellatum à Prælato inferiori Episcopo, & ad Episcopum appellandum esset, cum Legatus concurrat cum Episcopo, & quolibet Ordinario, poterit ad ipsum, omisso Episcopo, appellari; Et idem dicendum est de appellatione, quæ fieret ab Episcopo, omisso Archiepiscopo, ad Legatum, sed contrarium videtur in cap. peruenit. 1. q. p. Vbi à S. Gregorio papa repræhenditur Romanus Legatus Papæ in Sicilia qui Clericos illius prouinciæ cogebat stare suo iudicio.

Resp. D. Io. à Turrecremata in eodem cap. ex Archiepiscopo, quod iustè repræhenditur dictus Legatus, non propterea quia audiebat causas Clericorum, qui uoluissent eligere eius audientiam, prætermisiss suis iudiciis, sed quia ad id faciendum eos compellebat vi, cum despectu Episcoporum, quibus, ut idem ait Gregorius, sua iurisdicção est seruanda.

No. 5. Episcoporum resistentium sententiæ non suspenduntur per appellationem ad Legatum in concernentibus morum correctionem; Pij IV. const. incip. de salute. Potest Legatus agnoscere omnes causas criminales, & mixtas ad forum Ecclesiasticum pertinentes in quacumque instantia præter primam: Ita habetur in litteris, & per Abb. in cap. quod translationem n. 9. Item omnium dictarum causarum quolibet incidentia;



emergentia, & annexa, ita in litteris. In criminibus capitalibus, etiam mixtis, & causis ciuilibus ad forum Ecclesiasticum pertinentibus cōcurrit cum Ordinarijs, & Episcopis suæ legationis ibid. præuentionis inter ipsos datur locus; per solam autem citationem, & conuentionem præuenitur iurisdictio, cap. Capitulum S. Crucis. de rescript. excipiuntur ea, quæ Episcopo sunt commissæ tanquam Sedis Apostolicæ Delegato, cap. studiisti. de off. leg. Clement. quia contingit. Non tamen per quodlibet rescriptum D. papæ aliquid mandantis Episcopo facit eum Delegatum, sed requiritur, vt apponatur clausula *Tanquam Sedis Apostolicæ Delegato*. De off. ordinarij. cap. licet. Sola præsentatio litterarum non sufficit ad præuentionem, Glo. in cap. vt debitus. de app. Si probabilius est, non posse Legatum facere Concilium prouinciale, aut Diocæsanum, regulariter loquendo 3. di. cap. regula dicta, per Glo. quia Episcopos cogere non potest. Causæ pecuniariæ inter Episcopos possunt cognosci à Legato, quia, & hoc potest Metropolitanus. Item si sint inter Episcopum reum, & priuatum, secus si Episcopus est actor, cap. Parochialis, de off. ordinarij. & ibi per Abb. n. 2. nisi Episcopus fecerit recursum. In nullis tamen causis potest Legatus Episcopum personaliter citare absq; speciali mandato. Legatus in procuratione præfertur Episcopo, & Archiepiscopis, etiã extracausam visitationis cap. cum instantia de censi. Non potest aliquos eximere à iurisditione, & auctoritate Episcopi. Glo. in cap. Frater 16. q. p. & c. p. de priuilegijs in sex.

No. 6. Legati D. Papæ, & eorum Pænitentiarij possunt audire confessiones, sine licentia Ordinarij; cap. quem penitet, De pæn. d. p. & ibi D. lo. de Turrecremata Syluest. verb. confessor. p. q. 4. Non possunt tamen dicti pænitentiarij audire confessiones Regularium, eosque

à re-



à reſervatis Sedi Apoſtolicæ ſub quocumque prætextu facultatis, etiam Bullæ Cruciatæ: Nam regulares quoad Sacramentum pænitiæ ordinariæ diſpoſitioni Sedis Apoſtolicæ, & ſuorum Prælatorum ſubiekti ſunt, cū excluſione Legatorum, etiam de latere quoad alias diſponendum, & iudicandum, &c, per Conſt. 105. Urbani VIII. incip. in ſp̄ ſpecula. Non debet Legatus admittere ad audientiam confeſſionum eum, quem Episcopus iure reiſcit; non enim debet enervare iuriſdictionem Episcopi, qui & ipſe legatione fungitur pro Chriſto 7. q. p. omnis. Quæritur quid ſi hoc non obſtante admitrat, & ipſi admiſſi abſolvant? Dico, quod tenet abſolutio quia ab omnibus dicitur, quod poteſt quis de licentia Legati conſiteri cui vult. D. Io. de Turrecrem. de pæn. di. p. quem pænitet, & non reperitur expreſſa prohibiti-  
tio, aut conſtitutio irritans, nihil hominis ſine magna neceſſitate admittens peccaret, ratione iam dicta, Quin & ſi ſic reiſctus recurrat per appellationem, & reperia-  
tur idoneus & eruditus, poteſt ipſum admittere; quia cum dicitur, quod poteſt cognoscere omnes cauſas criminales, & ciuiles, non excluduntur ſpirituales, & ipſe ad has habet iuriſdictionē. Si obijcias. Apud Doctores dicitur, quod Legatus poteſt inſtituere duos Pæniten-  
tarios, ergo non plures, Tabien. verb. Abſolutio p. q. 19. Sylueſt. & alij. R. illud dictum eſſe intelligendum, regulariter, & non obſtare, quo minus abſolutio ſic admiſſorum ſit valida, cum ſit præſtita ab habente iuriſdictionem in ſpiritalibus.

Secundo quæritur. Si Episcopus neminem vellet admittere ad audientiam confeſſionum, poteſt ne Legatus ſupplere exponēdo viros idoneos ad tale munus? R. quod ſic, quia licet ob culpam Episcopi non deuo-

luz.



luatur iurisdiclio, deuoluitur tamen ex negligentia, per Glo.in cap.Romana, de supplend.neglig.Prælatorum., & præsertim si immineat animarum periculum, aut scâdalum, aut populus reclamauerit, potest, & debet viros aptos exponere, saltem quoad vsque à Sede Apostolica prouideatur.

Neq; hæc repugnant Concilio Trid. sess.24. c.20. nec mandato S.D.Innocentij X. Ne Legati se intromittant in materijs spiritualibus à Concilio demandatis Ordinario; Regulariter enim loquitur, & extra casum. Tertio quæritur: An Legatus possit alicui concedere facultatem, vt à calibus quibuscunque, super quibus potest ipse absolueret, à quocunque Sacerdote approbato absolueretur? R. Quod potest, quia quæ per se ipsum potest, aliis quoque potest demandare extr. de off.leg. cap. vlt. Quartò quæritur. An possit tales facultates vniuersaliter concedere, & in perpetuum? Dico, quod non, quia ipsius autoritate cessante, cessat dicta facultas, cap. Præsenti. de off.leg. in sex. Quintò quæritur; Sed quid si pro semel, vel pro duabus vicibus concederet talem facultatem, & interim spiraret eius Legatio? Dico, quod posset ille vti tali facultate, etiam finita legatione, quia potuit concedere, & beneficium non debet esse inutile, & non arctauit ad tempus, licet non possit ad semper, quia eius legatio perpetua non est. Sexto quæritur, duo litigant de Episcopatu, potest ne legatus cognoscere de causa? Videtur quod non, quia hoc est de maioribus causis, quas sibi Apostolica Sedes reseruat, vt const. Alexander IV. de rescript. dilecti, & 25. q.2. In Galliarum extr. de ap. vt debitus infi.

Resp. Quod si potest de causa cognoscere, sicut Metropolitanus potest, quin & visitator potest examinare,

re, quis ex electis melior sit 85. di. Florētinum, & const. Greg. X. de elect. quāuis. in sex. Immo etiam de iure potest examinare electionem Archiepiscopi extra de off. leg. licet.

PARAGRAPHVS III.

*De Auctoritate Legati de latere in exemptos.*

**L**icet in quibusdam non sit inter Legatos disparitas, vt de rescript. cap. statutum; in aliquibus tamen dispariter se habent; & inter ea est confirmatio exemptorum. Cap. Si Abbatem. de elect. in sex. & in cognoscendis causis exemptorum, & puniendis eisdem, de verb. Signif. cap. p. Ideo hic agendum de auctoritate Legati de latere in exemptos. pro quo.

No. 1. Legatus de latere virtute mandati generalis habet iurisdictionem contra, & supra omnes exemptos, quantum supra alios suæ prouinciæ, saluis dumtaxat ijs, quæ Sedi Apostolicæ sunt specialiter reseruata. Glo. in c. cum non ignoretis. de off. leg. No. Gemin. in c. Si Abbatem de elect. in sex. §. huiusmodi. Hinc sequitur Ecclesias exemptas teneri ad procurandum Legatum, quia Sedes Apostolica non concedit priuilegia contra se, cap. cum instantia. de cens; & ib. per Abb. Per concessionem factam Legato, vt possit exigere procurationem à quibuscumque personis etiam exemptis (quamquam obtinuerint talia priuilegia, vt de eis debet fieri mentio de verbo ad verbum) derogatur eisdem priuilegijs, & quia apparet mens Pontificis, & quia per verba generalia plenissime reuocantur omnia priuilegia, statuta, & consuetudines. Clement. Dudum de sepult. Concil. Trid. sess. 5. de reform. cap. p. Rodriguez tom. 3.

q. 180. Syluester verb. Delegatus. q. 22. Laurent. Peirin. ad Const. 2. Sixti Quarti, & potest interpretari litteras Apostolicas super hoc impetratas. Specul. de leg. c. 2. vbi recenset quam portionem taxet curia Cardinali Legato in itinere constituto. Sequitur secundo, quod Legatus potest, sicut, & Episcopus, denunciare exemptum excommunicatum; Rodrig. ib. Sequitur tertio, quod Legatus potest exemptos compellere ad institutionem lectionis Sacrae Scripturae in Monasterijs, in quibus est sufficiens commoditas. Concil. Trid. sess. 5. de Reform. cap. p. Syluest. vbi supra Rodrig. ib.

No. 11. Potest Legatus dispensare cum Religiosis, vt leges audiant, Rodrig. tom. 3. q. 67. 2. 5. Legatus habens facultatem conferendi beneficia etiam Regularibus potest id facere sine licentia Abbatis, quia vt Dominus operatur consensum. Rodrig. tom. 2. q. 124. 2. 3: Religiosus potest esse Locumtenens Legati, & decidere causas, si instituatur generaliter, quia Legatus est Dominus & Ordinarius exemptorum Barba. de off. Praesid. decis. 174. Glo. in cap. Auctoritate. ver. Sedis Apostolicae. de priuilegiis. in l. Gemini, & in cap. Nullus. de temp. ordin. in sex. §. fin. Rodrig. tom. 2. q. 124. Habens facultatem conferendi beneficia Regularibus, potest quoque conferre pensionem Regulari renunciati beneficio suo Regulari, quod habebat in titulum perpetuum, dummodo sit Regularis religionis, in qua possit habere aliqua pro victu, & vestitu.

No. 3. Potest Legatus omnes causas, etiam criminales exemptorum audire, cognoscere, terminare, &c. in litteris. Non tenetur observare leges praescriptas Episcopo circa Regulares delinquentes extra claustra per Concil. Trid. & Sac. Congreg. Concil. recitatas à Rodrig. resolut. 62. quia est Ordinarius exemptorum. Potest

iudi-

iudicare, & punire regulares exercentes astrologiam iudiciariam iuxta contenta in Const. 17. Sixti V. incip. Cæli, & terræ, & in 113. Urbani Octavi incip. Inscrutabilis. Nec minus parendum est Legato, quam Pontifici maximo, cap. cum parati de app. cap. Si Abbatem de elect. in sex.

No. 4. Non potest dispensare, ut professus in vna religione, & præcipuè laxiori eligatur in alia strictiori in superiore, Innoc. cap. officio, de elect. Non debet se intrmittere de redditibus, cellulis, villulis, Monasteriorum exemptorum 18. q. 2. quam sit. Non potest addere, aut detrachere his, quæ sunt regulæ, quia id ad Principem, hoc est, ad papam spectat, cuius est ea condere, aut confirmare Syluester verb. casus. Religiosi in his, quæ sunt Regulæ tenentur magis obedire Abbati, quam Legato 18. q. 2. per plures textus. Licet possit dispensare in his, quæ privilegio permittuntur, non potest tamen tollere privilegia super toto, aut parte. Gloss. in cap. Illorum de præb. Non potest infringere exemptionem, quam aliqui habent ab Ordinario, quia licet teneat locum sedis Apostolicæ, non potest adimere ius Tertio. de Relig. Domib. cap. constitutus. Potest compellere exemptos ad parendum suis mandatis, etiam per censuras. In litteris. Non potest dispensare cum Parocho, ut absit causa studiorum, ex Concil. Trid. sess. 23. cap. p. de reform. Potest deponere Præbiterum adiunctis sibi alijs Episcopis 15. q. 7. Felix & cap. si autem, Glo. in cap. cum non ignoretis ib.

No. 5. Non obstat auctoritati Legati Constitutio decima Pij IV. De salute, quæ instituit Episcopos residentes Delegatos in causis criminalibus Regularium, quia Legatus est Regularibus Ordinarius. Potest confirmare electionem exempti in sua provincia, si exemptus sit immediate subiectus Papæ c. si Abbatum de elect. in sex. &

cap. cupientes eo tit. Non potest confirmare electiones exemptorum mediâtè subiectorum Papæ, vt sunt Priores Prouinciales, &c. Hi enim, & si sint exempti, habent Generalem totius Ordinis supra se. Tabien. verb. Confirmatio n. 4. quando confirmatio esset petenda à Papa, & electus esset valde remotus, posset confirmari per Legatum, etiam si esset exemptus, & administratio non pateretur moram c. Nihil de elect. Alberic. de Ros. in dict. eo tit. §. quot sunt. Potest dare facultatem Regularibus alienandi in casibus licitis, in quibus Episcopis minimè suffragatur vsus immemorabilis. Pizacedius praxi Episcoporum p. 2. c. 3. art. 6. de visit. Regul. n. 34.

#### P A R A G R A P H V S IV.

*De Authoritate Legati de latere in Moniales.*

**M**oniales veniunt nomine Religiosorum; quoad proportionalia, Panorm. de statu Monach. c. 5. Rodrig. de Regul. tit. 3. q. 5. a. 2.

No. 1. Potest Legatus ex iuxta causa ingredi Monasteria Monialium, sicut Episcopus. Potest se intromittere de gubernio spirituali, & temporali Monialium subiectarum Sedi Apostolicæ, quia plus potest in exemptos quam Episcopus, Clem. quia contigit, relig. domib. Potest monasteria visitare, & Episcopo negligente disporre circa spectantia ad clausuram. In prohibitionibus Apostolicis circa Moniales, nomine Prælatorum, & Cardinalium non veniunt Legati de latere. Potest Moniales ob graue delictum absoluerè, quia non possunt exire. Potest admittere seculares mulieres habentes facultates Apostolicas ingrediendi Monasteria Monialium cum consensu earundem, etiam si consensus non sit capitularis,



ris, & secretus; Nam id requiritur in inferioribus Prælati-  
tis, & Iudicibus Const. 29. Urbani VIII. incip. Sacrosan-  
ctum. Non potest concedere licentiam Monialibus  
egrediehdi Monasteria præter casus exceptos, quales  
sunt, casus magni iucendij, Epydimiæ imminentis belli,  
aut deuastationis in const. 8. Pij V. & eiusdem declaratio-  
ne, & Const. 7. Pauli V. incip. Monialium. Non potest  
absoluere eos, qui absque speciali licentia fuerint ingres-  
si Monasteria Monialium, siue viros, siue mulieres sub  
prætextu licentiarum obtentarum à Summ. Pontifice,  
Const. Greg. XIII. 28. incip. Vbi gratæ, quia eam Papa  
sibi reservauit, excepto mortis articulo. Non posset ab-  
soluere monialem egressam ex Const. Pij V. Circa pasto-  
ralis, quia id pariter sibi Papa reservauit; hodie tamen  
videtur concedi similis facultas in litteris, & ideo ex con-  
suetudine absoluet. Non potest in his, quæ circa Mo-  
niales Episcopo tanquam Sedis Apostolicæ Delegato  
sunt demandata, nisi in casu negligentia, aut necessita-  
tis. Potest concedere licentiam accedendi ad monasteria  
Monialium, ceteraque facere, quæ inferiores præstant,  
exceptis spectantibus ad regulam, & obedientiam suo-  
rum Superiorum, & huiusmodi. Non potest cogere mo-  
niales cuiuscumque Ordinis Regularium ad soluendas  
decimas, subsidia, aliaq; onera ex Const. Pij IV. incip. de  
statu, quia hoc prohibetur sub quouis prætextu fieri.  
Potest absoluere Monialem, quæ Monialem perçusserit,  
vel Monachum; Nec obstat, quod huiusmodi absolutio  
sit Episcopi, vt Delegati Papæ per Glo. in c. de Moniali-  
bus, de sent. excomm. quia respectu huius absolutionis  
Legatus habet amplissimam authoritatem super omnibus  
vndecumque ad se venientibus. Potest absoluere sibi  
subditos introducetes mulieres in monasteria virorum,  
& mulierum, & eos habilitate, &c. Huiusmodi enim de-

istum non est grauius adulterio, per Const. Pij V. & Greg. XIII. qui tamen penas minimè reseruauerunt; Ioannes de la Crux li. 1. priuil. c. 6. dub. 15. Sigismundus dub. 98. de elect. n. 9.

*Queritur. An D. Legatus de latere Presbyter Cardinalis possit consecrare Virgines.*

Parti neganti in Legato Presbytero, seu non Episcopo hanc auctoritatem fauere videtur 23. di. c. 24. Concilium tertium Carthaginense c. 11. sub his verbis *Sanctimonialis virgo cum ad consecrationem Episcopo offertur in talibus vestibus applicetur, qualibus semper vsura est professione, & sanctimonialia aptis.*

Item 68. di. c. 4. Leop. ad Episc. Germanie, & Gallie sic statuit. *Quauis Choroepiscopis, & Presbyteris plurima cum Episcopis ministeriorum communis sit dispensatio, quadam tamen auctoritate veteris legis, quadam nouellis, & Ecclesiasticis regulis sibi prohibita nouerint, sicut est Presbyterorum, Diaconorum, & Virginum consecratio.*

Item 26. q. 6. in Conc. Carthaginensi secundo, Fortunatus Episcopus, Concilio approbante, dixit; Memini, præterito Concilio fuisse statutum, vt chrisma, vel reconciliatio penitentium, necnon, & puellarum consecratio à presbyteris non fiant: Accedit decretatio S. Congregationis 1577. Parma. 17. Aprilis c. 105. quod si simplex Sacerdos Monialem consecrauit, reiteranda est consecratio ab Episcopo, quia prima fuit nulla. Militare quoque pro eadem parte sententia D. Th. 4. sent. di. 38. dicentis quod solius Episcopi est Virginis consecrare, cui subscribunt Petrus de Palud. D. Antoninus, Syluester: verum, pro affirmante habetur ex Concil. Carthag. c. 36. *Presbyter, inconsulto Episcopo, Virgines non consecres;* Rursus in titulo



titulo eiusdem Canonis dicitur: *Presbyter permissione Episcopi Virgines consecrare valet*; sed & currit argumentum à contrario sensu per Glo.in d. c.

Rursus Glo. 26. q. p. c. 6. vers. ab altari, inquit; *Virgo velatur ab Episcopo, vel Sacerdote, quia Virgo typum gerit Ecclesia, quæ pura, & Virgo uni nupsi viro, idest Christo & in signum huius rei velatur à Vicario Christi, vel Sacerdote, quia à Christo accipitur in coniugium, in cuius persona dictum est, Annulo suo subarrauit me Dominus, Et quod de vera, & propria consecratione loquatur Glo. ostendunt posteriora verba: Illa enim fit per annulationem. Item ex Innoc. in Codice in Ep. ad victricium cap. 12. 27. dicitur, *Quæ Christo spiritualiter nubunt, & à Sacerdote velantur, &c.* Quid clarius? igitur respondendo.*

Dico primo. Dominus Legatus de latere Presbyter Cardinalis potest velare, & consecrare Virgines, hæc patet ex allegatis. Et probatur ratione. D. Legatus potest conferre ordines minores, quod maius est, ergo, & consecrare Virgines. consequentia evidens, cum simus in eodem genere cadentium sub eadem iurisdictione; Antecedens docet Dominicus Soto post alios in 4. sent. di. 25. q. 1. ar. 1. inquit, quod Presbyteri Cardinales id faciunt ex consuetudine, quæ est legum interpretes. Probatur secundo. Potest autoritas consecrandi virgines præscribi, ergo committi alijs ab Episcopo, contra evidens, quia quæ propria sunt Episcopo, & incommunicabilia, præscribi nequeunt, cap. quanto de consuetud. & c. Auditis, de præscript. Antecedens probat Tamburinus q. 5. n. 8. dicens, quod nonnulli Abbates id possunt ex consuetudine approbata.

Ad Cann. Concilij Carthag. 4. dicitur, quod ibi non sancitur lex de consecratione Virginum ab Episcopo præstanda, sed supponitur ei competere de iure,

vt ordinario, at non loquitur de cæteris :

Ad sanctionem Leonis I. dicitur, quod illud non est prohibitum Choroepiscopis, quasi non haberent auctoritatem consecrandi, sed quia in his se ingerebant nimis, vsurpando sibi ea, etiam in præsentia Episcoporum.

Eadem responsio adhibetur loco ex 26. q. 6. si iubet; Nam ibi solum declaratur Episcopo ex officio conuenire consecrationem Virginũ, & idẽ Presbyteri, eõ præsentem eam prohibentur exercere. Et rursus non excluditur simplex sacerdos ab hac functione defectu ordinis, sed iurisdictionis, iuxta quod D. Io. de Turrecrem. hanc de qua loquimur, vocauit actionem Monarchicam.

Ad D. Th. dicitur quod ibi non definiuit, an consecratio Virginũ sit ordinis, aut consecrationis, nec ne, sed attendit id, quod vt plurimum fiebat.

Ad declarationem S. Congregationis dicitur, quod nomine simplicis Sacerdotis non compræhenditur Legatus de latere, vt pluries in hoc libro ostenditur, in super eũ nomine Episcopi veniat Legatus, vt Ordinarius craino, & appellatione Sedis Apost. quoad id, quod est iurisdictionis, sequitur vt per dictionem exclusiuam, nõ excludatur Legatus. Sicut nec Superior Episcopo No. Gemin. post Archid. in c. Si Abbatum de elect. in sex, & per Glo. in c. auctoritat. eo tit.

Ad cæteros Doctores dicitur, quod respicientes ad id quod antiquitus, vt plurimum fiebat, asseruerunt Episcopum esse ministrum Ordinarium huius consecrationis.

Nec obstat, quod dicunt: Hoc esse munus consecrationis, quia non senserunt esse de primario spectantibus, & incommunicabiliter, vt cõferre sacros ordines, sed de consequentibus, ob rei dignitatem, & de communicabilibus.

His videtur subscribere D. Io. de Turrecrem. 95. di. Peruenit n. 3. dum docet; Illa quæ pertinent ad potestatem

tem consecrationis, & respiciunt corpus Christi mysticum, posse non Episcopis committi, & maximè Sacerdotibus, talis autem est consecratio virginum, igitur potest demandari presbytero, licet non conveniat ex officio.

Si quando vero Doctores dicunt non posse hanc consecrationem demandari, intelligendi sunt non absolute, sed de de congruo, & Episcopo præsente .

Dico secundo, Legatus nō Presbyter non potest Virgines consecrare. Probatum quia omnis operatio in corpus Christi mysticum, per quam gratia datur dependet ex operatione sacramentali supra corpus Christi verum, &c.

## PARAGRAPHVS V.

*De authoritate D. Legati de latere in locis exemptis.*

**I**ure communi, aut Legationis non plurimum authoritatis competere reperimus in locis exemptis, hodie tamen aliquibus Legatis facultas amplissima conceditur contra Bannitos ad loca sacra confugientes. De quibus diceudum est per sequentia .

No. 1. D. Legatus Flaminia potest omnes facinorosos non gaudentes immunitate facere extrahi ab Ecclesijs, & ad effectum eos se defendentes extrahendi facere demoliri Ecclesias, etiam si mors sequatur religiosorum; De qua neq; ipse, neque ministri eius teneantur, nec ullam incurrant irregularitatem, Ita in litteris. Quando autem Legatus nullum simile mandatum habet, posset uti hac facultate interpretatiuè ex ampla concessionem sibi facta in litteris facultatum; In his enim dicitur, quod Legatus potest cognoscere de quibuscunque incidentibus, emergentibus, & annexis causis criminalibus, etiam ad forum Ecclesiasticum pertinentibus, ex qua ultima  
parti.

particula excludi videtur exceptio de exorbitantibus, aut de his, quæ verisimiliter Papa non esset concessurus, quãdoquidem extractio facinorosorum hominum immunitate non gaudentium inter annexa causis, aut inter causas ipsas ad forum Ecclesiasticum pertinentes apertè comprehenditur, & Abb. in cap. quia quæsitum. de off. Deleg. dicit, quod omnia videntur commissa, sine quibus iurisdictionis exerceri non potest: Immo, & in litteris Ferrar. dicitur, quod ad effectum exercendi iurisdictionem possit *facere maiora expressis in litteris*, etiam si talia sint, de quibus in indiuiduo, &c. oporteret fieri mentionem. Quod quidem priuilegium inutile esset, si in casu tam frequenti nullam haberet auctoritatem. De priuil. c. quanto. Adde (quod, & efficacius videtur) quod in Const. Gregoriana negatur facultas extrahendi prædictos prælatis inferioribus Episcopis, ex quo assererem concessum DD. Legatis, qui sunt Episcopis maiores, ex firmatione regulæ: Hinc deduco, quod D. Legatus habens talem facultatem, ad vsum huius non tenetur adhibere Officiale Curie Episcopalis, neque extractum remittere ad carceres eiusdem Curie: Nam d. Constitutio ad id obligans loquitur de Principibus, Iudicibus, ac Potestatibus Laicis, quorum licentiam intendit competere, vt satis patet ex verbis eiusdem.

No. 2. Quamcumque habeat Legatus facultatem non potest extrahere gaudentes immunitate, quia cum immunitas sit iuris Diuini iuxta communius placitum, non potest ab eo derogari, exceptis casibus per Summi Pontificis interpretationem expressis. Debet Legatus à facili, & frequenti extractione cauere ob exemplum Principum Laicorum non aduertentium, aut nolentium aduertere, quæ aduertenda essent, & etiam quia populi de facili scandalum patiuntur. Si tamen Legatus gaudentes

dentes extrahat, non incurrit excommunicationem, quæ Laicis, & Iudicibus inferioribus imposita est per Gregorianam. In dubijs, An delinquentes gaudeant immunitate, censendum est eos gaudere, quia agitur de iure Ecclesiæ, & pro ea est iudicandum. Anr. de Butr. in c. ceterum 19. de iudic. Iason. in l. 2. n. 19. ff. si quis in iud. 200.

Quæsitum, quidam ab homicidio proditorium, ut asserbatur, citatus non comparuit, damnatus est in contumaciam, se in Ecclesiam recepit, Aduocatus dicebat ipsum gaudere, eo quod in iudicio non constaret euidenter de proditione, sicut de homicidio, de hoc enim erat plenè conuictus; de proditione verò inditatus tantum per dictum mortui, & mulieris discussio negotio per perites coram D. Legato, determinatum est ipsum gaudere immunitate, non obstante Gregoriana, quia in non manifestis potius ius est Ecclesiæ per Doctores; & licet potuerit condemnari in contumacia pro homicidio manifesto, non tamen de proditione non plenè probata 2. q. 6. quisquis, & 3. q. 9. noua decernimus, & per D. Ioan. de Turrecrem. ibi. & 23. q. 3. Illicita.

## PARAGRAPHVS VI.

*De Auctoritate D. Legati de latere in Dominos temporales.*

No. 1. **E**X vi litterarum solitarum potest D. Legatus Personas cuiuscumque gradus, & dignitatis iudicare, punire, priuare dignitatibus, honoribus, castris, ciuitatibus, feudis, retrofeudis, vicariatibus, officijs, iurisdictionibus, gradibus, iuribus, & rebus omnibus, & Cameræ Apostolicæ confiscare, & incorporare. Potest Capitaneos, Vexilliferos deponere, suspendere, mutare.

E

Item

Item declarare rebelles, qui se opponunt Curia, qui Bannitis manum dederint, defenderint, &c. Item consanguineos compellere ad promittendum de non offendendo usque ad quartum gradum. Item ab infamia, & inhabilitate ex delictis absolvere, patrios honores restituere, & bona, non tamen incorporata fisco. Item homagia, & iuramenta recipere nomine D. Papæ. Non potest alicui concedere exemptionem à solutione onerum Cameralium, aut tales habentes exemptiones manutene-  
re contra Bullam Pauli V. vndecimam incip. In maximis. quia per ea Legatis quoque de lateres huiusmodi auferitur facultas.

## PARAGRAPHVS VII.

*De authoritate Legati de latere quoad collationem graduum.*

No. 1. **P**otest Legatus creare duodecim Comites Palatinos, quibus tamen competit facultas limitata per Concilium Tridentinum, cui non intendit D. Papa derogare. Potest creare Doctores, Magistros in Theologia, in iure, medicina, & artibus cum his conditionibus. Prima, quod assumat duos, vel tres in eadē facultate Magistros, aut Doctores assistentes; secunda, quod hi iurata vota præstent de sufficientia promouendo, Tertia, quod promouendi saltem per triennium in aliqua vniuersitate studij generalis operam dederint. Sic promoti gaudent omnibus priuilegijs, & gratijs, quibus vtuntur, qui in publicis gymnasijs, ac Vniuersitate creati sunt Magistri, & Doctores; Non tamen in eis, in quibus specialiter requiritur, quod in eadem Vniuersitate gradum suscipiant. Item, potest conferre officium Notarij, & Tabellionis, dummodo sint idonei ad tale munus, & præstito iuramento fidelitatis in solita forma.

No. 2.

No.2, Non potest conferre, & disponere officia, seu munera, pro quibus persoluntur salaria de pecunijs Camere Apostolicę, seu quę negotiorum, vel pecuniarum Camere prædictę aministracionem, vel causarum civilium, & criminalium cognitionem, aduocationem, defensionem, procuracionem, seu sollicitacionem habent.ex Const.

28.Vrbani Octauī incip.  
superni.





## LIBER TERTIVS

In quo agitur de auctoritate D. Legati de latere  
in Iudicialibus, & prouenientibus ex eis.

## P A R A G R A P H V S I.

*De auctoritate Legati in procedendo.*

No. I.



**P**OTEST D. Legatus de latere ex vi litterarum procedere contra criminosos delinquentes, inobedientes, Canonum, & iurium contemptores; etiam si tales sint Regulares, & exempti cuiusque status, dignitatis, conditionis, & ordinis. Potest procedere per viam accusationis, denunciationis, aut ex officio eos punire. Item audire causas criminales, & mixtas ad forum Ecclesiasticum pertinentes in quacumque instantia præter primam, quæ coram locorum Ordinarijs cognosci deberent; ex Concilio Trident. & Const. Sixti IV. incip. & si de cunctorum. Potest etiam in prima instantia committere, & delegare causas, ut supplicantis personæ miseria, siue debilitas, & aduersarij potentia id exigeret d. Const. Sixti Quarti. Item audire causas, easque terminare quomodocumque ad eum deferantur, siue per appellationem, siue per simplicem querelam & licet ratione ordinariæ potestatis non possit per simplicem querelam audiri; potest tamen ratione legationis, ut Legatio aliquid operetur. ff. Ad municip. l. p. in fi. ff. de vsur. si stipulatus. Item cognoscere de omnibus incidentibus, emergentibus, & annexis dictis causis, & definire. Et inuocare  
bra.

brachiumulare ad formam Concilij Viennensis. Non potest aliquid petere pro cognitione, & decisione causarum, quæ ei à Sede Apostolica in qualibet instantia, cum earum auocatione à Iudicibus, coram quibus sunt inductæ, vel sine illa pro tempore delegantur, seu quouis modo remittuntur, ead. Const. Sixti IV. Legati ab ijs, qui pro tempore electi, assumpti, vel deputati fuerint ad aliqua officia, aut alijs pro eis, etiam spontè soluentibus, & offerentibus directè, vel indirectè electionem eorum fieri procurantibus, vel etiam confirmationes malitiosè differendo, seu illas confirmando, nil ultra recipiant, quam per Constitutiones sit promissum, nullamq; super participatione de ipsorum salario, vel emolumenta pactionem ineant, aut iniri permittant per quoscumq; præsertim, domesticos, & familiares suos sub excommunicationis pœna Const. 15. Sixti IV. Et si de cunctorum. Pro causis, & negotijs, pro quibus viaggia concedi contigerit pro tempore iuxta Constitutiones, non præsumant Legati mittere alios, quàm Iudices generales Curia, ad quos ratione suorum officiorum pertinet cognitio causarum, nec de prouentis, aut viaggij huiusmodi quicquam sibi & suis appropriare directè, vel indirectè, quouis colore quæsito præsumant in d. Const. Sixti IV. Hinc colligitur huiusmodi sibi appropriantem teneri ad restitutionem.

No. 2. Non potest Legatus pœnas, & multas prouenientes ex delictis, & criminibus quibuscumque ad alterius, quam ad Thesaurarij manus, etiam sub colore depositi facere quomodolibet peruenire, vel fisco applicare, Pius IV. Const. 43. Immo, & habens facultatem, & licentiam eas expendendi in alijs vsibus, eas per manus Thesaurarij recipi, & exponi facere tenetur. d. Const. Sixti IV. & const. 9. Sixti V. incip. Ad Romanum pontificem.

## PARAGRAPHVS II.

*De modo obseruando à Legato in procedendo  
in Iudicijs.*

No. 1. **V**irtute litterarum conceditur Legato de latere, vt possit procedere in causis simpliciter, summarie, de plano, sine strepitu, & figura iudicij, quorum verborum sensus est, vt possit prætermittere solemnitates, quæ in causis, & iudicijs adhiberi consueuerunt. Harum prima est oblatio libelli, quia sufficit, vt actor faciat petitionem suam verbo, & quod grapharius illam redigat ad Acta Curia, secunda est litis contestatio, & consequenter deliberatio, Clement. quia contingit de verb. signif. Potest procedere in ferijs rusticis, non autem introductis in honorem Dei, & Sanctorum. potest amputare dilationes, & potest repellere dilationes frustratorias, prolongationes, acceptiones, & appellationes, & reiicere iurgia Aduocatorum, & Procuratorum, & multitudinem testium superfluum, Glo. in Clem. sepe contingit.

Non potest tamen vi harum facultatum procedere, non citato reo, neque non præstito iuramento de calumnia, vel malitia, seu de veritate dicenda, neque potest reiicere probationes necessarias, & legitimas, neque auferre iudicis recusationem, qua nequeunt prohiberi defensiones legitimæ; Nihil tandem potest omittere, per quod impediatur, vel occultetur veritatis cognitio; Vnde Abb. in c. fin. de confirm. vtil. vel inutil. dicit, quod omnia tendentia ad violationem iuris sunt prohibita Legato.

No. 2.

No.2. Si supra dictæ particulæ in litteris ponatur disiunctiue, quod quodlibet horum verborum habebit effectum, quem ponit illa Clementina. Clausula illa, sine figura iudicij, licet tollat aliquid, per quod ordinatur iudicium, non tamen ea, quæ instruunt, & decidunt causam, aut præbent cognitionem veritatis, Hæc enim non excluduntur per verba illa, *sola veritate inspecta*. Per nullam causam possunt tolli ea, quæ iure Diuino, aut naturali sunt in iudicijs obseruanda, & hoc nedum authoritate Legati, sed nec Principis supremi, nulla enim in terris authoritas ad illas se extendit. Dominicus Soto, Dominicus Bannes de iust. & iur. lib. 1. post. Diu. Thomam par.2.

No.3. Non potest liberare Bannitum, aut contumacem, qui præ tendit se à Banno liberatum ob occisionem alterius banniti, aut eum audire, nisi se constituerit in carcere Const. Pij V. Et si cuncta.

No.4. Quando princeps tollit omnes exceptiones, intelligi debet ad summum de moratorijs, & dilatorijs, non autem peremptorijs, quas quia sunt maioris præiudicij, non de facili tollere intelligitur, Abb. de off. & pot. leg. c. ex parte n.4.

No.5. Potest cum simili, vel limitata potestate alijs demandare, vt procedant. Hæc omnia dicta continentur in litteris legationis -



## PARAGRAPHVS III.

*De Autoritate Legati de latere in auocandis causis*

No. 1. **V**irtute litterarum Legationis potest Legatus quaslibet causas ciuiles, & criminales à quibuscunq; iudicibus Ordinarijs, & delegatis etiam exemptionem habentibus, auocare. Per auocationem factam per Legatum ligantur manus iudicis inferioris, adeo, vt nihil valide in eadem causa attentare possit. *Notum in cap. Vt nostrum. de appell.* Plus est auocare aliquod negotium, vel causam ad se, quàm appellare; Vnde sicut post appellationem legitimam nihil est innouandum, multo minus, post auocationem *Glo. in d. cap. In rescripto Legati auocantis debet fieri mentio de causa pendente coram alio iudice, aliàs auocatio est nulla cap. in litteris. de off. leg. per Doct. res.* Non potest auocare causas incaptas coram Ordinario *cap. Romana. de foro compet. in sex. & ibi Glo.* Potest tamen de eis cognoscere, si ad eum deuoluantur per querelam, seu appellationem. Non dicitur auocare causam aliquam ex eo, quod incipit de ea cognoscere, quia hoc aut nequit, aut soli Papæ conuenit. *Abb. in cap. cum m. de Constit. n. 33.*

Sed quid si alter iudex non admonitus procedat, & proferat sententiam, & similiter Legatus?

Resp. quod parte non excipiente, vtraque valebit.

Sed quid si dictæ sententiæ inter se sint contrariæ?

Resp. Quod valebit secunda, dummodo prior non transferit in rem iudicatam ante huius probationem. *per Abb. vbi supra, & no. Zacchar. citantis Innocentium.*

No. 2. Legatus in pluribus prouincijs potest committere causas vnus cognoscendas in alia, saluis tamen iuribus

ribus de duabus, vel tribus dictis cap. Nouit. De off. leg. Potest committere causas prophanas laicis, & præcipue causas sanguinis i i. q. p. Te quidem, cap. sententiam; Ne. Cler. vel Monach. Causas spirituales non potest committere, nisi Dignioribus personis personatum, vel Canonatum obtinentibus cap. statutum. de rescript.

Obijcitur. Episcopus potest huiusmodi causas committere simplici Clerico iuxta Doctores in d. c. ergo Legatus

Resp. iuxta Glo. in cap. Sedis Apostolicæ, eo tit. quod ideo Ordinarij id possunt, non quia habeant maiorem potestatem, sed quia habent maiorem cognitionem, & contingit, quod simplex Clericus sit Doctor Decretorum. Rursus non est ita absurdum, ut persona rudis gerat vicem Episcopi, sicut Legati.

Demum dicitur, quod prohibitio illa facta Legato intelligi debet regulariter, secus in casu necessitatis, & concurrente plena notitia, & prudentia.

No. 3. Potest Legatus committere causas de plano, summarie, &c. Nam in principio litterarum Legationis ei datur facultas procedendi quoad sibi concessa per se, vel per alium, & cap. quoniam. de off. Legati §. Cæterum. Soli Legati Apostolicæ Sedis habent, ut omnia eis commissa possint alij demandare; & ideo cessat ratio dubitandi Abb. in cap. sicut Romana. de rescript. qui loquitur regulariter, ut ipsemet fatetur, modo datur expressa facultas Legato in litteris. Per hoc aufertur ius Tertius, tum quia hoc non consistit in solemnitatibus, aut ex eis pender; tum quia id facit autoritate principis, qui quantum ad hoc potest auferre ius tale. Non potest committere causas Canonico minori viginti annis per Glo. in c. statutum De rescript. in sex. & in c. cum vigesimum.

No. 4. Legatus non potest supplere defectum iuris commissum in contractibus, vel iudicijs Abb. in c. p. de

transact. hoc est enim solius Papæ. Non admittit supplicationem contra propriam sententiã, Abb. in c. ex litteris de restitut. in integrum, cū per supplicationē retractetur sententia, & præiudicetur iuri alterius, quod nequit facere inferior Principe l. 2. & 3. C. sēt. rescind. & in l. moris ff. de poenis Potest tamen concedere restitutionē in integrum contra propriam sententiam minori, vel ex maiori causa. Innoc. in c. Romana. de appell. Potest ad effectum suæ iurisdictionis exercēdæ apponere pœnam interdicti Ecclesiastici, & inuocare brachium auxiliij secularis ad formam Concilij Viennensis. Ita in litteris legationis.

#### PARAGRAPHVS IV.

*De auctoritate Legati de latere circa appellationes.*

No. I. **A** Quocumq; Iudice ordinario, seu delegato potest appellari ad Legatum. ultra plures tex. habetur in litteris legationis, etiam si sint iudices à Sede Apostolica delegati per easdem litteras, Ferrar. Per appellationem ligantur manus iudicis inferioris, cap. vt nostrum. de app. & ibi Glo. & No. & Doctores. Iudex inferior non deferēs appellationi punitur, aut per depositionem ab officio secundū rigoriē iuris 2. q. 6. Decreto & c. de priore extr. de app. vel alia pœna iuxta qualitātē personæ, & prudentiā Principis. Et Legatus reuocat in pristinum omnia attentata iudicis à quo extr. de iur. iur. c. venientes.

Quæritur. An ad Legatum possit appellari, omiſſis medijs; Nam hoc videtur conuenire soli Papæ non recognoscenti superiorem in temporalibus, per Glo. 2. q. 6. Decreto, & 11. q. 1. Referens. Verum oppositum docet D. 10. de Turrecrem. 2. q. 6. si quis vestrum, & probat per c. cum non ignoretis. extr. de off. leg. & citat Goffr. Hostien. extr. de app. in c. Romana in sex. Glo. ib. Archid. in d. c. Si quis



vestrum, Io. Andr. c. quod translationem. super mag. glo.

No. 2. A sententia Legati missi, vel nati non appellatur ad Legatum de latere, quia quoad essentialia non est maior. Non se intromitti de appellatione facta ad Papam, quia est absurdum per Glo. in c. statuta de Hæret. in sex. 2. l. di. inferior, Glo. in c. cum parati. de app. & in c. cupientes. de elect. in sex. Potest tamen compellere iudicem A quo ad deferendum appellationi legitimæ, quia hoc non est authoritatiuè cognoscere, sed ministerialiter tueri ius Principis. In appellatione ad Sedem Apostolicam non sufficit audire Legatum, nisi fortè partes concordarent renunciando, & de earum consensu, Glo. in d. c. cupientes. de elect. in sex. & c. cōstitutus. de app. Translato per Legatum negotio ad D. Papam, & facta relatione, non potest ipse amplius de eo cognoscere, neq; etiam consentientibus partibus per Glo. in c. Licet. de off. leg. Nec amplius potest examinare, vt causam magis instructam mittat ad D. Papam per Glo. eodem cap.

No. 3. Legatus ex iuxta causa potest recusari per Glo. in cap. Valde 49. di. & citat cap. licet de off. leg. & quia cuilibet reseruantur legitimæ exceptiones. De off. deleg. ex parte. Si vero antequam proponatur recusatio causam in totum commiserit, recusari vltius non poterit, cap. Si iudex de off. Deleg. nec poterit impugnari per eum facta commissio. Non potest committere causas appellatione remota, quia id est. solius Papæ, vel supremi Principis Abb. in c. sicut Romana, de rescript. specul. in titul. Deleg. §. Nunc ostendendum ver. 14. Nec procedit in Legato. Decius eodem cap. n. 8. Si habet Specialem facultatem cognoscendi causas appellatione remota, non remouetur appellatio ex vera causa, sed friuola, quia appellationem legitimam nec Princeps potest remouere, vt latè probat Syluester eo tit. q. p. pluribus text. &

rationibus : In dubio, an appellatio sit legitima, & ex vera causa, debet ipse definire, sed caueat, ne alteri præiudicet in bonis, & sibi ipsi in conscientia. Hinc sequitur, quod a Legato ipso de latere potest appellari iuxta Glo. in c. cuncta 2. q. 3. & allegat c. vltimum de sent. & re iudic. & extr de off. leg. cap. licet Hoc enim conuenit soli Papæ, qui Superiorem non habet, vt extra de elect. licet, & si ab eo appellatur ad Papam, debet humiliter appellationi deferre, vt extra de re iudicata, cum causa, & specul.

S. superest. verb. illud  
autem.



# LIBER QVARTVS

De auctoritate Domini Legati de latere in  
ordine ad leges.

## P A R A G R A P H V S I.

*De auctoritate D. Legati in congregandis Concilijs.*

No. 1.



LEGATVS de latere non potest conuocare Concilium generale absque speciali mandato D. Papæ 17. di. cap. p. & 2. D. Thomas 22. q. p. ar. 10. D. Cardinalis de Turrecrem. eadem di. & D. Cardinalis Caietanus 22. ibi, & opusc. de auctoritate papæ, & Concilij, & Doctores. Concilia celebrata, absque auctoritate Papæ non sunt Concilia, sed Conciliabula, & aullius auctoritatis 17. di. c. multis D. Io. de Turre crem. de potest. Papæ, & Card. Caiet. Vbi supra. An possit Legatus congregare Concilium prouinciale, dissident Doctores, Glo. 43. di. Regula dicta ait, quod non potest cogere Archiepiscopos, & Episcopos ad conueniendum, & secundum D. Io. de Turrecrem. In 3. d. cap. p. potest congregare Episcopos ad consulendum, vel deliberandum aliqua, & cum ipsis potest condere nouos canones prouinciales de paruis, & de his, quæ spectant ad onus, sicut de abstinentijs, orationibus, & huiusmodi; De magnis autem consulere debet D. Papam 17. di. c. multis, & c. Concilia. Nec de his quæ spectant ad honorem 8. q. p. In scriptis, & c. quia Episcopatum. Huiusmodi Canones non adstringerent omnes, & si D. Papa eos approbauerit, non sunt  
ge-

generales quia conformatio nihil de nouo conferre solet.

No.2 An negligente Episcopo, aut Archiepiscopo, & negotio Ecclesiastico urgente possit Legatus conuocare Concilium prouinciale, vel Diocæsanum; Dicerem, quod sic; Nam in tali casu non diceretur turbare iurisdictionem, sed iuuare in fauorem Ecclesiæ, & necessitas facit facultatem, licet non trahat in consequentiam, aut consequentia ex ea trahatur. De reg. iur. in sex. & in hoc sensu censerem intelligendum dictum Specul. li. p. particul. p. c. superest videre §. sed numquid Legatus; ea tantum ratione motus, quia Legatus S. R. E. non est inferior Episcopis, aut etiam Archiepiscopis; Nam in rei veritate isti faciunt iure proprio sua concilia prouincialia, & particularia 16. di. c. p. & 92 di. Si quis Episcopus; sed hæc ratio non sufficit, quia non habet cogere Episcopos sicut hi suos subditos, & quod permittitur fortasse ei in casu, non est extendendum, quia licet sit Ordinarius, non tamen Episcopalem potest in omnibus exercere, & confirmatur 3. q. 5. quamuis, & c. multum.

## PARAGRAPHVS II.

*De auctoritate Legati de latere in condendis statutis.*

No.1. **S**ententia communis est, posse Legatum facere statuta ad componendos mores, & vitia corrigenda, & circa quælibet ad eius iurisdictionem spectantia cap. Nemini. De off. leg. extr. eo tit. c. fin. & c. ex rescript. de Locat. & conduct. & per D. Io. de Turrecrem. in c. lex est 2. di. Syluest. verb. lex. q. 4. Irrequisitis prælati, & subditis suæ prouinciæ potest constitutiones edere de pertinentibus ad iurisdictionem suam Innoc. in d. c. Nemini

Nemini. Potest condere statuta contraria Statutis aliorum Legatorum, quia par pari prohibere non potest cap. inferior 21. di. & c. cum inferior. de maior. & obed.

Quæritur. An possit Legatus condere statuta contra ius commune. Innoc. cap. Vt singulæ. de off. Archipresbyt. tenet, quod sic. Sed verior sententia est, ipsum non posse statuere contra ius, licet possit dispensare, quia illud potentius est, ut post Ant. in Glo. fin. Clem. de rescript. asserit Decius c. 2. lect. Rub. de Consi. n. 23. Certum est, quod iuri communi potest addere pœnas, ut plus timeatur Gamb. lib. 8. n. 15. Si statuta Legati edita fuerint cum anathemate, contrafacientes sunt excommunicati cap. p. de maior. & obed. Glo. in cap. Nemini de off. leg. statuta per eum facta perpetuò durant, (dummodo non reuocentur) etiam finita legatione, c. ult. de off. leg. Innoc. in c. cum accessisset de Consi. n. 2. Cherub. schol. 2. in Const. 16. Pauli Tertij. Si verò faciat statutum sub conditione, imponendo certam pœnam absque causæ cognitione, durat tantummodò tale statutum tempore suæ legationis. Innoc. in c. quod translationem. de off. leg. Sententia Legati non facit ius, neq; trahi potest ad consequentiam. cap. in causis. de re iud.

No. 3. Constitutiones Legati in Prouincia editæ, & confirmatæ à D. Papa non veniunt seruandæ in causis, litibusq; Ecclesiasticis per plures decis. Rotæ apud Cherub. Schol. p. ad Const. 15. Sixti 4. incip. & si de cunctorum. Neque in terris immediatè subiectis Romanæ Ecclesiæ Rota decis. 182. & 187. lib. 3. p. 3. Diuersorum. Statutis Legati non ligantur subditi delinquentes extra prouinciā cap. 2. de Const. in sex. Non potest condere statuta, quibz ius vnius detur alteri, quia hoc est speciale in Papa propter Omnipotentiam, c. cunctas, & c. principalem, nona quæst. 3.

No. 4. Non potest condere Statuta contraria Decretis Conciliorum Cap. Prudentiam de off. deleg. quia Constitutiones Conciliorum multorum consilio sunt editæ Glo. in c. Dilectus de præb. Abb. in c. quod translationem de off. leg. Vnde non debet eis de facili derogari.

### PARAGRAPHVS III.

*De auctoritate Legati de latere in interpretandis legibus.*

No. 1. **P**Ræmittendum est quatuor esse legis interpretationis species, quas recenset Abb. cap. p. de portul. præl. n. 19. Quædam est interpretatio legis facta à Principe, & est generalis, necessaria, & in scriptis redigenda; Generalis, quia omnes comprehendit, necessaria, quia tenemur eam sequi; in scriptis redigenda, ut vim legis sortiatur iuxta quod dicitur 2. instit. de iur. nat. §. Quod Principi, scilicet, quod Principi placuit, legis habet vigorem. Alia interpretationis species est, quæ fit per consuetudinem, est enim hæc optima legum interpres in c. cum dilectus. de consuetud. & est generalis, & necessaria modo iam dicto, non tamen scripta. Tertia species interpretationis est, quæ fit per Iudicem, Iudex enim potest interpretari leges, quoad causas ab eo iudicandas No. Innoc. in c. speciali. de app. & hæc non est generalis nec alij iudices tenentur iudicare secundum, quod iudicauit iste, quoniam non exemplis, sed legibus iudicandum est ut in l. nemo C. de seru. est tamen necessaria, quia partes tenentur eam sequi, & transit in rem iudicatam, nisi appellatur, ut in c. quod consultationem. de re iud. & est in scriptis redigenda respectu sententiæ diffinitivæ, ut cap. fin. de re iud. quia species interpretationis fit per Magistrum

gistrum, vel Doctorem, quæ non est generalis, nec necessaria, nec in scriptis redigenda, scilicet de necessitate; Ei enim non statuitur, nisi quatenus probatur lege, & ratione: Habet tamen communis opinio Magistrorum, quod quis eam sequens in iudicando, vel extra iudicium non incurrit pœnam legis, quia communis opinio Doctorum inducit probabilem errorem. Hæc ex Abb. recitata approbat D. Cardinalis Io. de Turrecrem. in c. non licuit. 17. di. In præfenti omiſſa ſecunda interpretationis ſpecie, utpotè non faciente ad propositum, & quarta, ut certa pro affirmatiua, de duabus alijs speciebus sermo erit; pro quo dicendum.

No. 2. Durante legatione, Legatus prima specie interpretationis interpretatur statuta sua. cap. inter alia. de ſent. excōm. & c. ex parte. de verb. ſignif. & Bartol. in l. ab executore ff. de app. & ratio convincit, quia eius est interpretari, cuius est condere. finita legatione, interpretatio eorum spectat ad Papam, etiam dicto Legato vivente, à quo tamen potest petere sensum, & mentem eius. Glo. in c. ex parte de verb. ſignif. quia licet Legatus sit idem in persona; non est tamen idem quoad dignitatem, & auctoritatem; & iurisdictionem, quia hæc expirat. Non potest interpretari ius Divinum, aut naturale, id enim est solius Papæ in his, quæ admittunt interpretationem. Neque ius Canonicum, aut civile in concernentibus Clericos, cap. p. de iur. calum. & hoc generaliter loquendo 11. q. 2. c. sicut, ubi traditur ratio; Ille solus habet ius interpretandi canones, qui & habet ius condendi, & ille solus legum civilium est interpres, qui eis ius, & auctoritatem impertitur, & 25. q. p. sunt quidem. Potest tamen interpretari utrumque ius quoad certam causam etiam tangentem Clericum; Innoc. in c. cum speciali, de app. Glo. in c. p. de postul. præl. Non potest interpretari rescri-



pra, aut priuilegia D. Papæ, nisi quando dubitaretur de surreptione, & in casu facili, & decisibili, secus in arduis: c. Inter alia de sent. excomm. sed solius est principis, Syluester verb. Interpretatio q. specul. tit. Legatus §. Nunc ostendendum vers. 4. Decius in c. sanè de off. Deleg. n. 3. Si quando autem videris interpretantem mandatum Papæ, dic, quod hoc facit, aut ex plenitudine Legationis, aut magis ex speciali permissione Papæ, aut sine ea, sed interpretatione ratificanda à Papa, Abb. c. Ad hæc de poss. præl. Non potest interpretari constitutiones Conciliorum, nam id reseruatur Papæ c. Nec licuit. 17. di. & modo id spectat ad Congregationem DD. Cardinalium per conf. 74. S. xti V. ad hoc deputatorum Cherub. Shol. n. in conf. 73. Pij IV. Modus interpretandi leges, rescripta, Canones. priuilegia, statuta, dispositiones fauorabiles, vel odiosas, accipitur à consueto modo interpretandi, vel à similibus, vel à iuribus scriptis Syluester verb. interpretatio. referens Io. Baptistam de Flisco, hic est Innocentius Quartus. Sed vbi casus similis haberet legem specialem in contrarium, non debet fieri extensio, quia non debet induci legum correctio ex similitudine rationis. Abb in cap. Translato, de Constit. vbi plura addit spectantia ad hanc materiam.

## P A R A G R A P H V S IV.

### *De Virtute litterarum D. Legati de latere.*

No. I. **L**itteræ D. Legati sigillo munitæ faciunt fidem, eisque creditur tanquam publico instrumento Glo. in cap. post certio rem. de probat. Hoc est verum, etiam si non habeant testium subscriptionem, propter eminentiam dignitatis: Si in litteris Legati appo-

poneretur sigillum, quo uti solet in litteris non legationis, tale sigillū non faceret scripturam authenticam secundū Gambar. post Hostien. & specul. Si autem in dictis litteris exprimeretur causa, quare non sit appositum sigillum legationis, scriptura est authentica posset tamen per Iudices inferiores, vel alios, ad quos spectat, examinari, & præcipuè si dubitaretur de vitio surreptionis.

No. 21 Litteræ illæ prævalent, quæ sunt prius datæ, ubi agitur de materia formali, ut in c. Tibi qui, de rescript. & in c. cum cui, de præb. in sexto. Quando possit dubitari decisio surreptionis docet Abb. in cap. ex parte. de rescript. sed inter cætera. idest, quando clausula omnis, quæ posset mouere Principem ad non rescriptum, non sit exposita in petitione. Surreptio, aut falsitas citius præsumenda est in litteris gratiæ, quàm concernentibus iustitiam cap. p. de falsarijs, Abb. in cap. Ad audientiam, de rescript.



# LIBER V.

## PARAGRAPHVS VNICV9.

*De authoritate Legati de latere, quoad concessionem  
Indulgentiarum.*



VPPOSITA Indulgentiarum Catholica  
veritate, quidditate, & effectibus.

No. 1. Legatus etiam non Sacerdos potest concedere indulgentias, quia eas dare, est iurisdictionis, quam Diaconi, & alij non Sacerdotes possunt habere, vel commissam, vel ordinariam, sicut & electi in Episcopos nondum Sacerdotes, cap. Transmissa. de elect. D. Th. 4. sent. di. 2. D. Io. de Turrecrem. de pæn. di. p. & super leuiticum q. 5. concl. p. & io. Ex vi litterarum legationis potest concedere indulgentias centum dierum, & plurium quibuscumque fidelibus ad pia opera exercenda. potest concedere indulgentiam vnius anni in dedicatione Ecclesiæ, quia, & id potest Episcopus, vt cap. cum eo, de pen. & rem. & per D. Ioann. de Turrecrem. Item pro constructione nouæ Ecclesiæ, aut pontis, pro transitu peregrinorum, & pauperum; hæ enim recensentur inter veras causas concedendi indulgentias, vt d. cap. cum eo sunt namque exteriora, quæ ordinantur ad spiritualia, vt per D. Io. de Terrecrem ib. q. 3. Talem indulgentiam semel tantum potest concedere ex speciali indulto solito dari Legatis de latere. Si tamen pro quibus diebus festis concedatur, durat per triennium. Nulliusmodi indulgentias accipere possunt declinantes ad loca, quibus conceduntur, sicut & cæteræ absolutiones, vt dicitur,

tur, ampliorem enim Episcopo iurisdictionem obtinet D. Io. de Turrecrem. eo. cap. q. 6. concl. 6. & cap. quod autem. de pæn. & rem. Si vnus Legatus concessit quadraginta dies indulgentiæ alicui Ecclesiæ, & successor totidem, non valet vtraque secundum Gemin. cap. fin. de pen. & rem. in sex; ne per talem multiplicationem veniretur contra Decretum Concil. Vienn. cap. cum ex eo, eodem tit. Si Legatus concedendo indulgentias excedit limites suæ facultatis, valent quoad id, quod potest dare, quia vtile per inutile non vitiatur de reg. iur. in sex. & quia in liberalitatibus, & donationibus, est dicendum, quod tenent pro parte scilicet, vsque ad legitimum modum 12. q. 2. Si quis. Item quia agitur de tempore separabili c. Indulgentiæ. de pæn. & rem, & Abb. d. c. cum ex eo. Indulgentiæ datæ à Legato valent etiam exemptis siue secularibus, siue regularibus, & hoc non solum de licentia suorum Superiorum, sed iure communi, quia iuxta D. Petrum de Palud. in 4. sent. di. 2. quoad hoc non videtur exemptio, quia noluerant impetrare id, quod esset malum suum, D. Io. de Turrecrem. vbi supra q. 7. concl. 7. Rursus, & exemptio non intelligitur à Legato. Indulgentiæ concessæ à Legato durant post obitum ipsius Innoc. in cap. quoad translationem de off. leg. Syluester verb. Indulgentia, & ibi summissæ.



54  
LIBER SEXTVS

De authoritate Legati de latere, quoad ius dispensandi.

PARAGRAPHVS I.

*De facultate Legati de latere, quoad dispensationes in communi.*

No. 1. **L**egatus de latere dispensat in omnibus, in quibus dispensant Episcopi, & Archiepiscopi, & in extr. lo. 22. super gentes, dicitur, quod supplet vices Papæ, & Specul. li. p. part. p. 8. consequenter, Et in generali facultate recipit potestatem dispensandi in omnibus supradictis, & in alijs non reseruatis Papæ cap. 2. de off. leg. in sex; no. Spec. tit. de dispensat. §. sequitur, Albericus de ros. eo tit. indict. Legatus virtute generalis mandati dispensat contra ius, nisi in expressè prohibitis, quia in generali mādato dispensatio delegatur. Glo. in cap. Si Abbas. de elect. in sex. & in d. extrau. super gentes, specul. tit. de dispensat. §. Consequenter, vers. generaliter. Quandocumque conceditur Legato facultas dispēfandi, conceditur etiam ad samam secundum communioem sententiam saltim dispensatione præmissa, vel in consequenter per D. Ioann. de Turrecrem. 50. di. Vt constitueretur. num. 9. Facultas concessa, vt possit dispensare, semper intelligitur, vt id faciat cum causa, aliter enim nulla esset dispensatio D. Tho. 22. q. 88. a. 4. & quæst. 97. Dispensatio in omni alio à principe requirit causæ cognitionem, Glo. in c. ad monasteriorum. Syluester verb. dispensatio. Non est necessarius processus, aut sen.

sententia, vt sentit Gambar. li. 7. n. 113. sed sufficit mor-  
alis certioratio superioris dispensantis. Obtinens à Le-  
gato dispensationem fide legitima causa, non est tutus  
quoad Deum, neq; quoad Ecclesiam, Innoc. in d. cap.  
cum ad monasterium. Panorm. in c. non est voti. De vo-  
to. Causa dispensandi, est quadruplex, scilicet, Necessi-  
tas, utilitas, congruitas, & honestas D. lo. de Turrecrem.  
in 32. q. Dic t Sara, ex D. Bonauentura. Facultas dispen-  
sandi data, non expressis personis dispensandis, tanquam  
beneficium Principis est latè interpretanda Glo. in c. ult.  
de Simonia; quando vero exprimuntur personæ est stri-  
cti iuris, & strictè interpretanda, cap. p. & 2. de fil. presb.  
in sex. Syluester verb. dispensatio n. 9. Licet dispensatio  
sit stricti iuris, & contra ius, & strictè interpretanda, ni-  
hilominus extenditur ad consequentia, & dependen-  
tia ex eo, super quo est dispensatum, quando aliter non  
imprimeret in eo actum validum, Panorm. in cap. quia  
tantum. de præb. & c. si quis in clero 7. q. p. v. g. dispensa-  
tus super pluralitate beneficiorum est quoque dispen-  
satus super residentia Syluester verb. dispensatio q. 9.

No. 2. Legatus habens facultatem illimitatam dispen-  
sandi potest dispensare in omnibus non reseruatis Pa-  
pæ cum expressione, nisi de eis fiat specialis mentio;  
quia ex eo, quod conditor Canonis absolutionem sibi  
specialiter non reseruauit, concessisse videtur alijs facul-  
tatem relaxandi. Bartolom. Brix. in sua Glo. cap. quæ de  
causa 2. quæst. 8. Paulus Burgasius de irregul. p. 2.  
de delegatione dispensationis n. 4. Potest Legatus ac-  
cipere annatas, & compositiones pro dispensationibus,  
sicut Papa, ratione in cap. Si propter de rescript. in sex.  
§. Concedimus, adducta 2. Habens facultatem dispensan-  
di contra Canonem aliquem non tenetur in litteris di-  
spensationis apponere particulam derogatoriam eius-  
dem

dem Canonis per Abb. de offic. leg. cap. Nemin.  
 Legatus, alsumendo aliquem ad aliquod officium,  
 ad quod habet impedimentum ei natum, & habet  
 rationabilem causam dispensandi, videtur dispensare  
 cum eo, t si mandat ordinari aliquem, quem scit esse  
 irregularem, sufficit intentio dispensandi, licet non ex-  
 primat verbum, *Dispenso*, vel aliud æquiualens, quia fa-  
 cto dispensat; Neq; necesse est, vt constet per litteras de  
 scientia indignitatis, nisi in foro animæ, non vero in fo-  
 ro causarum. Syluester verb. Dispensatio q. 21. per totum.

## PARAGRAPHVS II.

*De Authoritate Legati dispensandi in pluralitate  
 beneficiorum.*

NO. I. **P**Otest Legatus de latere dispensare in plurali-  
 tate beneficiorum simplicium Glo. 70. di. cap.  
 Sanctorum. nec beneficium huius Canonis sublatum  
 est Legatis de latere per cap. De multa. de præb. vbi dici-  
 tur, quod per sedem Apostolicam dispensari possit, per  
 hoc enim non aufertur dispensatio probabilis, sed vaga,  
 & indirecta, sicut per remotionem appellationis non re-  
 mouetur necessaria appellatio, extr. de app. Pastoralis, &  
 per prohibitionem iurandi non prohibetur iuramen-  
 tum necessarium, sed temerarium 22. q. p. c. Ita; Et cum  
 prohibetur vxorem separari à viro, non prohibetur sepa-  
 ratio cum ratione, & causa 33. q. 2. quos Deus.

No. 2. Dispensare super pluralitate beneficiorum  
 curatorum, est solius D. Papæ cap. de multa, De præb.  
 Vbi Papa in Concil. Lateran. hoc Sanctæ Sedi reseruat, &  
 Glo. ib. patet à contrario sensu, quod per alios non  
 potest



potest dispensari, & in extran. Io. 22. Execrabilis, beneficia per incompatibilitatem vacantia reſeruantur Sedi Apoſtolicæ, etiam cum excluſione Legatorum, Glo. ib. Sylueſt. verb. Beneficium 4. q. 8. Addition. ad Concil. Trid. ſeſſ. 22. de reformat. t. 5. dum dicitur, quod ſuper reſidentia non diſpenſat Papa, niſi interpretatiue. Non poteſt Legatus diſpenſare, vt Epiſcopus habeat aliam dignitatem, ne turbetur ſtatus Eccleſiæ. D. Io. de Turrecrem. 89. di. ſingula. Dubitant Doctores, an in caſu ſaltim neceſſitatis poſſit Legatus diſpenſare ſuper pluralitate beneficiorum, Gambar. lib. 5. tenet partē affirmatiuā; At oppoſita probabilior eſt, & eſt ratio, quia exigēte neceſſitate reſeruatur Sedi Apoſtolicæ diſpenſatio, neque facienda eſt diſpenſatio ad libitum; Huic ſubſcribit Sylueſt. vbi ſupra, & in verb. caſus num. 2. caſu 21. Nec vrget ratio pro affirmatiua allegata, ſcilicet, quod nimis oneroſa eſſet Eccleſijs hæc ſententia; Nam potius eſt fauorabilis Eccleſiæ in odium ambitionis, & avaritiæ, nec auferitur per eam debitum Eccleſijs, quandoquidem poſſet à Legato prouideri, non per modum tituli, & per modum commendæ ad tempus, &c. cap. Nemo. Adducitur tamen decifio Rotæ 287. in nouis, incip. Legatus, quæ dicitur, quod Legatus reportat ſpeciale indultum Sedis Apoſtolicę ſuper diſpenſatione beneficiorum incompatibilium, cuius decifionis meminit Paulus Burgaſius de irregul. p. 3. de diſpenſatione Legatorum num. 5.



## P A R A G R A P H V S III.

*De Autoritate Legati à latore dispensandi cum illegitimis.*

No. 1. **I**N litteris DD. Legatorum habentur infra scripta. Legatus potest dispensare in defectibus natalium cuiusvis procreati ex adulterio, incestu, vel quocumque nefario, vel illicito coitu. Dispensati sic per Legatum possunt obtinere quacumq; & qualiacumque, beneficia cum cura, & sine cura, sæcularia, vel regularia inuicem compatible, Canoniciatus, præbendas, & dignitates. Si de nobili genere procreati fuerint, etiam ad maiores, & principales personatus, vel officia in Cathedralibus, Metropolitanis, & Collegiatis possunt assumi. Etiam in Ecclesijs, in quibus dictorum illegitimorum Patres beneficia obtinuerint, dummodo non simul ministrant in Altaris ministerio. Possunt retinere beneficia Patrum suorum, dummodo ipsi non immediatè succedant. Potest concedere, vt de natalium defectibus nullam in quibuscunque litteris, & gratijs sibi concedendis mentionem facere teneantur; Hæc in litteris facultatum. Ideo quæ adducit Paulus Burgasius de irregul. p. 3. de dispensat. n. 3. intelligi debent de iure communi, aut de alijs Legatis non de latere.

No. 2. Illegitimos prohibent iura obtinere beneficia, dignitates &c. quia timetur in eis incontinentia Patrum 1. q. 1. si gens, & 6. q. 1. quisquis. Sed licet aliquid prohibeatur à iure, non prohibetur dispensatio circa illud ius. No. in cap. Innotuit de elect. tanto tamen difficilior est eorū dispensatio, quāto turpior est origo, secundū D. Tho. in 4. sent. Legatus de iure antiquo non habet tā amplam facultatem dispensandi, sed solum posset dispensare cum ille-

illegitimo in susceptione ordinum minorum, & ad obtinenda beneficia simplicia, secundum Doctores. cap. per venerabilem, qui fil. sint legit, & 56. d. Presbyterorum, & ibi per D. Io. de Turrecrem. n. 7. Legatus habens facultatem dispensandi non debet denegare dispensationem illegitimis, si sint honestæ vitæ 56. d. Dominus noster, & cap. Genes Anglorum. Nam ut dicitur cap. per litteras de fil. presb. illegitimi reijciuntur ob metum incontinentiæ Patrum in eis, & ideo, hoc metu cessante potest cum eis dispensari, immo & debetur dispensatio & cum hac Gloss. intelligunt Doctores d. cap. per venerabilem. Vnde si Legatus, vel alius negat dispensationem, ubi patet iusta dispensandi causa, & ratio, peccat 50. d. Constitutus, 2. q. 5. c. quanto, & secundum Glo. ib. intelligitur in casu, quo illegitimus deberet admitti. Non tamen posset peti dispensatio iure actionis, sicut dicitur de elemosyna pauperi debita 46. d. cap. sicut, quæ tamen paritas non valet in totum: & supposito, quod Ecclesiæ non adsit necessitas, & illegitimus habeat prærogatiuam meritorum, adhuc poterit cum eo Legatus dispensare. cap. innotuit de elect.

Non potest ex mera voluntate, & arbitrio dispensare, & si facit, peccat, tenet tamen dispensatio, quia non habemus legem irritantem, nisi in facto sit repugnantia. Non potest dispensare cum illegitimo ad hoc ut Episcopus fiat: tum quia litteræ legationis loquuntur de dignitatibus in Ecclesijs Cathedralibus, non de ipsis Cathedralibus; & quamuis fauorabilis concessio, non tamen extendenda ad maiora. cap. Abbates de priuil. in sex. Syluest. verb. casus n. 44. Tum quia Cathedralis non venit nomine beneficij, nisi in certis casibus, & quod dicit No. in cap. is qui de fil. presb. in sex. potestatem scilicet, dispensandi esse late interpretandam, debet intel-

ligi non nisi quoad similia, & restringitur in materia beneficiorum super quam cadit. Sunt, qui negant etiā in Papa auctoritatem dispensandi cum illegitimis ad Episcopatum: sed non video qua ratione, cum nec ius diuinum, nec naturæ huic repugnet, & D. Papa super ius positium habet plenissimam potestatem, immo & sic dispensatum posse eligi in Papam, non debemus ambigere, cum factum habeamus 86. d. per Damasum Papam cap. Osius. Nec satisfacit (pace ipsius dixerim) Gratianus 56. dist. cap. Cenomanense, dū dicit tales promotos ad Papatum qui in d. cap. Osius recensentur, non fuisse procreatos ex illegitimo coniugio, quod olim licebat Sacerdotibus nūc autem tantummodo Orientalibus est permissum; Aduersatur namque dictæ intelligentiæ textus capitulum antecedentis, & consequentis, qui loquuntur de procreatis ex coitu peccaminoso, vt patet; & aduersatur intentio, quæ est loqui de patientibus defectum natalium, quod equidem locum non habet in ijs, qui ante sacerdotium procreati sunt, vel a Sacerdotibus, qui contrahere possunt, tales n. postea ducta vcore tempore conceptionis, nullo interueniente impedimento, legitimi sunt ex matrimonio ipso; D. Io. de Turre crem. d. cap. Osius. Hinc haud magni momenti esse comprehenditur, quod opponit Gambaria lib. 7. n. 201. scilicet, quod Monachus debet viuere in claustrō: quia iam sermo est de religiosis, qui, tali debito non obstante, sunt capaces. Potest Legatus legitimare mulieres, vt sint Abbatisæ gloss. in cap. indemnitis de elect.

No. 3. Non potest legitimare in temporalibus, & quoad successiones extra terras Ecclesiæ, etiam si habeat plenissimam facultatem, quia secundū probabilem sententiam nec hoc videtur habere Papa. cap. per venerabilem. Qui filij sunt legit. Nec valet ab aliquibus  
al.

allegata ratio in oppositum, quod ex eo quod legitimat in spiritalibus; legitimat in temporalibus per consequentiam; nam non debet mittere falcem in messem alienam & exercere iurisdictionem temporalem, ubi alij pleno, & alto imperio dominantur 6.q.3. scriptum est; Verum tamen est, quod est attendenda qualitas, & tenor dispensationis, cui legitimæ Imperator tenetur stare D. Io. a Turrecrem. 6.q.1. si quis. Non potest Legatus illegitimum iam electum dispensare ad effectum electionis consequendum; potest tamen, si sit tantummodo postulatus. cap. Innotuit de elect. per glo. & Doctores, fortasse quia in re libera nulli fit iniuria. Non potest in Prouincia condere statutum dispensationum illegitimarum etiam ad ordines minores, & beneficia simplicia, quia nimis relaxaret habenas. Ita Doctores in cap. cum haberet, de eo qui duxit in matr. Clausula apposta in litteris dispensationis factæ per Legatum *sine praiudicio filiorum legitimorum, & hæredum*, intelligitur, quod æqua lance succedant, non autem in totum ab hæreditate excludantur, aliàs priuilegium nihil prodesset; cap. si papa de priuil. in sexto, Ludouic. Bolognin. in addit. consil. 229. Nullo vero modo legitimat ad bona relicta sub fideicommissio pro legitimis, quia repugnat menti testatoris. Si legitimato spurio nascuntur filij illegitimi, legitimatio non retractatur de reg. iur. in sex. Factum legitime, 30. q. 1. Nosse. & æquis portionibus succedit cum legitimis. Hæc in litteris legationis.

Quæritur, an illegitimus celebrans ante dispensationem incurrat nouam irregularitatem?

Quod non ex stilo curiæ Romanæ, quæ quando dispensat cum talibus, simpliciter dispensat super defectu, & non super irregularitate, quam contraxerit ex celebratione, c. Apostolica 56.d. & ibi D. Io. de Turrecr. n. 3.

Quæ.

Queritur 2. an illegitimus ante dispensationem ordinatus suscipiat ordinem.

Resp. quod suscipit, quia defectus nataliū non impedit ordinis susceptionem de facto, sed de iure. D. Io. de Turre crem. 56. di. Presbyterorum, & concurrunt alij.

Legatus, cui specialiter indultum est, ut cum huiusmodi irregularibus possit dispensare, non poterit cum scholaribus, & alienigenis intra illud tempus in provincia degentibus dispensare; quoniam talis dispensatio stricte interpretanda est, & intelligenda solum de indigenis & ibi intitulatis &c. Specul. lib. 1. partic. 1. §. consequenter.

#### PARAGRAPHVS IV.

##### *De Auctoritate D. Legati de latere dispensandi circa Matrimonia.*

No. 1. **E**X vi litterarum potest D. Legatus de latere dispensare in impedimento publicæ honestatis, ubi sola sponsalia interuenerint, & hoc non obstante contraxerint; etiam si copulam carnalem habuerint, ac inde prolem susceperint. Potest tales ab incestus reatu, & excommunicatione, alijsque censuris Ecclesiasticis in forma Ecclesiæ, iniuncta poenitentia saluari, absolueri, dummodo mulieres raptæ non fuerint; Prolem inde susceptam potest legitimam declarare. Hucusque in litteris.

No. 2. Quantumcumque plena gaudeat facultate, non potest dispensare in impedimentis, quæ remouent consensum, cuiusmodi sunt error personæ, metus &c. quia in his nec D. Papa dispensat Syluester verb. Matrimonium 6. q. 5. & Summistæ. Non potest dispensare in  
im.



pedimentis, quæ sunt iuris diuini; aut naturalis, quales a multis censetur consanguinitas, aut affinitas vsque ad secundum gradum, quia neque hoc solet facere Papa, Syluester ibid. & verb. Papa num. 17. post D. lo. à Turre crem. 35. q. 2. coniunctiones, & cap. quædam lex. Non potest dispensare in impedimentis solo iure Pontificio dirimentibus, quia quæ iure sunt inducta, nequeunt inferiores ordinariè dispensare 21. di. inferior, Clement. Ne Romani, de elect. Potest tamen in aliquo horum dispensare, exigente causa, etiam ante contractum matrimonium, cum in instanti celebrandarum nuptiarum, deprehendatur ex confessione impedimentum dirimens, nec sine graui infamia, aut suspitione grauis delicti possunt nuptiæ differri. nam & hoc potest Episcopus, Bonacina verb. matrimonium §. cuius sit dispensare n. 112. Potest in prædictis dispensare, quando impedimentum dirimens est occultum, & matrimonium publicum, nec ad Summum Pontificem ob paupertatem, aut locorum distantiam potest haberi recursus, nec coniuges possunt sine magno scandalo separari, quia & id potest Episcopus, Bonacina ubi supra. Potest dispensare in omnibus impedimentis non dirimentibus, sicut Episcopus, quia & ipse est ordinarius in prouincia. Potest dispensare cum quibusvis personis tertio, aut quarto simpliciter gradu; aut mixtim tertio, & quarto etiam multiplici consanguinitatis, vel affinitatis gradibus inuicem coniunctis: ita in litteris facultatum. Item potest cum ijs, qui se adulterio polluisent, dummodo in mortem prædefuncti coniugis machinati non fuerint, ut fauicem matrimonialiter copulari, & in contractis per eos scienter, vel ignoranter matrimonijs remanere possint. Ita in eisdem litteris. Unde non aduertisse creditur Sanchez, dum lib. 8. q. 6. de matrim. inquit; Legatum non habere maiorem



facultatem Episcopo in spe stantibus ad matrimonium. Copula præcedens non impedit Legatum, quominus dispenset iuxta facultatem sibi concessam. Gambar. lib. 7. num. 409. Potest separare matrimonia propter errorem conditionis, quia potest passim de omnibus causis Ecclesiasticis cognoscere, extra de coniug. seruo. c. si. & Specul. lib. 1. particul. 1. S. superest videre.

## PARAGRAPHVS V.

### *De auctoritate D. Legati dispensandi in votis.*

No. I. **P**otest Legatus dispensare in votis, & eã commutare. Syluest. Tabien. & alij. Non tamen in voto perpetuæ continentiæ, absque mandato speciali. Neque in tribus votis. peregrinationis Terræ Sanctæ, Apostolorum Petri & Pauli, & S. Iacobi Compostellæ, & ex consuetudine reservatis, cap. ex multa de voto, & const. Sixti V. & si Dominici. Etiam si prædicta vota non fiant in subsidium, sed mera deuotione, Syluest. verb. votum n. 4. & 5. Potest tamen in omnibus dictis dispensare, imminente graui periculo, vel quando votum est factum per metum etiam leuem: item si est conditionale de futuro, nondum conditione impleta. Item quando votum castitatis est ad tempus, Syluest. ib. Bonacina de voto tom. 2. pag. 322. n. 15. Item quando potest dispensare in voto principali, cui tanquam accessorium est annexum votum religionis aut castitatis, nam principale trahit suum accessorium, de reg. iur. in sex. vt si quis voueat ieiunium certis diebus, quod si non ieiunauerit, se ingressurum religionem, potest Legatus dispensare iusta causa in ieiunio, & consequenter dispensabit in voto religionis. Debet cognoscere de causa dispensationis, quia  
sine

sine causa dispensans peccat, vt dissipator, & dispensatio est nulla D.Thom. 22.q. 88. art. 10. Si tamen dispenseret causa apparente, tenet dispensatio Syluest. num. 6. co tit. 8. In dubio de vera causa, standum est iudicio ipsius.

Causæ præcipuæ dispensandi sunt quatuor. Prima, si id quod cadit sub voto est malum, vel ab initio tale fuit: secunda, si sit inutile: tertia si sit impeditum maioris boni: quarta, impossibilitas, vel magna incommoditas. Primum autem horum non eget dispensatione; Altera harum, cauiarum sufficit, vt legitimè dispenseret, & dispensatus sit tutus coram Deo.

## P A R A G R A P H V S VI.

### *De auctoritate Legati dispensandi in iuramentis.*

No. 1. **D**Vplex iuxta D. Tho. est iuramentum, quoddam assertorium, quoddam promissorium: assertorium est, quo iuratur de præterito, vel de præsentis sic esse, vel non esse, 22.q. 89. & cap. Si verò, de iur. iur. promissorium, quo quis iurat aliquid se facturum, vel non cap. cum contingat de iure iur. In iuramento assertorio nunquam dispensari potest, quia materia ipsius in necessitatem quandam transijt, & immutabilis facta est, vnde dispensare in tali iuramento est contra præceptum Diuini. In iuramento promissorio potest quandoque dispensari, quia ipsius materia est aliquid futurum, quod vitari potest, vt scilicet, in aliquo euentu sit illicitum, & nocuum; vnde Legatus potest in eo dispensare, sicut in voto. Syluester verb. iuramentum 4. n. 3. Potest relaxare quodlibet iuramentum ad effectum agendi. Potest interpretari iuramentum in dubijs, an sit licitum, non tamen in arduis, quia hoc spectat ad Papam. Syluester  
I verb.

verb. casus q. 2. §. 12. excepto casu imminentis periculi, & necessitatis. Hoc tamen intelligitur, dummodo non sit de iuramentis reservatis Papæ, cuiusmodi sunt statuta Collegiorum, Academiarum, &c. Non debet iuramenta relaxare absque causa, alias peccat, etiam si facultatem habeat ex vi litterarum, &c.

## PARAGRAPHVS VII.

*De auctoritate Legati de latere in dispensando cum simoniacis.*

No. 1. **P**otest Legatus de latere dispensare cum simoniaco obtinente dignitatem ob pecuniā datam Episcopo, ipso tamen promotō nesciente 1. q. 5. cap. Præsentium. Potest cum illo dispēfare, siue in eodem beneficio, siue in alio, ibid. Potest dispensare cum simoniace ordinato ob pecuniā datam Episcopo, ordinato nesciente 1. q. 5. c. 1. Potest ob Ecclesiæ necessitatem, aut etiam vtilitatem, cum simoniacis in ordine dispensare, d. c. Præsentium. Potest dispensare cum ijs, qui à simoniacis scienter in contemptum Ecclesiæ promoti celebrauerint 1. q. 7. Si quis omnem. Potest cum talibus dispensare, vt in alia Ecclesia celebrare possint 1. q. 5. Quicumq; Potest dispensare cum Sacerdote in simonia occulta, & rehabilitare eum ad beneficia obtenta, & obtinenda in foro conscientię, quia & id habet Episcopus, ex Conc. Trid. sess. 24. de reform. c. 6.

No. 2. In ordinibus retinendis, quos quis scienter emit, nulla admittitur dispensatio, extr. de simonia, nobis. Cum eo, qui scienter emit beneficium, non potest dispēfare, nisi fortē dicto beneficio renunciauerit, quo casu potest in eo, vel in alio tolerari 1. q. 1. qui studet. & ibi

per D. Io. de Turrecrem. n. 2. Non potest dispensare in suspensione contracta ex ordinatione simoniaca ex parte ordinatoris, & ordinati, q. q. 1. Ab excommunicationis. 1. q. 1. si quis Episcopus. Idemq; dicendum de obtinente beneficium, & conferente. Syluester verb. casus q. 1. n. 13. Non potest absoluerē ab excommunicatione, aut suspensione Const. 7. Eugenij IV. incip. cum detestabile, contra dantes, vel recipientes, procuratores, & mediatores; quia pontifex id sibi reseruauit. Nec à censuris contentis in bulla 12. Pauli IV. incip. Inter cæteras, contra eos, qui in obtinendis beneficijs personas aliorum simulauerint, & tanquam tales se examini supposuerint, aut beneficia pro personis id ignorantibus, siue pro se, siue pro alijs, cum oblatione alicuius pensionis annuæ, aut cum spe pensionem annuam, aut aliquod quantumvis modicum temporale commodum ab eis consequendj, quia hæc sibi Pontifex reseruauit. Neq; à censuris contentis in Bulla 85. Pij IV. incip. Romanum, contra committentes simoniam confidentialem in beneficijs, & pensionibus, quæ vt plurimum contingere solet in resignatione, collatione, electione, præsentatione, eo animo vt beneficium, vel fructus in totum, vel in parte restituatur ipsi collatori, resignatori, &c. aut alteri ad ipsius instantiam. Hanc const. confirmauit Pius V. const. 85. & extendit censuras ad DD. Cardinales, vt in declaratione per ipsum facta constat. Neque potest dispensare cum simoniacis, qui indulgentias, vel facultatem eligendi confessarium pro casibus reseruatis pro certa pecuniæ summa concedunt, const. 99. Pij V. incip. Quam plenum. Neque à censuris contentis in const. 104. eiusdem Pontificis incip. Dum nimis, contra exigentes, vel petentes aliquid pro collatione, prouisione, vel admissione in possessionem beneficij, seu pactione cum prouiso de fructibus

bus illius anni, præterquam in casu concesso per Conc. Trid. sess. 24. cap. 14. ad pios vsus, quia hanc facultatem sibi pontifex reservauit priuatiue ad alios.

No. 3. Aliæ quoque sunt constitutiones Pontificiæ huiusmodi cum reservatione, quas videre oportet, ne Legatus vtatur autoritate, quam non habet; Earundem constitutionum explicatio habetur apud Doctores, qui, & recensent poenas impositas, & ostendunt, qui afficiantur & qui non: Ad propositum hæc sufficiant, ne tractatum tractatui adnectamus.

No. 4. Hoc solum incidenter addo, non esse simoniam vendere Sacerdotem in seruum, licet sit ei adiunctus sacer ordo; Neq; etiam si eo intuit emitur, aut venditur, vt ministret in Sacerdotio, sicut nec cum emitur terra, vt in ea ædificetur Ecclesia 54. di. Generalis. Peccauit tamen Iudas Christum vendendo 1. q. 1. Studuit, & grauissima culpa, non tamen simonia: licet enim Christus authorem gratiæ spiritualis pretio vendiderit, non tamen ipsum vendidit, tanquam donum ementibus utile, sed vt morte perimendum. Dominicus Soto de iust. & iur. lib. nono quæst. 5. ar. 1.

## PARAGRAPHVS VII.

*De Authoritate Legati dispensandi circa ætatem.*

No. 1. **P**otest Legatus de latere dispensare cum eo, qui vigesimum annum expleuerit, ad dignitates, ac personatus cap. vnic. de ætat. & quali. præfic. in sexto. Si ætas ordinandi sit in dubio, & aliquo modo probetur publica fama, aut testes deponant, potest Legatus supplere cum ipso, præsertim stante necessitate Ecclesiæ, & sufficientia ordinandi 78. di. si triginta. Potest dispensare

fare cum eo, qui ante legitimam ætatem ignoranter ordinatus ministravit in ordine 9. q. 2. Lugdunensis, & 75. di. Ordinationes: & secundum Bonacinā verb. ordo n. 31. potest dispensare in interstirijs. ad suscipiendos quoscunque ordines, & extra tempora. Ita in litteris legationis. Non potest dispensare ante annos pubertatis ad profitendum in religione quantumcumque puer sit doli capax, & habeat vsum rationis. Syluest. verb. Religio 3. q. 2. Non potest dispensare circa ætatem ordinandorum, Syluest. casus 2. num. 23. & ordinati sine dispensatione Papæ, si ministrant in susceptis ordinibus, sunt irregulares, & cum eis non dispensatur, nisi per Papam, secundum Io. Andr. Archid. & Innoc. in cap. cum æterni, de regular. in sexto.





## LIBER SEPTIMVS

## PARAGRAPHVS I.

*De authoritate D. Legati in concedendis facultatibus alienandi bona Ecclesiarum.*

No.



X vi litterarum potest D. Legatus concedere licentias quibuscumque personis, Ecclesiasticis beneficia secularia, vel regularia obtinentibus, & volentibus eorum conditionem meliorare, vt illa dare possint in emphyteusim, dummodo concessio non fiat ultra tres generationes, & sub annuo censu, vel canone non excedente summam quinque ducatorum auri. Potest dare licentiam alienandi, vel permutandi bona beneficiorum in euidentem utilitatem. Potest alienationes, & permutationes iam factas confirmare, supplendo iuris, & facti defectus. Dicta concessio non debet fieri, nisi cum causæ cognitione, non minus, quam duobus Legatis committenda, qui debent procedere coniunctim, seruata forma præscripta per Paulum secundum, Ambrosiæ.

Quæritur. Prælatus iurauit non alienare inconsulto Papa, vt habetur in Pontificali num. 81. & 120. quæritur, an Legatus possit dispensare in prædicto iuramento?

Resp. per panormitanum in c. vt super de re Ecclesiæ non alien. & Syluest. verb. alienatio q. 16. quod non. Sed hi intelligi debent loqui de iure communi; modò vero, stante authoritate relaxandi iuramenta, etiam licita, concessa Legato, poterit dare licentiam alienandi ei, qui  
sic



sic iura uit, quia vtrumque cadit sub facultate specialiter demandata.

Quæritur secundo, An sic dispensans debeat duplici actu facere, scilicet, vno relaxare, altero dispensare in alienatione?

Dico, quod non: quia cum facultas alienandi non datur absque causæ cognitione, & non obstante iuramento, vnus actus sufficit.

Quæritur tertio, An D. Legatus possit alienare bona Ecclesiæ sibi commēdata? Difficultatem hæc quæstio videtur habere ex varijs constitutionibus Pontificum prohibentibus alienationem bonorum Ecclesiæ, & auferentibus super eo facultatem officialibus Curia, alienationes factas reuocantibus. His accedunt iuramenta Prælatorum de non alienando, Episcoporum quidem respectu bonorum suarum Ecclesiarum, Cardinalium respectu bonorum Sedis Apostolicæ; Et in primis 12. q. 2. Alienatio rerum Ecclesiæ interdicitur c. Res in Episcopatu, ex Greg. lib. 10. ep. 72. cap. Apostolicus, ex octaua Synodo vniuersali, cap. 14. cap. Non licet, ex Symmacho in Synodo c. 4. cap. Diaconi in Concil. Agathensi c. 29. Const. Leonis X. incip. occasio, prohibentis Episcopis alienationes absq; cleri tractatu, & consensu, & cum certitudine vtilitatis Ecclesiæ. Const. Pauli II. Ambitiosæ, addentis poenas excommunicationis, &c. & interdicentis ingressum Ecclesiæ Abbatiali, aut Pontificali dignitate fulgentibus; inferioribus verò prælatis poenam priuationis bonorum alienatorum. Const. Pij V. 79. incip. Volentes, reuocatoria facultatum Camerarij, Clericorum, & aliorum officialium Camera Apostolicæ concedendi commissiones in forma, si in euidentem, super alienatione bonorum Ecclesiarum, & locorum piorum. Can. Concil. Trid. sess. 25. q. 1. prohibentis alienationem seu locationem in

præiudicium successorum præsentata pecunia.

Quod autem dd. Constitutionibus afficiantur DD. Cardinales, sentiunt Roderic. de priuil. regul. q. 27. ar. 2. Bonacina, & alij, ea ratione suasi, quia materia fauorabilis est Ecclesiæ, & allegatur Bartol. leg. 2. §. Ibi; quasi doceat hanc facultatem non dici concessam, nisi exprimat<sup>r</sup> specialiter.

Demum obstat iuramentum prædictum Prælatorum de non alienando, &c. quod quidem aliqui Doctores tanti faciunt, vt velint, quod si etiam aliquis Prælatus dictum iuramentum non emisisset, præsumitur tamen præstitisse; quod quidem ipse minimè approbo, saltim quoad forum animæ, ex Nauarr. de alienatione rerum Ecclesiæ num. 16. neque consuetudo, aut lex iuramentum facit.

His præmissis, duo in Legato possunt cōsiderari, scilicet & id quod est Cardinalatus, & id, quod spectat ad Dignitatem Legati; quæ duo adeo ad inuicem distinguuntur, vt Legatus minimè comprehendatur in odiosis nomine Cardinalium, sicut neque appellatione aliorum Legatorum 36. di. c. Abbatum de elect. cap. 1. de verb. signif. in sex. Roderic. quest. reg. to. 2. q. 63. n. 3. Cherub. Schol. 2. ad Const. 17. Eugenij IV. ex quibus sic argumentor. In nulla dictarum Constitutionum fit specialis mentio de Legatis à latere, ergo illis minimè comprehenduntur, & consequenter in eis est facultas alienandi, &c. antecedens est euidens, nam dictæ constitutiones tantum inferiores exprimunt, ergo Legatos excipiunt.

Item Nicolaus Francus Legatus de latere Sixti IV. fratribus Monasterij de Monte Marca Ordinis S. Hieronymi facultatem fecit vendendi bona, quæ eis legata per ipsos administrari non poterant sine damno, aut incommodo, &c. vt refert Roderic. p. q. 27. art. 2. Tandem pluribus

ribus Legatis de latere reperimus concessam per Breuia ordinaria Legationum dictam auctoritatem; In eis enim præcise hæc leguntur: *Vt possis concedere quibuscumque; personis Ecclesiasticis beneficia secularia, aut regularia obtinentibus, conditionem beneficiorum volentibus meliorem efficere, ut illa dare possint in emphyteusim; dummodo concessio non fiat ultra tres generationes, & fiat iuxta formam Const. Pauli II. Ambitiosa.* Nec dici potest, quod pro necessitate concessa fuerit, ut patet, Vnde locum habet ca. quod pro remedio 1. q. 7. Quantū verò ad DD. Cardinales non Legatos, pro ipsis est, quia DD. Cardinales in generali dispositione non comprehenduntur absq; expressa mentione. Barbof. in c. officij de off. Leg. n. 4. Item in cap. Ad succidendos, ex Bonif. 8. n. 4. & in prædictis Constitutionibus nominantur Episcopi, & inferiores, & Constitutio Pij v. se extendit dumtaxat ad nominatos. Addit Roderic. vbi supra, huiusmodi auctoritatem inferioribus sæpe concessam. Sed & nonnulli Doctores tenent, quod seruatis seruandis, non sit necessarius consensus Sedis Apostolicæ. Roderic. q. 36. & 42. post Nauarum tom. 2. ad Const. Pauli II. n. 2. qui subiungit: quod iuramentum de non alienando restringitur ad alienationem sine iusta causa, vel non seruata formā, quod expressius docet num. 17. Sed (ipsius pace dixerim) non aduertit, quod vacuum esset iuramentum, quod solummodo factum esset pro causa iniusta.

Dico primò. D. Cardinalis etiam non Legatus potest alienare rem parui pretij Ecclesiæ sibi commendatæ. Probatur: quia hoc fieri potest ab inferiori cum assensu Episcopi. cap. Terrulas 12. q. 2.

Dico secundò. Ad id tria copulatiuè requiruntur, scilicet, quod res sit exigui valoris, quod sit non utilis Ecclesiæ, & quod adsit necessitas alienandi. Barbof. alleg. 43. n. 50.

Dico tertio . Non fuit d. capiti derogatum per Const Paul II. neq; per Concilium Trident. Barbosa .

Dico quarto . Dictum primæ propositionis procedit in locatione rei exigui valoris ultra triennium . Aloysius Riccius decis. 115- n. 10. & resol. 98.n.4.

Dico quinto . D. Legatus de latere potest alienare bona Ecclesiæ sibi commendatæ, in ea quantitate, in qua potest concedere alteri volenti meliorare beneficium, quia potest uti privilegio, quod concedit . Licet enim quis non possit exercere actum iurisdictionis in ipsum, potest tamen uti eis, quæ authoritate iurisdictionis alijs conceduntur, tam in spiritualibus, quam in temporalibus, per D. Th. in 4. dist. 21. & Paludanum ib. & potest accipere de bonis communibus, sicut alijs dispensare, quamvis sibi non possit dare, quia item dantem, & accipientem debet esse differentia .

Quæritur quarto, quæ debent dici Terrulæ ?

Resp. Glo. in eo c. III. possunt dici Terrulæ, vel vineolæ, quæ non valent ultra viginti solidos auri, vel quæ nullius sunt valoris . Imo. eo c. n. 5. post Abb. in c. 1. de his, quæ sunt à Præl. Aloysius Riccius ubi sup. & cap. si quis 12. q. 2. Quid autem intelligatur per viginti solidos auri, non est facile videre : secundum tamen communio rem sententiam dicerem, quod intelligitur vna libra auri, & hoc intelligitur ex facultate concessa à Papa Legato dum dicitur, posse Legatum dare licentiam dandi in emphyteusim bona Ecclesiastica, dummodo annuus census non excedat summam quinque ducatorum auri .

Quæritur quinto . An si non sequatur utilitas in alienatione, quæ æstimabatur ab alienante, debeat retractari contractus alienationis ?

Resp. quod non debet retractari, ex quo legitime, & solemniter est celebratus, nisi fraus interuenerit, quæ irritet

contractū, vel irritaret: neque qui sic bona fide alienauit, culpandus est. Io. de Turrecrem. 12.q.2. sine exceptione.

No.2. Alienatio facta de licentia Legati, si non habet iuxtam causam, & licentiam, seruataq; debita forma, & solennitate, est inualida cap. 1. de rebus Eccl. non alien. in sex. Clement. 1. eo tit. solius enim Papæ licentia non requirit solennitates. Quaranta eo tit. 12. quæst. 2. Si Episcopus. De licentia Legati possunt dari in emphyteusim bona non solita ab antiquo dari, aliàs enim vanum esset priuilegium. Panorm. in c. licet de regul. & Innoc. in c. olim de verb. signif. Non potest tamen concedere, vt bona vnius Ecclesiæ dentur in Emphyteusim alteri Ecclesiæ, quia non est spes, quod reuertantur. Anchar. consil. 450. n. 4. Et Legato non permittitur dispensare, quoad emphyteusim ultra tertiam generationem. Non accedente consensu Deputatorum ad cognoscendum de alienatione legitima, nulla est licentia Legati, quoad effectum, quia in litteris legationis, à quibus hæc decerpta sunt, iubetur obseruantia Paulinæ Ambitiosæ cum clausula irritante. Non potest dare licentiam subditis Sedis Apostolicæ alienandi bona stabilia status Ecclesiæ ad forenses, & non subditos. Neque habet auctoritatem super alienatione fortalitorum, castrorum, bonorum iurisdictionalium in statu Ecclesiastico existentium Const. 72. Urbani VIII. incip. Sedes Apostolica. Ecclesiasticorum bonorum nomine, quæ regulariter alienari non possunt, comprehenduntur etiam iura; actiones, & nomina debitorum. Abb. in cap. Nulli, eo tit.

## P A R A G R A P H V S II.

*De Authoritate Legati circa ultimas voluntates .*

No. I. **N**on potest Legatus mutare ultimas voluntates Testatorum, quando potest eorum mens adimpleri: Illud enim est solius Papæ in causa rationali, & iusto motivo. Clement. quia contingit, de relig. dom. & ibi per Glo. S. Sedis Apostolicæ, quæ subdit, hoc esse addendum alijs reservatis, quæ recensentur in cap. quod translationem; Io. Ant. de potest. Principis cap. 17. n. 3. Quando autem non potest adimpleri mens testatoris, potest Legatus decernere, per Doctores in d. Clem. & id intelligitur, etiam si testator prohibeat, ne Legatus de sua dispositione se impediat, etiam appositis pœnis, &c. Panorm. in cap. tua nobis de testam. Io. Ant. de Petra cap. 17. n. 3. l. si testamentum Q. de testam.



# LIBER OCTAVVS <sup>77</sup>

De auctoritate Legati in dispensando in irregularitatibus.

## PARAGRAPHVS I.

*De auctoritate Legati circa irregularitatum ex delicto dispensationem.*

No. 1.



**P**OTEST Legatus dispensare in omnibus irregularitatibus contractis ex delictis minoribus adulterio, nam & id potest Episcopus. Potest dispensare in omnibus irregularitatibus prouenientibus ex delicto occulto, eadem dicta ratione 58. dist. de his Clericus. Delictum occultum dicitur, quod opponitur manifesto, scilicet; quod est notum per sententiam, vel per conuictionem, vel per confessionem factam iuridice metu probationis; vel quod nulla potest tergiuersatione celari. D. Antoninus 3. p. tit. 20. cap. 2. §. 3. Nauarr. cap. 27. n. 194. & 250. Item delictum dicitur occultum, quando, etsi factum fuit publicatum, culpa tamen est occulta, Nauarr. ibi n. 255. Non potest dispensare in irregularitate contracta ex hæresi, ob Bullam in Coena Domini, Cherub. Schol. 2. ad Const. 22. Clem. VII. Placuit, & in obseru. ad Conc. Trid. sess. 24. cap. 7. de reform. ex Bullar.

No. 2. An in alijs irregularitatibus possit dispensare, haud leuis est difficultas; quia irregularitas regulariter est Papæ reservata, iuxta Nauarr. Consil. 9. tum quia irregularitas est stricti iuris. No. in c. 1. de fil. presb. in sexto, & c. cum illis de præb. tum quia, cum exprimitur facultas  
tantum.



tantum in foro animæ concessa, videretur extra illum firmandare gula 25. di. Qualis.

Dicerē nihilominus, Legatū posse dispēfare in omnibus irregularitatibus, quæ nō sunt specialiter reseruatae Papæ. Neq; audiendos eos, qui asserunt irregularitatem vniuersaliter Papæ reseruata esse. Nam vt Syluest. verb. casus q. 2. n. 13. & alij cum eo obseruauerunt, papæ non nisi certæ irregularitates sūt reseruatae: quæ vero illæ sint, subdit dicens, eas esse, quæ contrahuntur criminibus maioribus adulterio; vt cum quis est confessus, vel conuictus in iudicio; ex bina baptizatiōe scienter; ex bina susceptione eiusdem ordinis; ex rechrismatione, ex susceptione ordinis ab hæreticis ad fidei subuersionem; ex ordinatione simoniaca ex parte ordinantis, & ordinati. His addit D. lo. de Turrecrem. 32. q. 7. Quid in omnibus, homicidium 33. q. 2. Si qui, incestum, peccatum contra naturam, vt ibidem; quamobrem cum aliæ non reperiuntur expresse reseruatae, Legato competere dispensationem in eis dici potest. Immo & Episcopus in pluribus irregularitatibus dispensat. Doctores eo titulo, & videndi sunt.

No. 3. Dispensatus in foro Ecclesiastico non potest accusari de eodem delicto in foro seculari, si dispensatio publicè facta fuerit, No. in cap. 2. de schism. & hodie sacra Penitentiaria in litteris, seu rescriptis apponit clausulam, *In utroque foro.*

No. 4. Non potest restituere degradatum solemniter ab ordine, sine speciali mandato 2. q. 6. Ideo; secus de deposito solum verbaliter. cap. & si Clerici, de Iudic.

## P A R A G R A P H V S I I.

*De auctoritate Legati in dispensando cum bigamis, & corpore vitiatis.*

No. 1. **P**Otest Legatus dispensare cum bigamo ad ordines minores, quia & id potest Episcopus per D. Thomam 4. sent. di. 27. q. 3. ar. 3. & etiam quantum ad ordines maiores cum eis, qui volunt seruire Deo in religione, & hoc in probabiliori sententia. Quæ à recentioribus in oppositum afferuntur ex decis. sac. Congregationis, valere intelliguntur, quando fuerit definitum, Legatum de latere non posse in dictis dispensare; quod non probatur, & præsertim si contraxerit cum virgines. D. Io. de Turrecrem. cap. quisquis Clericus 84. di. D. Petrus de Palude 4. sent. di. 27. ait, nihil inueniri de iure competens DD. Legatis, quoad dispensationem cum Bigamis, & licet habeant pleniorē potestatem Episcopis, nihilominus non sequitur, quod possint dispensare in his, in quibus non potest Episcopus, sed solummodo, quod possit in sua prouincia, quod Episcopus in sua Diocesi, & hanc sententiam sequuntur Syluester verb. Bigamus q. 6. Tabien. ibi q. 7. Dominicus Soto 4. sent. di. 27. art. ultimo. Petrus Iedema in tractatu de magno Sacramento Matrimonij ad eandem quæst. dubit. ultima dicit, quod solus Papa, cum bigamo ad sacros ordines dispensat; Verum, tamen cum Eminentissimo Cardinali de Turrecremat. (ex eodem Prædicatorum ordine, ex quo omnes alij recensiti fuerunt) 74. di. cap. Lector, pono conclusionem.

Legatus potest cum bigamo dispensare ad Subdiaconatum in necessitate, & casu paucitatis ministrorum. Hanc ipse

ipse colligit ex d. cap. Nec valet (inquit ipse) quod dicunt aliqui, hoc esse abrogatum, ex eo, quod tunc temporis Subdiaconatus non erat ordo sacer. De seru. non ordin. Miramur; quod enim non mutatur, stare non prohibetur C. de testam. l. Sancimus; Non inuenitur autem prohibitum in eo dispensare in casu. Nec valet dictum aliorum, quod dispensatio illa est Papæ, non Episcopi, quia illud est statutum iuris; Vnde secundum hoc, ad minores sine alia dispensatione promoucri possunt; & ideo cum pariter permittat bigamos ordinari ad minores sine necessitate, & ad Subdiaconatum; ad maiores non licebit sine licentia Episcopi, pari ratione; sed cum licentia fieri potest. Cum bigamo intrante religionem non dispensat Legatus ad Sacerdotium, & Diaconatum, quando est bigamia verè, & propriè dicta, vel in vno marito corruptæ. Potest dispensare in bigamia, quando est occulta, quod intelligitur sic, quod factum sit de natura sua occultum, vt cum quis cognoscit uxorem suam adulteratam; Nam licet publicum, & occultum nihil faciant ad bigamiam, faciunt tamen ad dispensationem. Non potest dispensare, si esset factum, vel causa bigamiæ occulta: per accidens, puta matrimonium clandestinum, quod debuit esse manifestum. Cætera extende ab Episcopis ad Legatos adducta à d. D. Cardinali.

No. 2. Potest Legatus dispensare cum corpore vitiatum ad ordinum susceptionem, & executionem: Ex vi litterarum. Non tamen si sit enormis defectus, & generans scandalum, vel impediens ordinis executionem 13. di. Per totum, Syluest. verb. casu q. 2. n. 16. nisi habeat mandatum speciale,

# LIBER NONVS

De auctoritate Legati circa Ecclesiasticas  
cenſuras.

*Ampliſſima redditur materia hac ob innumeras cenſuras, quæ in Canone, in Clementinis, in Extrauagantibus, in Conſtitutionibus, in Bulla Cane, aliſq. recensentur, quas ne operoſum quidem, ſed impoſſibile eſſet attingere: propterea de præcipuis aliquid dicetur, & primum quidem in communi.*

## PARAGRAPHVS I.

*De auctoritate Legati de latere circa cenſuras  
in communi.*

No. 11



**LEGATVS** de latere abſoluit à qualibet iuris excommunicatione non reſeruata, Pontifici ſummo, quia & id poteſt Epiſcopus. cap. 1. de maior. & obed. & c. ſciant cuncti de elect. in ſex. Felin. cap. ad Eminentiam de exc. Reſeruata papæ dicuntur, in quibus appoſita eſt dictio aliqua excluſiua, puta ſoli Pontifici, dumtaxat, tantum, & huiusmodi: ſi enim aliqua harum, vel ſimilis fuerit appoſita: iam per eam excluditur Legatus etiam de latere, niſi fiat exceptio expreſſa, quia nunquam nomine Papæ venit Legatus cap. ſi gratioſe de reſcript. in ſex, & præſertim extantibus dictionibus excluſiuis. Vnde facultas abſoluendi ab alijs non eſt extendenda ad reſeruata Papæ, quia in exorbitantibus non fit extenſio de vno ad alium, etiam propter maioritatem

tationis, cap. quod translationem, Syluest. verb. Delegatus q. 12. An possit absolvere à reseruatis Sedi Apostolicæ, dubitant Doctores. Nihilominus est aliquorum sententia, appellatione Sedis Apostolicæ venire Legatū. No. Gemin. cap. Si Abbatum de elect. in sex. & ibi Archid. & in Concil. octoginta Episcoporum Romano primo sub Siricio. Et fortasse potest absolvere à reseruatis Sedi Apostolicæ cum aliqua clausularum excludentium, quia per dicta, dictio exclusiua solos Prælatos excluderet, qui non veniunt nomine Sedis Apostolicæ. Potest absolvere ab excommunicatione lata ab inferiori, etiam si confirmata à Papa, sine tamen causæ cognitione, & sine certa scientia, Syluester verb. Absolutio primo, quia confirmatio ex certa scientia, &c. operaretur reseruatio. nem Papæ. Habens priuilegium, vt non possit excommunicari à quocumq; non eximitur à Legato. cap. Ne aliqui de priuileg. in sex. & cap. Veniens de verb. signif. ib. Non potest absolvere excommunicatum à D. Papa viua voce. Neq; à sibi concessis in præsentia papæ. Syluest. verb. Absolutio 1. Non potest absolvere eum, quem cum in prouincia existeret, excommunicauit cum causæ cognitione. Innoc. in cap. Nouit. de off. leg. quia huiusmodi absolutio requirit iurisdictionem. Non potest absolvere excommunicatum à Legato Papæ. Specul. tit. delegat. Nunc ostendendum. Neque eum, qui per annum in excommunicatione perdurauit, quia hæresim sapit: Ita in litteris, & per Conc. Trid. sess. 25. c. 3. quod debet intelligi de denunciato. Absoluit ab excommunicatione ab homine ex eius defectu, vel negligentia. Syluest. verb. excommunicatio 8. q. 1. & summissæ. Id intelligitur etiam præter, & extra casum deuolutionis ad Legatum, per querimoniam, vel appellationem.

PARAGRAPHVS II.

*De Auctoritate Legati de latere circa absolutionem excommunicationis ex percussione Clerici.*

No. 1. **L**egatus de latere potest absolvere eum, qui ob percussione Clerici incidit in Can. Si quis suadente. cap. excommunicatus de off. leg. Absolvit etiam si percussio sit enormis. cap. ad Eminentiam de sent. excomm. 10. Andr. Archid. de off. leg. in sex. cap. 1. Absolvit etiam si mutilaverit, vel occiderit. Panorm. d. c. Ad eminentiam, quia iura excipientia enormem injuriam loquuntur de inferioribus Legato Sylvest. verb. Delegatus q. 12. Potest absolvere, & subditos suæ Provinciæ, & alios vndecumque venientes, ita in litteris, & in hoc est maior cæteris Legatis, qui absolvunt tantum subditos suæ provinciæ. c. excommunicationis. Potest prædictos absolvere extra provinciam eundo, & redeundo, cap. quod translationem de off. leg. & statim acgressus est Urbem, quousque reuersus fuerit, licet iurisdictionem nō habeat, nisi in provincia sibi destinata. Glo. in cap. Ad eminentiam, Paulus Burgasius de irregul. p. 3. de dispensatione Legatorum. Ad huiusmodi absolutionem non eget speciali facultate, & mandato cap. ea noscitur de sent. excommunic. Glo. in c. quod translationem, & ibi Panorm. num. 2.



## P A R A G R A P H V S III.

*De Authoritate Legati de latere absoluendi à nonnullis censuris, & in certis casibus.*

Et quæritur primò, Num D. Legatus possit absolvere, & reconciliare hæreticum occultum.

**S**uppono, nomine heretici occulti eum venire, qui quamvis in patria sua sit notus, & inter hæreticos natus, & versatus, in terris tamen Catholicis, in quibus degit, aut Catholicus communiter censetur, aut hæreticus ignoratur. Nam ut post alios observat Duardus in explicatione Bullæ in Cœna Domini, & singulariter de censur. p. 2. delictum in loco distanti publicum, si non sit spes, ut ad alium deferatur, dicitur occultum in eo loco, in quo dispensatio fit aut absolutio lib. 3. S. 2. q. 11. n. 16. & per D. 10. de Turrecrem. 2. q. 4. Consultuisti n. 10. & 11.

Suppono secundo, quod absolvere hæreticum, cum sit actus iurisdictionis; dupliciter præstari potest: aut scilicet per veram formam iudicij, & causæ discussionem aut per simplicem receptionem sponte de locis infidelium venientis ad fidem: sicut & aliud est baptizare ex officio infidelē venientem ad fidem, & aliud baptizare eundem in articulo mortis constitutum; Illius enim minister est solus Sacerdos, huius verò quilibet alius (et si inter hæc non sit omnimoda paritas) Licet ergo authoritas reconciliandi hæreticos penes Inquisitores, & Ordinarios resideat, si in primo modo loquamur, tamen circa secundum modum reconciliationis remanet dubitatio. Pro quo sciendum, quod plura videntur D. Legatum ab huiusmodi fun.



functione repellere . Primum, quia cum hæresis recensetur in cap. Bullæ Cœnæ, & facultas D. Legati absol- uendi ab excommunicatione non extendatur ad con- tenta in dicta Bulla, sequitur, vt hæc Legato non com- petat, quin, & in eadem cæteris à Romano Pontifice hæreticorum absolutio interdicitur per clausulam, *neque per alios* . Secundo obstat, quia Doctores, vt plurimum censent facultatem per Concil. Tridentinum sess. 24. de reform. cap. 6. collatam Episcopis absoluedi ab hæresi in foro animæ, per litteras Bullæ esse sublatam, vt Bar- bos. allegat 50. n. 55. vbi plures citat . His tamen non obstantibus ,

Dicerem primo . D. Cardinalis de latere Legatus po- test reconciliare hæreticum dicto modo occultum spontè venientem ad fidem . probatur: huiusmodi facultas non est adempta Episcopo: ergo conuenit Legato de latere antecessens probatur, in quo est difficultas . Quando- cumque Põtiffes post Concil. Trid. alicui eiusdem Con- cilij decreto derogare intendunt, de eo habent specia- lem mentionem, vt patet inductiue in pluribus Consti- tutionibus, in quibus post recensita in generali Concilia, specialiter exprimitur Concilium Tridentinum, Vnde vsus obtinuit, vt nullam hoc Concilium patiat deroga- tionem, vbi non specialiter nominatur . At pontifex in reseruatione absolutionis à censuris contentis in Bulla Cœnæ, nullam de Decreto Trid. Concilij mentionem habet: ergo non intendit ei derogare .

Probatur secundo . In litteris Bullæ aufertur facultas quibuscumque personis, vt possit absolui ab alio præter Rom. pontificem, sub prætextu quarumcumque faculta- tum, seu priuilegorum, vt verba ipsa demonstrant : Vnde non aufertur potestas Episcopis absoluedi non præ- textu priuilegij, vel facultatis .

Nec contra nos facit, quod absoluendus, & absolueus sint correlatiui. Non enim quilibet absoluendus comprehenditur in litteris, sed solum qui prætextu indulti specialis, &c.

Probatur tertio, & fortius. Nam plures Episcopi, immo, & omnes fere extra Italiam hoc vtuntur indulto Concilij Tridentini: ergo dicendum, quod dicta facultas sit eis minimè adempta.

Nec sufficit dicere, quod hoc faciunt in casu necessitatis, & difficultatis recursus, &c. quandoquidem passim absoluunt, vt notat Alter. explic. Bullæ §. Episcopo.

Probatur quarto. Nam in Bulla non interdicitur absolutio ab hæresi occulta, sed ab hæresi absolute; vnde debet intelligi hæreticus is, qui talis manifeste est, & vt talis ab Ecclesia dignoscitur; cum simus in pœnalibus.

Dico secundo. Licet Episcopis esset adempta facultas iam dicta, nihilominus non censeretur ablata Legatis de latere, quia is non venit nomine Episcopi, aut isto maioris in odiosis, vt supra dictum est. Item probò, quia ex eo, quod in litteris Bullæ adimitur autoritas Prælati, & Confessarijs quibuscumque sub prætextu, &c. videtur magis firmata in Legatis iuxta regul. iur. & per Glo. in extrau. Inter, de verb. signif. Probo tertio: quia præsumptibus absoluere pœna excommunicationis infligitur in eadem Bulla excomm. 21. Sed neq; Cardinalis, neque Legatus à latere subiacent sententiæ excommunicationis, vbi de eis non fit mentio expressa: ergo potest absoluere, vt formentur ratio. Illis interdicitur absoluere, quibus imponitur pœna si absoluant: sed D. Legato de latere non imponitur pœna si absoluat: ergo Legatus non interdicitur absoluere. Ma. patet, quia prohibitio, & infliccio pœnæ est vnus tantum actus prohibitionis sub pœna, &c. Probo quarto: Quia regula generalis est, vt in quibuscumque;

cumq; reſeruatis, quando non patet aditus ad Romanum Pontificem, aut Legatum, poteſt pœnitens abſolui à quolibet Sacerdote cum conditione, vt ſe præſentet : ergo in grauioribus Legatus poteſt abſolvere .

Dico tertio. In caſu, quo hæreticus occultus nollet reuelari, & impediretur ex hac cauſa eius cõuerſio, vel nimis retardaretur , Dominus Legatus poteſt eum abſolvere, & reconciliare, & deberet.

Probatũ: quia etiamſi non liceret aliàs Legato id facere, attamen in neceſſitate licitum eſſet, & debitum. Reg. 124. & confirmatur: quia neceſſitas corporis facit licitum, quod aliàs in Lege licitum non eſt : ergo magis neceſſitas animæ. Glo. extr. execrabilis de præb.

Probatũ ſecundo : Ea quæ ſunt iuris Diuini , licitè prætermittuntur ob ſalutem corporis: ergo magis, quæ ſunt iuris poſitiui, ob ſalutem animæ : antecedens probatur, quia Machabæi pugnabant ad deſenſionem in die Sabbathi 23. q. vltima Si nullus.

Ad primum, in oppoſitum dicitur, quod, etſi Legato non competat abſolvere à caſibus in Bulla Cene indiftinctè, non inconuenit, quod in caſu poſſit, ſicut & Epiſcopus per Concilium; Neque hoc eſſet uſurpare authoritatem, ſed agere in fauorem animæ, & fidei.

Ad ſecundum dicitur, quod excluſione illa excipiuntur præſumentes abſolui prætextu priuilegij ſpecialis .

Ad tertium dicitur, falſum eſſe, quod per dictas litteras derogetur Concilio, ratione iam dicta .

Neque vrgeas hoc eſſe munus Inquiſitorum, in Clem. Nolentes de hæreſi . Non enim inconuenit vnum tale contingere alicui generaliter ex officio, alteri in particulari ob eminentiam dignitatis. c. Niſi ſpeciali, de off. leg. Inſuper delegatio generalis ad cauſas fidei obuiat, ne Legatus ſe immiſceat in cauſis vertentibus coram Inquiſitore.

tore, at non obstat quò minus succurrat in casu nostro, & in talibus circumstantijs. Si addatur stylus curiæ in oppositum; dicitur quod consuetudo potius est facti, quia Iquisitores sunt specialiter Iudices, ad eos regulariter spectant, & deferuntur causæ fidei, eosque nequit Legatus impedire &c.

Quod aliqui ex Doctoribus hoc minimè approbent in D. Legato, ex regula illa, quod iure permittitur non semper tutum est: Non video quare trepident in his præcipue, quæ merè sunt iuris positiui, & vbi iusta ratio suadet non possibile solum, sed necessarium omnino, & debitum. Tandem in cap. Ea noscitur, de sent. excomm. definitum est, vt absolutus propter impedimentum ab inferiori Prælato à sententia excommunicationis Papæ reseruata, impedimento cessante, teneatur se præsentare coram Papa, *vel Legato*, si id fieri potest: ex quo deduco, quod Legatus veluti maiori præditus potestate, in huiusmodi potuerit *absoluere ab initio*.

Neque obstat limitatio in litteris Legationis, videlicet, quod possit absoluere à quibuscumque pœnis, & censuris in vniuersali, & regulariter, non autem excludit casum nostrum, & consimiles vrgentes.

Queritur secundo. An D. Legatus de latere possit absoluere à censuris Bullæ in Cœna Domini.

Dico primo. Legatus de latere potest absoluere à censuris contentis in Bulla Cœnæ constitutos in mortis articulo: patet. Nam hæc facultas absoluendi in mortis articulo conceditur omnibus, & singulis sacerdotibus per verba eiusdem Bullæ excipientis constitutos in mortis articulo: ergo & Legatus poterit, &c.

Dico secundo. Potestas absoluendi constitutos in mortis articulo cõpetit Sacerdoti iure Diuino. Palud. in 4. sent. di. 20. q. 1. ar. 2. 10. Capreolus di. 19. ad quartum contra tertiam conclusionem.

Non

Non tamen inde sequitur, quod presente Legato, aut Episcopò in tali casu simplex Sacerdos possit absolvere. Nam iuxta D. Tho. doctrinam in 4. sent. loquentis in consimili casu de Baptismo, ubi plures reperiuntur, minor debet cedere maiori, ne quod ad animarum salutem Diuino creditur institutum iure, in præiudicium, aut contemptum transeat Prelatorum. Sed petes, quid dicendum, si minor presente maiori absolueret?

Dico, quod valeret absolutio, licet peccaret absolvens.

Dico tertio. Prohibitio absoluedi in articulo mortis esset intolerabilis error; hæc sequitur ex præmissa, eamq; docet D. Soto in 4. sent. di. 18. q. 4. ar. 4.

Dico quarto. Non minus certum est, D. Legatum posse ab eisdem censuris absolvere impedimento legitimo detentis, ne possint recurrere ad Summum Pontificem; Nam & id possunt Episcopi. syluester verb. Absolutio 4. num. 7. Nauarr. Manual. c. 27. n. 89. Ratio est, quia Sac. Congregatio DD. Cardinalium decreto formato ann. 1607. declarauit facultatem absoluedi ab huiusmodi censuris ablatam censerī omnibus Sacerdotibus secularibus, & regularibus, & non loquitur de Legatis.

Dico quinto. Sic absoluti à D. Legato, cessante impedimento, non tenentur se præsentare Summo Pontifici; Nam vt dictum est cap. Ea noscitur: Tales absoluti ab inferioribus, cessante impedimento, tenentur se præsentare Pape, aut Legato: ergo, & Legatus extra impedimentum potest absolvere, & absoluti ab eo non tenentur se alteri præsentare.

Queritur tertio. An possit absolvere Confessarios absoluentes ab excommunicationibus contentis in Bulla Cœnæ Domini.

Dico, quod potest. probatur, quia excommunicatio contra confessarios absoluentes à censuris Bullæ

predictę non est reseruata: ergo potest. antecedens probatur tum ex verbis d. Bullę, in quibus nulla habetur reseruatıo. Tum quia D. Papa post omnes Canones eiusdę Bullę comprehendēs eos omnes, excommunicationem transgressoribus imponit, eamq; sibi reseruatur; Huic vero, qua ligantur confessarij absoluentes, nullam reseruatiōem apponit.

Queritur quarto. An D. Legatus possit absolvere à censura ob Monomachiam.

Dico, quod de iure communi non potest absolvere inuitantes ad duellum, prouocantes, auxilium, consilium, vel fauorem dantes, adstantes, interessentes, de illis se intromittentes, etiam si nec pugna aliqua, nec certamen, nec effectus, nec accessus, aut actus ad pugnam, proximus, nec expressa, aut aperta prouocatio fuerit subsecuta, nec manifeste in publicum prodierint, aut cuiquam intimatae fuerint, si per eos non steterit, quominus denuntiatio, aut publicatio fieret: neq; etiam priuatim huiusmodi certamen ineuntes, adiuuantes, arma, & equos præbentes. Nam & Pius IV. & Clemens VIII. Const. incip. Illius vices, huiusmodi absolutionem soli Pontifici reseruauerunt.

Dico secundo. Nomine duelli in dd. Constitutionibus intelligitur duellum cruentum sine tendens ad sanguinis effusionem, quantum sit de se; aliter enim non est prohibitum sub censura. D. lo. de Turrecrem. 2. q. 4. Monomachiam n. 10. Exceptiones huius casus vide apud Doctores.

Queritur quinto. An D. Legatus virtute facultatis absolueri à censuris Canonis, si quis suadente, possit absolvere percutientes DD. Cardinales?

Dico primo, quod non potest: nā huiusmodi absolutionem Pontifex sibi reseruauit. c. felix, de panis in sexto; excepto mortis articulo.

Qua.



Quæritur sexto. An possit absolvere extrahentes frumenta, bladas, animalia, &c. è terris status Ecclesiastici.

Dico primo. Poteſt tales absolvere, quia Constitutio Gregorij XIII. nullam ponit reservationem specialem, nec Constitutionem aliorum.

Dico secundo. Huiusmodi absolutio solet impendi cum clausula, vt satisfiat Camera, &c.

Dico tertio. Non poteſt de iure absolvere ab excommunicatione exules, & alios in Italia commorantes, qui animalia, & alia bona in statu Ecclesiastico diripiunt, abducunt, furto subtrahunt, nec non ab eis ementes, recipientes, permutantes, aut quovis colore, seu prætextu retinentes; quia reservata soli Pontifici Greg. XI I. Const. 98. Non sine.

Quæritur septimo. An de iure D. Cardinalis Legatus possit concedere facultatem extrahendi frumenta ex locis Ecclesiæ immediatè subiectis, vt asportentur ad loca eidem Ecclesiæ mediatè subiecta.

Dicunt aliqui D. Legatum id posse, salva tamen conditione, vt non inducatur ex tali extractione inopia loco, & terris, à quibus extrahuntur; Probant, quia cessante fine Constitutionis, cessat Constitutio ipsa ex Navarr. t. 4. Henricus post Abb. in cap. quia in multis, de regular. Angelic. verb. Lex n. 14. & alij apud Dianam p. 1. tract. 6. de paupert. religiosorum resol. 33. Et cum finis Summorum Pontificum prohibentium extractiones frumentorum, sit conservatio annonæ, & abundantia Civitatum, sequitur, vt, hoc cessante, cesset & Bulla, & non obliget.

Sed hoc haud satisfacere videtur. Tum quia deficientia legis in particulari, non sufficit ad excusandum agentem contra legem, vt cum communi sententia docet Magister Dominicus Soto de iust. & iur. lib. 1. q. 6.



ar.8. Tum quia abundantia annonæ, & subditorum non est verè finis constitutionum contra extrahentes, sed potius causa impulsiva editionis earum: cessante autem impulsiva, non cessat lex, ut per plures textus probat Syluester verb.causa q.4.

Neq; quod ex d.cap.Insulis assertur, ut fundamentum, valet ad hoc, quandoquidem ibi sit specialis Constitutio pro loco particulari, & peculiari motivo, & in cæteris habetur iuris determinatio, seu dispositio 20. q. 1. c. 1. & q. 2. si in qualibet, & cap. puella His addendum censeo, quod quando apparet de mente Legislatoris, est ei standum, etiam contra proprium verborum significatum, quia verba deferuiunt intentioni, & non è contra, ut in l. cum pater §. Dulcissimus ff. de leg. 2. l. Non dubium C. de leg. Vnde cum appareat, mentem Pontificum statuentium contra extrahentes, solum respexisse beneficiũ, & commodum subditorum, non autem intendisse aliorum calamitatem: Hinc sequitur, quod in casu, quo Civitas quoquomodo Papæ subiecta egeat frumento, ac bladis, possit Legatus permittere asportationem ad illius leuamen, salva semper indemnitate loci, à quo asportanda sunt.

Addo secundo: quod ex intellectu legis non debet sequi aliquod absurdum; hoc autem esset, si Constitutiones prædictæ venirent intelligendæ in odium alterius, quæ in fauorem aliquorum editæ sunt 4. di. Erit autem, No. Bar. in l. Omnes populi ff. de iust. & iur.

Addo tertio: quod lex potest interpretari per similia, ut in l. Non possunt ff. de leg. & Doctores passim; Habemus autem, quod ex dd. Constitutionibus potest quispiã extrahere tantum frumenti, quantum sibi sufficit pro illo anno. pij IV. Const & Greg. XV. incip. Romani Pontificis ex hoc formo inductionem; Hic & ille, &c. potest pro  
anno

anno sibi providere: ergo plures id facere possunt, quia non est maior ratio de centum, quam de decem, sed eadem prorsus in omnibus, supposita egestate. Habemus item ex Const. Urbani VIII. quod ratione mercimonij possunt asportari frumenta ad loca Principum confinatum: ergo magis ad statum Ecclesiæ subiectum, licet mediatè.

Habemus tandem, quod cæteri Pontifices voluerunt prohibere extractionem frumenti ad meram mercaturā, & auaritiam, & ad arcendam penuriam subditorum: hoc ergo casu secluso poterit permitti extractio:

Neq; obstat quod paulus V. sua Const. aufert etiam Legatis delatere auctoritatem eam interpretandi, iudicandi, &c. Hoc enim intelligendum est iuxta prædicta, nimirum circa eos, qui mercaturæ, & lucri causa exportare præsumunt. His namque censendum est, neque D. Legatum posse huiusmodi facultatem impertiri; non tamen ex eo prohibetur, posse concedere pro subditorum subuentione, etiamsi inde aliquod sequatur lucrum; respiciendum est enim ad id, quod est per se. Vnde Greg. XV. in sua Constit. ait. *Qui ex necessitate tantum ex locis status prædicti immediatè subiecti ad loca status mediate subiecti extra statum nostrum Ecclesiasticum extraxerint, & asportauerint, dummodo omnis dolus, & fraus absit, ac mercatura; excommunicationis pœnas, ac censuras Ecclesiasticas non incurrant.*

Demum non obstat, quod sic extrahentes, per dd. Cōstitutiones, & præcipuè Pauli V. egeant Chirographo Papæ: quia id intelligitur, quoad asportationem extra statum Ecclesiasticum, & ratione mercimonij, & lucris quia immo cum Religiosis, & mendicantibus indulgeatur, ut frumenta in eleemosynam accepta possint aspor-

sportare pro victu communi, nescio videre, quare Legatus ex consimili causa nequeat facultatem concedere ad necessariam subuentionem locorum mediâtê subditorum, dum egeant.

## P A R A G R A P H V S IV.

### *De authoritate Legati de latere circa Interdictum.*

NO. I. **P**Otest D. Legatus dispensare cum personis vtriusque sexus tam sæcularibus, quam Ecclesiasticis, vt tempore interdicti faciant celebrari in locis interdictis. Non habet id de iure, sed de consuetudine, & solitis concedi, vt patet in litteris sæpe citatis. Quæ autem solita sunt concedi, etiamsi non expressè committantur, pro concessis habentur, Abb. in c. Nisi specialis de off. leg. n. 3. Hæc tamen potest solum intra fines suæ legationis, licet gaudere possint beneficio vndecumque declinantes ad loca ipsa. Tempore celebrationis debent claudi ianuz loci, in quo celebratur, nec possunt pulsari campanæ; debent excludi excommunicati, & hi qui dederint causam interdicto, vel quos specialiter afficit. Potest relaxare interdictum, cuius sententia est à iure, & cuius conditor non reseruauit relaxationem. Si quando D. Papa, posito interdicto, reseruauit sibi absolutionem ab excommunicatione, poterit Legatus dispensare super interdicto, quia de duobus suppositis vno reseruato, aliud censetur concessum. Glo. in c. 1. Clem. de Hæreticis.

NO. I. Potest Legatus interdicere quoslibet de sua legatione sibi contradicentes, etiam Episcopos, etiamsi in litteris non sit expressa clausula consueta, scilicet, *Contradictores* per censuram Ecclesiasticam compescendo, quia

quia censetur pro apposita, per Abb. in cap. Nisi specialis & cap. de causis, de off. leg. Syluester verb. Interdictum n. 3. Non debet relaxare sententiam interdicti rationaliter latam absque congrua satisfactione, & conscientia Episcopi, qui tulit eam; de off. ordinarij, cum Ecclesiarum. Si vero non sit rationaliter lata, poterit Legatus, etiam renuente Episcopo, eam relaxare, si ad eum recurratur per querimoniam; de sent. excommunic. cum medicinalis in sex. Qualitas, vel iustitia causæ de facili comprehendere potest ex sententiæ tenore, tenetur enim ferens sententiam interdicti assignare causam, exemplumque sententiæ ad instantiam partis infra mensem tradere: quod si recuset, permanet suspensus ab ingressu Ecclesiæ, & celebrans fit irregularis, & absoluitur à solo Papa d. cap. cum medicinalis.

*Quaritur. Num D. Legatus possit reconciliare Ecclesiam pollutam ob sanguinis effusionem.*

Suppono, DD. Cardinales nonnulla ratione dignitatis obtinere, quæ Episcopo asseruntur conuenire ratione ordinationis; ut est, uti Pontificalibus in Ecclesijs suorum titularum (ut diffusius dixi in tractatu de dignitate, & privilegijs DD. Cardinalium) Item tangere baptizatos in fronte sacro chrismate 95. di. Hinc formetur ratio: D. Legato competunt maiora, scilicet, usus Pontificalium, tangere sacro Chrismate; ergo & minus in eodem genere (hoc dixi ad euitandas cauillationes) cuiusmodi est reconciliare Ecclesiam. Illa enim videntur incommunicabiliter Episcopo conuenire, ita ut nemini valeat demandare, & institutione Diuina ea sortitur: ergo & D. Legatus hoc potest: per regulam Philosophicam de maiori ad minus; vnde Dico: D. Legatus potest Ecclesiam

consecratam, & postea effusione sanguinis pollutam reconciliare. Probatur. Quantumcumque Sacerdos simplex non possit reconciliare Ecclesiam, si tamen reconciliet, valida est reconciliatio: ergo multo magis Legatus; antecedens habetur cap. Aqua, De consecr. ubi Papa tolerat reconciliationes huiusmodi à Sacerdotibus factas: si namque à principio non subsistissent, non potuissent confirmari, ut de reg. iur. sicut ordinatus à non habente auctoritatem debet iterum ordinari 68. di. Presbyter. Probatur secundo: Prælati mendicantium possunt Ecclesias suas pollutas, nolentibus, vel negligentibus Episcopis, reconciliare: ergo, potius Legatus. Antecedens, ostendunt Rodriques, Peirinus, ac alij de. regul. priuil.

Nec officit, quod isti id habeant ex priuilegio; Tū quia sunt inferiores Episcopo: tum quia ab his, quæ communiter conceduntur inferioribus, non debet excludi Legatus de latere, qui est Vicarius Papæ in omnibus non specialiter reseruatis Videatur Armilla verb. consecratio in fin. Rodriques lib. 9. cap. 27. n. 6.

## PARAGRAPHVS V.

*De auctoritate Legati de latere circa suspensiones.*

No. 1. **P**otest Legatus absoluere à suspensione positam à Iure Dummodo Conditor Canonis eam sibi, aut Papæ non reseruauerit: cap. Nuper de sent. excomm. De suspensione ab homine dicendum est, sicut de excommunicatione, & interdicto. Non tamen sequitur, ut Legatus possit dispensare in irregularitate, quam suspensus celebrando contraxit. De sent. excommunic. cum Medicinalis in sex. Non potest relaxare  
su-

suspensionem Clericis, aut regularibus, qui ob exhibita hæreticis Sacramenta sunt priuati, seu suspensi ab officio ab Ordinarijs, quia reservatur soli Papæ, cap. excommunicamus de hæretic. Neque eis, qui dederint hæreticis sepulturam, aut scienter ab hæreticis eleemosynam acceperint: quod intelligitur de hæreticis denunciatis, & manifestis. Appellatio facta ab inferiori ad Legatum suspendit suspensionem sequentem, si appelletur ex causa iusta, cap. cū hoc, de appell. Si appellet quis ex causa frivola, & pronuntietur, appellationem non tenere, suspensus celebrans fit irregularis. c. Pastoralis de appell. Appellatio sequens ad sententiam suspensionis, iuxta veriore intellectum, tollit suspensionem à beneficio, non autem à spiritualibus, cuiusmodi est celebrare, ingressus Ecclesiæ, &c. Io. Andr. cap. Is cui de sent. excomm. & Sylvester eo tit.

No. 2. Quomodo sit interpretanda suspensio iuris, & ab homine, quoad poenas incurrendas, consule Summistas eo tit. & de sent. excomm. & cap. Ante, de re iud. & in cap. Is cui, & alias sæpius; & discas, quando quis suspensus incurrit Irregularitatem: quod valde necessarium est, ut sciatur, in quibus D. Legatus habeat potestatem.

No. 3. Suspensio ab eo, quod non spectat ad actum alicuius ordinis, non inducit irregularitatem. cap. i. de sent. excomm. in sex. Suspensio vero ab eo, quod est ordinis, ut à celebrare, ab officio ab ordine, &c. inducit irregularitatem in contrahente. Suspensus à Pontificalibus solum, potest exercere iurisdictionalia, & celebrando in pontificalibus non fit irregularis, quia Pontificalia non sunt de substantia celebrationis, & Pontificatus non est ordo vniuocum cum alijs. Suspensio à Sacramentorum suspensione, non inducit irregularitatem, quia participatio



non est ordinis . c. si celebrat de Cler. excomm. Suspendus à Sacramentorum collatione, si conferat non ex ordine, non fit irregularis. Hostien. cap. 1. de sent. excomm. Suspendus ab ordine inferiori intelligitur suspendus etiam à superiori, non è contra. cap. significauit de corp. vitiat. Suspendio à beneficio intelligitur solum de fructibus beneficii, non de cæteris administrationibus. Suspendus ab officio est suspendus ab ordine, & iurisdictione, nam quicquid habet electus est officij, præter beneficium. cap. cum dilectus, de consuetud. Si suspendio à iure, vel ab homine feratur cum conditione, donec satis fecerit, facta satisfactione, relaxatur ipso facto; si verò imponitur simpliciter, eget absolutione, Syluester eo tit. q. 8. Absolutio, seu relaxatio suspensionis non habet formam determinatam, sed quibuscumque verbis vtatur absoluens, verè absoluit, dummodo intendat absolvere: communis tamen modus absoluendi est, *Ego te absoluo à vinculo suspensionis, quam incurristi, & restituo te executioni ordinum, vel officiorum tuorum, &c.*

No. 4. Absolutiones, seu dispensationes non debent à Legato impendi ijs qui in delictis perseverant, sed solum se corrigentibus, & cauentibus.

Quæritur. An D. Legatus possit degradare Clericum?

Præmittendum est duplicem esse degradationem: quædam est depositio ab ordine, & gradibus Ecclesiasticis, quædam verò à beneficio, vel etiam officio non concernente ordinem, aut in eo fundato.

Dico primò. D. Legatus potest Clericū deponere à beneficio, & officio, modo dicto. Prob. quia deponere ab his est iurisdictionis, & Legatus est Ordinarius in prouincia.

Dico secundo. Clerico deposito à beneficio debet Legatus prouidere, vt ei alimenta de fructibus beneficii præstentur, si non habeat, vnde viuat. Garcia p. 7. c. 3. n. 99. post plures.

Di.



Dico tertio. D. Legatus non potest degradare Clericum ab ordine, quia degradare ab ordine est ordinis: cap.transmissa de elect. & ibi per Glo. cap. Nosti, eo tit. & cap. i. de translation. Prælat.

Dico quarto. Non est omnino improbabilis opinio, quod Legatus non Episcopus possit degradare ab ordine; probatur, quia conferre est actus positivus, degradatio verò est negativus, & non requiritur tanta potestas ad priuandum, quanta ad conferendum. Secundo, quia in ordinatione verè confertur ordo, in degradatione non aufertur ordo, sed exercitium:



## LIBER DECIMVS

De potestate Legati de latere, quoad collationem beneficiorum.

*Licet ob multitudinem reservationum, & pluralitatem privilegiorum, parum potestatis in exercitio remaneat Legatis attamen quia hoc extrinsecè, aut per accidens se habet; & quid de iure sit dicendum: ideo etiam hanc materiam propono tractandam, ut nihil proposito desit, & prærogatiua Legatorum de latere appareant.*

## PARAGRAPHVS I.

*De potestate Legati in conferendis beneficijs.*

**S**OLVS Legatus de Latere potest beneficia conferre, non autem alij Legati, quantumcumque plenam habeant Legationem. Innoc. c. officij de off. leg. Vnde hoc habet ob prærogatiuam honoris supra cæteros Legatos. Hinc sequitur quod huiusmodi facultas competit Legatis à latere iure ordinario Legationis, non in genere, sed in specie, hoc est talis Legationis. Garcia: p. 5. cap. 3. n. 4. Nec placet dictum Cherub. Schol. 1. ad Const. 16. Pauli Tertij, quod hæc facultas dicatur ordinaria improprie; sed benè dicitur superinducta, ut optimè Garcia ibi n. 9. arguens Gonzales, qui improprie Ordinarios dixerat Legatos. Specul. S. Nunc tractemus de legato. Prouisio Legati potest dici prouisio Sedis Apostolicæ per Glo in c. si Abbatum de elect. in sex. quæ in hoc sensu intelligitur, quod Legatus in sua Prouincia gerit

gerit vices Sedis Apostolicæ in non reservatis, & dicitur providere vt ordinarius. Garcia ib. n. 10.

No. 2. Legatus in sua provincia in collatione beneficiorum concurrit, sicut papa, cum quolibet Ordinario, & inter eos est locus præventioni: Abb. in c. 1. de off. leg. & cap. si à Sede Apostolica de præb. in sex. & hoc intelligitur etiam in mensibus Ordinarij. Garcia p. 5. c. 3. n. 40. Vna Assisien. 1587. coram Domino Orano. Si non appareat prioritas collationis, potior conditio est possidentis; & si nullus possideat, præferendus est, cui dignior contulerit. Bonifac. VIII. de præb. & dign. c. si à Sede. Potest conferre beneficia spectantia ad collationem exemptorum. No in d. c. si Abbatum de elect. in sex. & cap. De authoritate, de priuil. in sexto. Potest conferre Canonicius Ecclesiæ Cathedralis. Abb. in cap. de præb. Item beneficia, quorum collatio, ex negligentia deuoluta est ad Sedem Apostolicam. cap. Venerabilis de præb. Clem. si de beneficio. Et verius dicitur, quod Legato non currit tempus sex mensium ad conferendum. Garcia p. 5. c. 3. n. 26. Item beneficia spectantia ad collationem Clericorum alterius provincie, non tamen existentia extra provinciam. Non potest conferre beneficia litigiosa, lite pendente cap. Vt lite pend. in sex. Neque Cathedrales, aut regulares, vel Collegiatas, & dignitates maiores post Episcopum in Cathedrali, cap. de liberatione, de off. leg. Non potest concedere ius ad vacaturas, licet possit beneficia vacatura suæ reservare collationi. Garcia ibid. n. 34. Non potest conferre vnum beneficium cum duobus sub conditione, si prior non consenserit, habeat secundus. Abb. in c. Tuæ, de præb. & per Doctores in cap. 2. de elect. in sex, & hoc de conditione expressa, secus de tacita. Non potest conferre beneficium ad tempus, quia beneficia debent esse perpe-

tua 50. di. c. præsens 11. q. 7. Pastoralis. Non potest conferre dignitates electivas, neq; prohibere electoribus eligere; & si facit, sacrilegus est. de Sacr. l. sunt quidam. Non potest cōferre beneficia deuoluta ad Episcopos tāquā delegatos Sedis Apostolicæ c. Dudum, de præb. in 6. Legatus Papæ in Vrbe, recedente Papa si non habeat peculiare mandatum, non potest conferre beneficia Urbis: tum quia nec Vicarius generalis institutus ab Episcopo habet facultatem concedendi beneficia. cap. 1. & 2. de offic. Vicarij in 6. tum quia beneficia in Vrbe sunt reseruatā. Non potest Legatus impetrare sibi, aut suis consanguineis, vel familiaribus beneficia, ubi in causis priuationem beneficiorum concernentibus fuit iudex: Const. 14. Pauli Quarti incip. cupientes. Non potest necessitare Canonicos ad recipiendum aliquem contra statuta Ecclesiæ illius. Abb. in cap. cum sit de constitut. Promissio facta à Legato de conferendo alicui beneficio primo vacaturo, non valet, quia esset contra Concilium Lateranense prohibens donationem, vel promissionem beneficij priusquam vacet, extra de concess. præb. c. 2. & contra prædictum Concilium Legatus nihil potest, sed solus Papa. Obijciēs, si non potest promittere, ergo non poterit reseruare primò vacaturum; quia idem sunt. Sed dicitur, quod promittere plus est, quam reseruare, iuxta Specul. part. 1. de Legato §. nunc tractemus §. Item Legatus Cardinalis, & seq. Nam ultra reseruationem beneficij includit asssecurationem eius, cui beneficium vacaturum promittitur.



P A R A G R A P H V S II.

*De Authoritate Legati, quoad Commendas.*

No.1. **L**egatus de latere potest commendare beneficia, quia & id potest Episcopus, cap. Nemo de elect. in sexto. Non tamen Ecclesiam Parochialem ultra sex menses, Concil. Trid. sess. 24. de reform. c. 18. In alijs, quæ potest commendare, potest id facere ultra sex menses, hoc est finitis illis, potest ad todidem alios commendare, ubi necessitas Ecclesiæ id postulauerit. Non potest commendare nisi in vita Clerici, nam solius Papæ est commendare in perpetuum, & cõmendare est depõnere, hoc est ad tempus tradere, cap. si constituerit de accus. hodie tamen commendæ habent naturam tituli. Potest commendare vnâ Ecclesiâ habenti alteram in titulum, nam cõmenda ad tempus non repugnat titulo, nisi sit perpetua, vel in fauorem Commendatarij, non Ecclesiæ. Garcia p. 4. c. 5. n. 47. Durat commendam etiam mortuo Legato commendante, cap. Nemo de elect. & cap. Dudum. An vacet beneficium per mortem Commendatarij? licet probabilis videatur affirmatiua, probabiliorem credit negatiuam Garcia ibid. num. 64. Per commendam factam à Papa beneficium manet affectum. ibid. n. 68.



## P A R A G R A P H V S I I I.

*De auctoritate Legati, quoad pensiones.*

No. 1. **L**egatus de latere potest imponere pensiones, & eas augere, de cens. & exact. cap. præterea cap. cum venissent de restit. spol. c. Audiuimus de collusi. deteg. Rebuff. de pacificis possess. num. 120. Gigas q. 6. n. 18. quia Ordinarij potestatem habet. Garcia de benefic. p. 1. c. 5. n. 181. Id facere tenetur cum causa, & de consensu Rectoris, Glo. eo tit. cap. 1. aliàs enim præsumitur imposita in fraudem, nisi appareat de causa: Cardin. in cap. extirpandæ de præb. Garcia ubi supra n. 324. Vnde Legatus, & Episcopus absque causa imponens pensionem, peccat mortaliter, & tenetur ad restitutionem, solius enim Papæ est pro libito voluntatis imponere pensiones. Gigas q. 6. n. 6. & sequentibus. Immo nec ipse potest absque causa pensionem imponere, Syluester verb. beneficium. Caiet. Cardinalis 22. q. 100. ar. 1. ad 2. qui rationem reddit dicens. *Papa non est Dominus, sed dispensator pecuniæ Ecclesiæ, ac per hoc pecunia Ecclesiæ non est sua absolute, ut possit ad libitum de ea disponere, & plenitudo potestatis Papæ non eximitur potestatis dispensatiuæ.* Potest Legatus imponere pensionem beneficio Iurispatronatus, quia non est onerosa Patrono, sed Rectori, Rota decis. 911. in nouissimis, Naldus verb. Pensio n. 2. Eam limitat Garcia, dummodo non transeat ad successores in beneficio, quia cederet in præiudicium etiam Patroni, propter præsentationem, quæ fieret de beneficio grauato. De benef. p. 1. cap. 5. n. 359. Per Bullam 73. Pij V. nihil derogatur auctoritati Legati circa pensiones, nam per reservationes Sedi

Apostolicæ non excluditur Legatus à latere . per Innoc. cap. Veniens de verb. signif.

No. 2. Causa imponendi pensiones est multiplex . Primum locum obtinet necessitas Ecclesiæ , quæ ministros sufficientes non habet . Clement. 1. de reb. Ecclesiæ non alien. quæ extenditur non solum ad Rectores, & Vicarios, sed ad Cantores, cæterosque ministros . Secunda est paupertas Clericorum, cui potest Legatus occurrere, negligente Episcopo, etiam habita ratione personæ cum multa prouidentia, & cautela . 12. q. 1. Potest ex iuxta causa, & ad certum tempus referuare fructus beneficij vacaturi, dummodo ministris relinquat necessaria. 10. Andr. cap. Vnico, de excess. præl. in sex; cap. Tua, de verb. signif. per Honorium tertium; Potest pariter ex causa concedere fructus primi anni beneficij vacaturi, ita tamen, vt possit beneficium cum emolumento conferri, alias non. Glo in c. si propter de rescript. in sex. 10. Andr. in nouellis Pauli li. 2. Non potest concedere facultatem transferendi pensiones 8. q. 1. Apostolicæ . Non potest imponere pensionem super parochiali, cuius annuus redditus non excedat summam ducatorum centum. Concil. Trid. sess. 24. de reform. c. 13. quicquid sit de consentiente. Garcia p. 1. q. 5. n. 258. Non valet reseruatio ultra portionem permissam in facultatibus Legati, nam deficiente conditione, totus actus corrui. Garcia ib. c. 52. num. 412. Neq; potest constituere pensionem ultra medietatem veri annui valoris fructuum. Const. 20. Urbani Octaui incip. Sanctissimus . Non potest imponere pensionem hospitali Ecclesiastico, neq; illud dare Clerico in titulum, etiam stante contraria consuetudine. Clement. quia contingit, de relig. domibus.



## LIBER VNDECIMVS

De auctoritate Legati, quoad reservationes.

## PARAGRAPHVS I.

*De auctoritate Legati in reservandis beneficijs.*

No. 1



**N**ON potest Legatus reservare beneficia, quæ  
 nō potest conferre. Abb. in c. 1. de præb. Pē-  
 dente vna reservatione in aliqua Ecclesia,  
 non potest in eadem aliam facere, cap. de-  
 liberatione, de offic. leg. Non potest gene-  
 raliter reservare beneficia suæ Legationis, sed tantum  
 facere reservationem specialem, Garcia p. 5. cap. 3. n. 37.  
 de certo beneficio. Licet possit reservare beneficium  
 pro certa persona, vt in c. Dilectus de iure patr. ei ta-  
 men nec in re, nec ad rem ius quæritur c. cum dilectus  
 de præb. Garcia ibid. n. 38. Potest dare executores pro  
 collatione beneficij reservati. Anchar. c. In præsentī de  
 off. leg. Reservatio secunda facta statim finita prima, nul-  
 la est c. Mandatum de rescript. Prohibitiones appositæ  
 in litteris Legati reservantis beneficia nō afficiunt igno-  
 rantes, iuxta communiores sententiam, quia id est pe-  
 culiare litteris Papæ. cap. quia cunctis de Const. præb. in  
 6. & in clement eo. tit. Non potest se intromittere de  
 beneficijs reservatis papæ c. licet, de præb. in sex. neq;  
 de specialiter concessis alicui, vt ea conferat. Abb. in  
 c. Dilectus de off. leg. quæ autem sint Papæ reservata, di-  
 cetur statim. Mortuo Legato, aut expirata ipsius lega-  
 tione, executores non possunt conferre beneficium re-  
 servatum Glo. in cap. Præsentī de off. leg.

PA-

## P A R A G R A P H V S I I.

*De beneficijs referuatis Papæ.*

No. 1. **P**apæ referuantur omnia beneficia vacantia in curia, non solum per mortem obtinentium, sed etiam per renunciationem, aut quouis alio modo in extrau. Bened. xi. i. Ad Regimen, quam locum habere decernit Urbanus VIII. Reg. Cancell. etiam si officiales in eadem Const. expressi Apostolicæ Sedis officiales ante eorum obitum esse desierint, quoad beneficia, quæ tempore, quo officiales erant, obtinebant. Item beneficia vacantia ex eo quod quis incompatibilia beneficia obtineret, & alterum non dimisisset iuxta Cōst. Io. XXII. execrabilis. Item Beneficia, de quibus Ordinarij, & alij Collatores disposuerunt contra decreta Conc. Trid sess. 24. c. 8. de reform.

Item omnes Ecclesiæ Patriarchales, Primatiales, Archiepiscopales, Episcopales, Monasteria virorum excedentia valorem annum ducentorum florenorum auri

Item Dignitates, ac beneficia omnia spectantia ad collationem Ordinariorum, quæ post illorum obitum vacauerint. Item beneficia omnia vacantia ob incompatibilitatem, surreptionem, aut resignationem in fraudem. Item Dignitates omnes maiores post Pontificales in Cathedralibus. & supra, principales in Collegiatis, & excedentes valorem annum decem florenorum auri familiarium Papæ, ac Cardinalium de præsentī, aut in posterum vacantium, etiā post mortem dictorum Cardinalium; nomine tamen familiarium non veniunt consanguinei. Item beneficia collectorū, & subcollectorum Cameræ Apostolicæ, quæ durantibus eorum officijs obtine-

bant. Item quælibet beneficia curialium decedentium, dum sequerentur curiam de loco ad locum transeuntē.

Nomine Curia, secundum communioem, intelligitur Curia cum Cancellaria; Audientia, & Tribunalibus, & ubi causarum, & litterarum Apostolicarum fuerit audientia, quauis Papa se contulerit personaliter. Clement. Ne Romani S. Sanè. Omnia beneficia Cubiculariorum, etiam honoris, & cursorum D. papæ. Omnes Canonicatus, præbendæ, dignitates, personatus, & officia in S. Io. Lateranensis, Principis Apostolorum, ac B. Mariæ Maioris in Vrbe Ecclesijs, nec non ad collationem, prouisionem, seu quamuis dispositionem S. R. E. Cardinalium à Romana Curia absentium ratione suorum Episcopatum, & titulorum spectantia, durante eorum absentia, cum cura, vel sine cura tam in eadem Vrbe, quam in alijs Ciuitatibus, & Dioecesibus. Item beneficia in octo mensibus anni cum alternatione in cæteris. Hæc omnia in Regulis Cancellariæ per Urbanum VIII. Item omnia beneficia vacantia ob crimen hæresis ex Const. Pij V. cum Apostolatus. Item omnia per confidentiâ accepta ipso facto vacât, & Papæ referuantur. Const. Pij IV. Romanū Pontificē, & Pij V. intolètabilis. Itē beneficia collata Clericis prohibitis ob originē hæresis, aut apostasiā à fide. Cōst. Greg. XI. in Ecclesijs.

No. 2. Legatus habens facultatem conferendi beneficia vacantia, non potest conferre semel affecta reſeruationi, quia etiam cessante causa affectionis, semper remaneant affecta. Rot. decis. 410. 617. & 70. in Antiq. & extrau. Pauli Secundi, Ad Romani. Hinc sequitur, Legatum habentem facultatem cōferendi beneficia reſeruata, exceptis beneficijs familiarū papæ, non posse conferre beneficia familiaris Papæ mortui. Ex his collige, quæ dispositioni Legati remaneāt, & licet non sit ablata auctoritas, quam attenuatus sit y sus.

## LIBER DVODECIMVS

De auctoritate Legati à latere in Concilijs  
Generalibus.

## PARAGRAPHVS VNICVS.

No. 1.



**N**ULLAM ex se habere Legatos auctoritatem congregandi generalia Concilia, vt indubitatum afferui initio lib. quarti huius operis : at cum non minus pro certo constet, DD. Cardinales à Summis Pontificibus ad celebranda Concilia destinari non raro, vtque eisdem præsideant, quinimo nulli de octo Concilijs vniuersalibus, quæ cæteris in Ecclesia præstare auctoritate leguntur, Romanus Pontifex interfuit, sed per suos Legatos, vt c. Canones 15. di. propterea de hoc quoque dicere valde huic operi consentaneum duxi, & pro maiori distinctione persequentia absoluam.

Adeo verum est, Legatos ad Concilia celebranda à Summis Pontificibus mitti, vt eos in diffinitione Concilij cum papa disiunctim ponendos iudicarit D. Cardinalis Io. à Turrecrem. summa de Ecclesia lib. 3. c. 5. sic habens. *Concilium vniuersale Catholica Ecclesia est congregatio maiorum Prælatorum Ecclesia, auctoritate Romani Pontificis speciali conuocata ad aliquid commune intentione Ecclesie solenniter tractandum in religione Christiana, Papa in Concilio præsentem, vel aliquo Legato, scilicet loco suo.* Huius disiunctionis ratio elucescet, si cum eodem Authore cap. vndecimo, aduertamus vniuersales Synodos cum præsentia Papæ raro, frequentius per alios celebratas, & præcis temporibus Papam personali præsentia nõ  
so.

solitum interesse attestati sunt in Concilio Chalcedonenſi à Leone Papa miſſi Legati ad Imperatorem, cui in deſiderio erat, vt Papa Concilio ipſi præſſet, quod & enixe datis litteris poſtulauit. Dixerunt, inquam Legati, *Glorioſiſſimi, ac Chriſtianiſſimi noſtri Imperatores charitatem & Catholicam Fidem, & affectum tenentes, Beatiffimum Leonem Apoſtolica Sedis Præſulem, vt ad hoc vniuerſale Concilium adſet, dirigentes venerabiles epistolae, ſupplicauerunt. Cuius pietati placere poſſet, ſi in hac re probaretur aliquod ſimile à Prædeceſſoribus factum. Nam melius veſtra cognoscere poteſt Sanctitas, quia nec in Nicæna, nec in Ephèſina Synodo, nec in alia tali, ſcilicet Concilio, Papa S. Sedis adſuit, pro qua huius formæ ſequens conſuetudinem nos direxit. Hac ibi.* Huius conſuetudinis ratio, (vt incidenter dicam) triplex recensetur. Prima, ne Papæ Tyrannis vis inferretur, ſicut contigit Felici, qui à Conſtantio Imperatore Sede pulſus poſt Concilium, eiufdem iuſſu decollatus eſt. Secunda, vt maior libertate poſſit. Papa examinare, approbare, & reſcindere Canones, & acta Concilij, iuxta merita. Tertia, ob maximas vniuerſalis Eccleſiæ in Vrbe, & eiufdem Urbis negotia. In his Concilij Legati à Papa miſſi Præſidentes habent præſentiam, non ſolum honorariam, ſed etiam authoritatiuam, & ad ipſos pertinet dirigere, proponere, &c. non proprio, ſed Papæ nomine Glo. 17. di. Generalia. Ad eorum interlocutiones, quæ proferenda ſunt proferuntur, & diſcutiuntur. Ipſi non mandato Concilij, ſed Papæ ſententias proferunt: vnde & ſtaua aſſ. Concil. Chalcedonenſis Legati Papæ deſinientes contra photium, & in fauorem Ignatij à Sede exturbati, dixerunt: *Nos non nouum, vel recens iudicium iudicabimus, ſed vetus, & multo tempore præiudicatum pridem à Sanctiſſimo, ac Beatiffimo Papa Nicolao, & ſignatum à Sanctiſſimo Papa Adriano.* Legati ſubſcribunt

bunt actis Concilij, sicut cæteri Prælati: at non propterea non debent dici maiores, sicut & aliquando Papa dicendo, statuo, subscribo, &c. & primo loco subscribunt licet aliquando inueniantur alij priori loco subscripti, ut Cyrillus Alexandrinus in Ephesino: sed iste, & alij erant Præsidentes à Papa constituti.

*Queritur. An Concilium nomine Papæ à Legatis congregatum, & directum possit errare in fide.*

Dico. Ante Decretum, & approbationem Papæ Concilium potest errare. Melchior Cano de locis Theol. li. 5. Bellarm. disp. to. 1. l. 2. c. 11. Argues. Tale Concilium repræsentat Ecclesiam vniuersalem, quæ errare non potest. Resp. iuxta doctrinam eorundem post Card. Caietanum opusc. de autoritate Papæ, & Concil. Concilium absque capite Summo Pontifice, & sine ipsius approbatione non reperesentare Ecclesiam vniuersalem. Dices ergo frustra conuocantur Concilia, quando Papa est ita iudex, ut definitiones cum interuentu Legatorum nullo modo sint firmæ, sine Papæ approbatione. Resp. negando illationem: primo quia Patrū sententijs fides Pontificis maximè iuuatur. Secundò, quia plus autoritatis habere solet, quod pluralium consilio, atq; iudicio nescunt populi definitum.

Replicabis. Si Legati sustinent Papæ personam, & nomine ipsius adsunt, & iudicant, quomodo autoritate Pontificis definientes errare possunt? Dicit Bellarm. quandoq; Legati mittuntur à Papa cum sententia ipsius Papæ, & si tunc à Concilio talis sententia approbetur, fit: Decretum nomine Papæ, non Legatorum, & in tali casu non potest interuenire error & hoc fieri solet, quando cumq; de peculiari dogmate controuersia discutienda est in Concilio; Nam tunc Papa mittit Legatos  
cum

cum instructiōe, & sentētia, ea conditione, vt approbata à Concilio, formetur nomine ipsius Decretū : at quando cōtingit adunari Concilia, ad varia in eis agenda, & cum de omnibus, ac singulis nequeat Papa prouidere, mittit Legatos, qui Cōcilio præsint, & definitiones faciendas ad Sedem Apostolicam transmittant approbandas.

Instabis. Cōcilijs generalibus assistit Spiritus Sāctus: vnde Actuum Apostolorū 15. dicitur; *Visum est Spiritui Sancto, & nobis*: quomodo igitur potest interuenire error, vbi Spiritus Sanctus director interuenerit? Vrgere videtur hoc argumentū, & magnam habere vim, vnde non concordant Doctores in respondēdo; Ego verò omīssa prolixitate, quæ ex cuiusvis placitis afferēdis enasceretur, vtar doctrina Eminentissimi D. Io. de Turrecrem. 15. di. Sancta Romana q. 1. ad 2. & est: Licet Canones Patrum dicantur, & sint in Sancto Spiritu conditi; nihilominus ad hoc, vt obligent, necesse est, vt autoritate Superioris confirmentur, & approbentur; Non enim omne, quod aliquibus Spiritu Sancto inspiratum est, habet omnes obligare ad sui obseruantiam, nisi ab eo instituitur, aut approbetur, qui habet autoritatē respectu totius Christianæ Vniuersitatis; solus autem Papa id habet, & ideo omnia instituta à quibuscumque Patribus in Concilio, à Papa debent confirmari. Adest exemplum; Electio canonica licet sit à Spiritu Sancto, attamen per eam electus non habet iurisdictionem, nec alij tenentur ei obedire, vt Prælato, quoadusq; a Superiore electio ipsa approbetur, & confirmetur, si Superiorem habet.



# LIBER TERTIVSDECIMVS

De terminis potestatis Legati, & Legationis, &c.



**C**V M potestas Legati à concedentis (vt iutio operis dictum est) dimanet arbitrio: Isq; immediatè à Deo plenitudinem potestatis sortiatur; limites auctoritatis Legati, haud facile est determinare. Neq; enim satis explicant Doctores, dum ex casibus, & censuris plura accumulunt, quæ Papæ ex priuilegio reseruantur: quia ex huiusmodi reseruatione non adimitur Papæ potestas ea plura, vel pauciora speciali mandato transferre; Ipse in hac re generalibus regulis incedam, vt quilibet apprehendat, & applicet.

## PARAGRAPHVS I.

*De terminis potestatis Legati.*

No. I. **C**ertum est, quam potestatem sortiatur Legatus ex vi litterarum suæ Legationis, & vt Ordinarius, vt supra dictum est; non æqualiter certum, ad quæ se extendat Legati auctoritas ex consuetudine, & solitis concedi; Hoc ultra litteras facultatum vsus ipse docet. Cæterum inter ea, quæ Papæ reseruantur ex speciali priuilegio, & prærogatiua, quedam adeo ei sunt propria, vt alteri sint incommunicabilia. Non potest Papa alteri conferre prælationem suam, quam habet super omnes homines, salua suæ Dignitatis ratione, siue sit sermo de maiori, siue de æquali potestate: Hæc est communis sententia: Eam docent post D. Thomam, &

P  
Palu.

Paludanum, D. Cardinalis de Turrecrem. in summa Ecclesie cap. 114. D. Cardinalis Caietanus 2.2. q. 67. art. 1. Magister Dominicus Soto de iust. & iur. li. 5. quæst. 4. ar. 1. Ratio est: Papa non potest agere contra ius Diuinum, cum sit impermutabile. Dispositio autem Diuina est, quod Papa sit omnibus Superior: ergo non potest alteri maiorem, aut æqualem tribuere potestatem. Omnia patent. Potest tamen conferre Legato, immo & cuilibet Sacerdoti, ut ipsum iudicet in foro conscientie, & eadem seipsum subijcere, quia iudicium confessionis est quoad Deum, apud quem quilibet redditur minor. Hinc sequitur, non posse Papam tribuere Legato, ut nullum omnino recognoscat Superiorem, quia nequit excludi papalis autoritas, & persona loquentis. Neq; potest conferre Legato absolutam potestatem definiendi omnes causas fidei, quia hoc est de essentialibus Papatui, adeo quod in Ecclesia, secluso Papa, non est talis autoritas, quandoquidem in persona Petri Papæ dictum est. *Ego rogaui pro te, ut non deficiat fides tua, & tu aliquando &c.* & rursus, *Pasce oues meas*: Item & soli Apostolicæ Sedi assistit Spiritus Sanctus in definitionibus. Nec obstant determinationes rerum fidei factæ in Concilijs; Nam & hæc non fuerunt congregata absque Papa, neq; illa sortita sunt valorem absque Sedis eiusdem approbatione, 17. dist. per totam. Neque potest conferre auctoritatem canonizandi Sanctos prohibito, eadem ratione, essetq; in præiudicium vniuersalis Ecclesiæ, cuius ipse Papa est caput. Neque dare potest omnimodam potestatem supra ius positium, quia hoc esset dare plenitudinem potestatis, quæ in solo Papa est à Deo. Neque depositiones Episcoporum vniuersaliter, aut indifferenter, D. Io. de Turrecrem. lib. 3. cap. 92. Neque iudicialem definitionem, seu interpretationem Priuilegiorum Pa-

pæ. De Iud. c. cum venissent. Neque auctoritatem conuocandi Concilia generalia ad libitum, & nomine proprio, quia esset conferre ius in Ecclesiam vniuersalem. Neque potestatem autorizandi, aut confirmandi acta datorum Conciliorum proprio nomine, eadem ratione. Neque nouas religiones instituendi, confirmandi, reformandi, &c. ad arbitrium. Neque Imperatores, aut Reges propria auctoritate deponendi, electiones eorum reprobandi: quia cum non recognoscant in terris Superiorem præter Papam, non potest eos subijcere alteri à se, aut in eorum præiudicium conferre alteri Principatum Ecclesiæ 40. di. Si Papa. Neque concedere eidem priuilegium, vt de nullo crimine possit accusari, aut condemnari: quia hoc est solius Principis supremi, quod nullis ligetur legibus, ibidem. Neque concedere ei, aut etiam toti cætui Cardinalium, vt Sede vacante fungantur auctoritate papali: quia vt dictum est, hæc habetur immediatè à Deo, & soli Petro est concessa, ita vt cæteri omnes sint illius incapaces 2. q. 6. qui se scit. Immo neque Concilio generali potest eam facultatem conferre, quia potestatem immediatæ vicariæ nullus potest conferre præter eum, cuius Vicarius est, qui eam habet, sed solum à Christo Domino instituta est, immediatè quidè in persona Petri; in successoribus verò eius mediante electione Ecclesiæ. Igitur nequit Papa eam Concilio, aut alteri conferre. Syluester verbo Papa, primo, ex doctissimo viro Hæruco de potest. Ecclesiastica. Hæc omnia prædicta nec Papa ipse cum tota Ecclesia facere potest, quia non esset vna Christianitas, & vna Ecclesia sub vnicò Pastore. Immo nec Vicarius simul cum communitate subiecta potest facere oppositum eius, quod principalis Dominus ordinauit dicens; *Et super hanc petram ædificabo Ecclesiam meam.* & rursus, *Erit vnum ouile,* &

*unus Pastor:* His tamen non obstantibus, non tollitur Papæ potestas, quo minus circa supradicta singillatim, quandoque possit demandare Legato publicationem, denunciationem, executionem, &c. etiam cum causæ cognitione, quia hoc non est plus, quam instituere ministrum, atque eius vti ministerio.

## PARAGRAPHVS II.

*De expiratione, seu terminatione Legationis.*

**N**onnulli recensentur modi, quibus finitur, seu expirat Legatio, inter quos quibusdam existentibus minus certis, certiores sunt sequentes.

No. 1. Finitur Legatio expleto tempore Legationis, quæ datur ad tempus; Tempus autem in terris, seu provinciis Ecclesiæ, de consuetudine est triennium, Glo. in c. presenti de off. leg. in sex. In cæteris verò ad negotia gravissima non est tempus præfixum, sed secundum exigentiam negotiorum mensuratur, aut limitatur. Expleto tempore, oportet, ut reuocetur saltem de consuetudine. Item finitur Legatio per reuocationem factam à Principe, etiam ante tempus illud, quæ pendet ab eius arbitrio. Non intelliguntur Legati de latere reuocati, nisi id fiat speciali reuocatione, glo. ad tex. Si Abbatum de elect. in sex, & in cap. 1. de verb. signif. Rodriquez de quæst. regul. tom. 2. quæst. 63. ar. 5. Cherub. Schol. ad Const. 17. Eugen. IV. licet Romanus. Finitur quoque Legatio per renunciationem Legati, accedente tamen, acceptatione Papæ: quia si Papa non acceptat, non finitur Legatio. Immo Papa potest cogere Cardinalem ad perseuerandum in legatione, nisi legitimum probatumque allegaret impedimentum, etiam si diu eadem legatione fun-

functus fuisset, Glo. in cap. scripturis vestris 8. q. 1. Alias enim periret Ecclesiasticus ordo. D. Thom. 4. sent. di. 18. Item finitur legatio Legato assumpto ad Papatum; idem enim non potest esse princeps, & minister. cap. per vestros de iure patr. & No. in c. si ablatum de elect. in sex. Neq. obstat, nonnullos Sumos Pontifices ab Occidentis Imperatoribus ad Orientales missos fuisse. Hi enim & vi missi, & intuitu Ecclesiasticę pacis onus susceperunt, pro Christo fungentes Legatione, & ut ipsius Vicarij intrepide egerunt. Item finitur legatio per ingressum successoris intra fines legationis: hoc probat potius factum, quam lex, & ita docet cap. volentes de off. leg. licet aliam partem non reprobare videatur, sed loquitur de simplici datione noui Legati. Mortuo Papa, non expirat iurisdic-  
tio Legati, quoad ea, quę ei competunt iure legationis, quia est Iudex ordinarius, neque etiam, quoad solita concedi, eadem ratione. Expirat tamen eius iurisdic-  
tio quoad ea, quę iurisdictione delegata obtinet. Glo. in cap. Legatos de off. leg. & est probabilior, eamque tenui Abb. in c. licet vndiq; de off. & potest iud. deleg.

Nec allata in oppositum à Gambarà probant; non illud, inquam, quod omnes facultates emanent vna cōcessione Quia huic, non repugnat, quod sint diuersę facultates, si cut & diuersę sunt litterę, quibus conceduntur, vt initio huius operis est obseruatū. Et patet ex simili in Episcopo quia alia habet vt Ordinarius, alia vt Delegatus, quę tamen communia sunt omnibus Episcopis. Non item: quod dicitur de officio Vicarij: quia hic ad omnes causas generaliter instituitur, & vnum Tribunal facit cum Episcopo & in omnibus est ordinarius; non ita ille, vt patet. Mortuo Papa, etiam ante ingressum prouincię, non expirat legatio, quia illa Decretalis non distinguit de ingressu secuto, vel non secuto. Glo. in d. c. Legatos, & idem est,

aut simile in Episcopo. Acta Legati ante notitiam reuocationis valent. Io. Andr. in Clem. 1. de renuntiat.

No 2. Finita legatione, causæ inchoatæ coram Legato spectant ad successorem. No. in c. Si Abbatum de elect. in sex. Adhuc tamen durat authoritas Delegati, quoad causas inchoatas. cap. vbi, de off. deleg. & perpetuatur talis iurisdictionio Delegati per citationem, & alium iudiciale actum. cap. oratum de off. Deleg. Non verò per solam delegationem: c. licet de off. Deleg. Legatus, qui prouinciam exiuit animo non redeundi, non potest amplius exercere in ea iurisdictionem, quia finita est eius legatio. per Glo. in cap. præsentis de off. leg. §. Finitur legatio. Hoc autem fortasse dicit quoad spiritualia, sed potuit eum poenitere ante acceptationem, & re integrare.

No. 3. Si Papa primo Legato commiserit diuersas causas singulares, expresso nomine Legationis, & ipse ante aduentum secundi Legati processerit in dictis causis Apostolica authoritate, non Legationis, poterit etiam post aduentum secundi illas persequi Specul. lib. 1. par. 1. De delegato §. Superest. §. Sed si moram.

L A V S D E O.











